



ԶԱՄԱՐՈՒ

1985

Դ



ԶԱՄԱՐՈՒ





ԽՐ

ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ԿԿՊԻՆ

1985



ՀՐԱՄԱՆԱԻ

Տ. Տ. ՎԱՋԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԷՆ Ա
ՀԱՅՐԱՊԵՏԻ ԶԱՏԿԱԿԱՆ ՔԱՐՈԶԸ ԱՐՏԱՍԱՆՈՒԱԾ
ՍՈՒՐԲ ԷԶՄԻԱԾՆԻ ՄԱՅՐ ՏԱԾԱՐՈՒՄ
(7 Ապրիլ 1985 թ.)

Յանուն Հօր եւ Որդւոյ եւ Հոգւոյն Սրբոյ. ամէն:
«ՔՐԻՍՏՈՍ ՅԱՐԵԱՒ Ի ՄԵՌԵԼՈՑ»:

Սիրելի հաւատացեալ ժողովուրդ,

Մեր սուրբ Եկեղեցին վերստին բերում է մեզ բոլորիս աւետիսը հրաշա-
փառ Յարութեան մեր Փրկչի Յիսուս Քրիստոսի: Այս մեծ աւետիսով է բացում
գարունը աշխարհի, այս մեծ աւետիսով գարուն է իջնում մեր հոգիներին: Նոր
կեանքի սոսափին բնութեան մէջ, նոր կեանքի լուսաբաց մարդկային հոգե-
կան աշխարհում:

«Փառք Յարութեան քո, Տէր»:

Քրիստոսի Յարութիւնը պատմական գերբնական մի իրողութիւն է, աւանդ-
ւած մեզ սուրբ Աւետարանով: Գերբնական մի եղելութիւն, որ եկաւ յեղա-
շրջելու մարդկութեան պատմութիւնը և նոր իմաստ ու նոր ընթացք տալու
նրան: Գերբնական եղելութիւն, որ վերանորոգեց մարդկանց հոգիները, նոր
շնորհներով լցրեց նրանց և մարդկութեան առջև բացեց նոր ճանապարհ՝ բա-
րոյական բարձր ըմբռնումների և ստեղծագործ կեանքի: Վերջին երկու հազար
տարիների ընթացքում քրիստոնէութեան մտածումի թռիչքով, զգացումի ջեր-
մութեամբ և տեսիլքների ու որոնումների խոյանքով յորինուած բոլոր հրաշա-

լիքները, պատմում են Քրիստոսի Յարութեան փառքի մասին: Յարութեան հրաշքը դարեր շարունակ դարձել է հոգեկան սնունդ և մարդկային կեանքի ոգեբարոյական պայման: Հաւատքը Քրիստոսի Յարութեան՝ հոգեկան վիճակն է ոգեկանութեամբ ու բարոյականով լուսաւորուած մարդկանց: Մանաւանդ այս իմաստով է, որ յայտնում է մեզ ճշմարտութիւնը մեծ առաքեալի խօսքի. «Եթէ Քրիստոս չիցէ յարուցեալ, ընդունայն է քարոզութիւն մեր, ընդունայն են և հաւատքն ձեր» (Ա Կորնթ. ԺԵ 14):

Այսօր, Քրիստոսի Յարութեան աւետիսը մեզ համար նուիրական հրաւեր է՝ հաստատ մնալու մեր նախնեաց հաւատքի վեմի վրայ և հաւատարիմ՝ աւետարանական բարոյականին: Հայ ժողովուրդը բազմադարեայ իր գոյատևումը պարտական է ամէն բանից առաջ իր կանոնական հաւատքին: Նա կարողացաւ տոկալ, յաղթահարել ժամանակների բոլոր արհաւիրքները և ամէն նահատակութիւնից յետոյ վերածնունել, որովհետև ճշմարտապէս հաւատաց, թէ Քրիստոս «մահուամբ զմահ կոխեաց» և «յարեաւ ի մեռելոց»: Հայոց պատմութեան ճանապարհը տևապէս տառապանքի ու խաչելութեան ճանապարհ է եղել, որի ընթացքում մեր ժողովուրդը, բազում անգամներ, իր մահով յաղթել է մահին և մեռելներից յարութիւն առել: Մենք ինչպէ՞ս չհաւատանք Քրիստոսի Յարութեան, երբ պատմական վաւերական ապացոյցը ունենք մեր ժողովրդի վերածննդի, մեր ժողովրդի յարութեան: Քրիստոսի Յարութեան յոյսով մենք պիտի շարունակենք հաւատալ հայ ժողովրդի կեանքի մշտանորոգ ուժերին և նրա յանդուրժեանքը: Յիսուս այսօր էլ ասում է մեզ՝ «Ես կենդանի եմ, և դուք կենդանի լինելոց էք» (Յովհ. ԺԴ 20):

Քրիստոսի Յարութիւնը մեր յոյսն է, մեր զրահն է, մեր յաղթութիւնն է, մեր ուրախութիւնն է:

Այս ճշմարտութիւնը, մանաւանդ այս տարի մի անգամ ևս բացայայտում է մեր գիտակցութեան հորիզոնի վրայ, երբ մի քանի օրեր յետոյ, 24 Ապրիլին, պիտի ոգեկոչենք սուրբ յիշատակը 1915-ի Մեծ եղեռնի մեր նահատակների: Այդ սև թուականից եօթն անգամ տասը տարիներ յետոյ մեր ժողովուրդը իր նոր կեանքով, իր իրաւ վերածննդով մի անգամ ևս հաստատում է «մահուամբ մահը» յաղթելու հրաշքը:

Այո, կենդանի է այսօր հայ ազգը, եռանդով լեցուն ու ստեղծարար տենչով գոտեպինդ ի Մայր Հայաստան և ի սփիւռս աշխարհի, որ վերանորոգուած ուժերով և ներշնչանքներով, քայլ առ քայլ ընթանում է դէպի բարձունքները նոր նուաճումների, նոր իրագործումների:

Քրիստոսի Յարութեան աւետիսը հրաւեր է նաև ուղղուած բոլոր մարդկանց և աշխարհի բոլոր ժողովուրդներին, որպէսզի նրանք ապրեն խաղաղ ու համերաշխ: Վասնզի Քրիստոս երկնառաք Իշխանն է սիրոյ և խաղաղութեան գաղափարի: Մանաւանդ Յարութեան աւետիսով, մարդկային աշխարհում հզօր ու պայծառ է հնչում հաշտութեան ու եղբայրութեան պատգամը, հորիզոնից հորիզոն:

Խաղաղութիւն աշխարհաց ու եղբայրութիւն ժողովուրդոց. ահա հրամայական պատգամը մեր ժամանակների, երբ աշխարհակործան պատերազմի նոր ուրախանը խռովում է կեանքը և խիղճը համայն մարդկութեան: Մենք, Պօղոս առաքեալի խօսքը պիտի վերծանէինք, ասելով. «Եթէ յարուցեալ Քրիստոսի սիրոյ և խաղաղութեան պատգամը պիտի չկարողանանք կենսագործել աշխարհի վրայ, ընդունայն է մեր հաւատքը, ընդունայն է մեր քարոզութիւնը»:

Աստուածակառոյց Սուրբ Էջմիածնի կատարներից, այս խոհերով ու այս իղձերով, ցնծութեամբ աւետում ենք հրաշափառ Յարութիւնը մեր Փրկչի՝ Յիսուս Քրիստոսի, համայն հայ հաւատացեալ ժողովրդին, որ ի Հայաստան և

որ ի սփիռս աշխարհի, աղօթելով, որ սուրբ Յարութեան շնորհները առատապէս բաշխուեն մեր եկեղեցիներին, մեր բոլոր պառակներին, որպէսզի նրանք շարունակեն իրենց առաքելութիւնը աշխարհի վրայ, մեր ազգի մեծ լուսաւորիչների անմար ջախը բարձր բռնած իրենց ձեռքերում:

Սիրելի հաւատացեալ պառակներ Մեր, դուք, որ հաւաքուած էք այս սուրբ Տաճարում և դուք, որ Մեզ լսում էք հեռուներից, լուսաշող Սուրբ Էջմիածնից և վերածնուած Մայր Հայրենիքից շնորհատրում ենք ձեզ բոլորիդ սուրբ Յարութեան աւետիսով և հայրական սիրով աղօթում ենք բոլորիդ կեանքի բարօրութեան ու խաղաղութեան համար:

Մանաւանդ դուք, հեռաւոր պանդոխտ պառակներ Մեր, Սուրբ Զատիկի շնորհներով անսասան ու կենդանի պահեցէք ձեր հաւատքն ու ձեր հայկական հոգին, ձեր աչքերը միշտ յառած դէպի վերաշինուած Հայաստան աշխարհ, մայր երկիրը ձեր և դէպի լուսոյ խորան Ս. Էջմիածին, քրիստոսաշէն Մայր Աթոռը Ամենայն Հայոց:

«Այսուհետև եղբարք, ողջ լերուք, հաստատուն կացէք, մխիթարեցարուք, միաբան լերուք, խաղաղութիւն արարէք և Աստուած խաղաղութեան և սիրոյ եղիցի ընդ ձեզ» (Բ Կորնթ. ԺԳ 11—12) և «Ընդ հաշտութեան Աստուծոյ միմեանց արկցուք գիրկս սիրով և միաբան գոչեցուք՝ Քրիստոս յարեալ ի մեռելոց» (Շարական): Ամէն:



Քույր Եկեղեցիներ



ՓՐԿՉԻ ՀՐԱՇԱՓԱՌ ՍՈՒՐԲ ՀԱՐՈՒԹՅԱՆ
ՏՈՆԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ԾԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ՔՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հռոմեական Կաթողիկ Եկեղեցու Քահանայապետ, Նորին Սրբություն
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (Հռոմ),
Կոստանդնուպոլսի Հռոմաց Տիեզերական Պատրիարք, Նորին Սրբություն
ԴԵՄԵՏՐԻՈՍԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),
Ալեքսանդրիայի և համայն Աֆրիկայի Հռոմաց Ուղղափառ Եկեղեցու
Պատրիարք, Նորին Սրբություն ՆԻԿՈՂԱՅՈՍ Զ-ԻՆ (Ալեքսանդրիա),
Երուսաղեմի Հռոմաց Ուղղափառ Եկեղեցու Պատրիարք, Նորին Սրբություն
ԴԻՈԴՈՐՈՍԻՆ (Երուսաղեմ),
Լպտի Ուղղափառ Եկեղեցու Պատրիարք, Նորին Սրբություն
ԱՄԲԱ ՇԸՆՈՒԴԱ Գ-ԻՆ (Կահիրե),
Համայն Եթովպիայի Պատրիարք, Նորին Սրբություն
ԱԲԲԱ ԹԵՔԼԵ ՀԱՅՄԱՆՈԹԻՆ (Ադիս Աբեբա),
Հնդկաստանի և Արևելքի Մալաբար Եկեղեցու կաթողիկոս, Նորին Սրբություն
ԲԱՍԻԼԻՈՍ ՄԱՐ ԹՈՄԱ ՄԱՏԹԵՈՍ Ա-ԻՆ (Բոթայամ),
Համայն Վրաց Պատրիարք-կաթողիկոս, Նորին Սրբություն
ԻԼԻԱ Բ-ԻՆ (Թբիլիսի),
Ռումին Օրթոդոքս Եկեղեցու Պատրիարք, Նորին Սրբություն
ԺՈՒՍՏԻՆԻՆ (Բուխարեստ).

Բուլղար Օրթոդոքս Եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),
 Անտիոքի Ասորի Ուղղափառ Եկեղեցու Պատրիարք, Նորին Սրբություն
ԻԳՆԱՏԻՈՍ ԶԱՔԶԱ Ա ԻՎԱՍԻՆ (Դամասկոս),
 Անտիոքի և համայն Արևելքի Հույն Կաթողիկ Եկեղեցու Պատրիարք, Նորին
 Սրբություն **ՄԱՔՍԻՄՈՍ Ե ՀԱՔԻՄԻՆ (Դամասկոս),**
 Անտիոքի Ասորի Կաթողիկ Եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵՔ ԲԻՆ (Բեյրութ),
 Անտիոքի և համայն Արևելքի Հույն Օրթոդոքս Եկեղեցու Պատրիարք,
 Նորին Սրբություն **ԻԳՆԱՏԻՈՍ ԴԻՆ (Դամասկոս),**
 Քենթրբերիի Արքեպիսկոպոս, համայն Անգլիայի Եպիսկոպոսապետ և
 միտրոպոլիտ, Նորին Գերաշնորհություն **ՌՈԲԵՐՏ ՌԸՆՍԻՆ (Լոնդոն),**
 Աթենքի և համայն Հելլադայի Արքեպիսկոպոս, Նորին Գերաշնորհություն
ՍԵՐԱՖԻՄԻՆ (Աթենք),
 Սերբիայի և համայն Հարավսլավիայի Պատրիարք, Նորին Սրբություն
ԳԵՐՄԱՆԻՆ (Բելգրադ),
 Վարչավայի և համայն Լեհաստանի միտրոպոլիտ, Նորին
Գերաշնորհություն ՎԱՍԻԼԻՆ (Վարչավա),
 Պրագայի և համայն Զեխսլովակիայի միտրոպոլիտ, Նորին
Գերաշնորհություն ԴՈՐՈՖԵՅԻՆ (Պրագա),
 Կիպրոսի Արքեպիսկոպոս, Նորին Գերաշնորհություն
ԽՐԻՍՈՍՏՈՍՈՍԻՆ (Նիկոպոլիս),
 Անտիոքի Մարոնիտ Պատրիարք, Նորին Ամենապատվություն
ԱՆՏՈՒԱՆ ՊԻԵՌ ԽՈՐԵՅՇԻՆ (Կերկե),
 Մարսելի Արքեպիսկոպոս, Նորին Ամենապատվություն կարդինալ
ՌՈԺԵ ԷՉԵԳԱՐԱՅԻՆ (Մարսել),
 Վիեննայի Արքեպիսկոպոս, Նորին Ամենապատվություն կարդինալ
ՖՐԱՆՅ ՔՅՈՆԻԳԻՆ (Վիեննա),
 Քրիստոնեական Միության Քարտուղարության նախագահ, Նորին
 Ամենապատվություն կարդինալ
Ժ. Գ. Մ. ՎԻԼԵԲՐԱՆԴՍԻՆ (Վատիկան),
 Փարիզի Արքեպիսկոպոս, Նորին Ամենապատվություն
ԺԱՆ ՄԱՐԻ ԼՅՈՒՍՏԻԺԵՆ (Փարիզ),
 Լիոնի Արքեպիսկոպոս, Նորին Ամենապատվություն կարդինալ
ԱԼԲԵՐ ԴԵԿՈՒՐՏՐԵՆ (Լիոն),
 Լաուվիական ՍՍՀ Ավետարանական-Լութերական Եկեղեցու Արքեպիսկոպոս,
 Նորին Գերազանցություն **ՅԱՆԻՍ ՄԱՏՈՒԼԻՍԻՆ (Ռիգա),**
 Էստոնական ՍՍՀ Ավետարանական-Լութերական Եկեղեցու Արքեպիսկոպոս,
 Նորին Գերազանցություն **ԷՂԳԱՐ ՀԱՐՔԻՆ (Տալլին),**
 Ֆրանչիսկյան միաբանության կուսատու
ԻԳՆԱՏԻՈՍ ՄԱՆՉԻՆԻՆ (Երուսաղեմ),
 Խաղաղության Քրիստոնեական Կոնֆերանսի նախագահ,
 Նորին Սրբազանություն **ԿԱՐՈԼԻ ՏՈԹԻՆ (Պրագա),**
 Եկեղեցիների Համաշխարհային Խորհրդի գլխավոր քարտուղար
դոկտ. ԷՄԻԼԻՈ ԿԱՍՏՐՈՅԻՆ (Ժնև),
 Մխիթարյան ուխտին (Վենետիկ),
 Մխիթարյան ուխտի աբբահայր, Գերապայծառ Հայր
ԳՐԻԳՈՐԻՍ ՎԱՐԴԱՅԵՄ ՄԱՆՅԱՆԻՆ (Վիեննա),

Միաժևակեջ սուրբ Տաճարից ուրախ ենք Ձեզ բերելու մեծ ավետիսը Քրիստոսի Հարության, որով Աստուծո Որդին խափանեց մեղքը և հաղթեց մահվան՝ ցույց տալով մարդկության ճանապարհը հավերժական կյանքի:

Հրաշքի այս ժամին, Ձեզ ենք հղում Մեր հարգալից սիրո ողջույնը և աղոթում, որ Սուրբ Հարության ջնորհներով պորացած ու քաջամոռջ՝ շարունակեք Ձեր սուրբ առաքելությունը ի փառս Քրիստոսի Եկեղեցու և ի խաղաղություն աշխարհի:

Եղբայրական սիրով ի Քրիստոս՝

ՎԱԶԳԵՆ Ա


**ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**


Ս. Էջմիածին

*
* *

Ի պատասխան Ամենայն Հայոց Վեհափառ Հայրապետի՝ Փրկչի հրաշափառ Սուրբ Հարության ջնորհավորական գրությունների, ստացվել են քույր Եկեղեցիների հոգևոր պետերի և կրոնական այլ համայնքների ու կազմակերպությունների ղեկավարների կողմից այդ առթիվ ուղարկված ջերմագին ջնորհավորական հեռագրեր ու գրություններ, որոնցում մի անգամ ևս պայծառորեն արտահայտվում է քրիստոնեական սիրո, եղբայրության ու համագործակցության ոգին քույր Եկեղեցիների ու կրոնական այլ համայնքների և կազմակերպությունների միջև:

Հանուն Հայոց Հայրապետի՝ ջերմ ջնորհակալություն ենք հայտնում ստացված պատասխան ջնորհավորականների համար:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ՓՐԿՉԻ ՀՐԱՇԱՓԱՌ ՍՈՒՐԲ
ՀԱՐՈՒԹՅԱՆ ՏՈՆԻ ԱՌԹԻՎ՝
ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ ՆՎԻՐԱՊԵՏԱԿԱՆ
ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ
ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

Միածնաէջ սուրբ տաճարից ուրախ ենք Ձեզ բերելու մեծ ավետիսը
Քրիստոսի Հարության, որով Աստուծո Որդին խափանեց մեղքը և լիադէց
մահվան՝ ցոյց տալով մարդկության ճանապարհը հավերժական կյանքի:
Հրաշքի այս ժամին Մեր մաղթանքն է, որ մեր Եկեղեցու զավակները իրենց
սրտերը լայն բացած՝ արժանի դառնան Սուրբ Հարության շնորհներին: Մեր
հայրական սիրո ողջույնը և օրհնությունը տիրախնամ թեմիդ հոգևոր դասին,
թեմական և համայնքային վարչությանց հարգարժան անդամներին ու համայն
Մեր հավատացյալ զավակներին:

Քրիստոս հարյալ ի մեռելոց:

Վ Ա Ջ Գ Ե Ն Ա
ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին

* *

Փրկչի հրաշափառ Սուրբ Հարության տոնի առթիվ Ամենայն Հայոց Վե-
հափառ Հայրապետի անունով ստացվել են ամենաջերմ և հարգալից պգա-
մունքներով զեղուն բազմաթիվ շնորհավորական հեռագրեր և նամակներ Հայ
Եկեղեցու նվիրապետական երեք Աթոռների գահակալներից, արտասահմանի
և ներքին բոլոր թեմերի առաջնորդներից, ազգային-եկեղեցական, մշակութա-
յին, հայրենակցական, տիկնանց, օրիորդաց և երիտասարդաց վանապան կազ-
մակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն ենք հայտնում
ստացված շնորհավորականների համար:



**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՍՐԲԱՏԱՌ
ԿՈՆԴԱԿԸ ԱՊՐԻԼՅԱՆ ԵՂԵՌՆԻ ՆԱՀԱՏԱԿՆԵՐԻ
ՀԻՇԱՏԱԿԸ ՈԳԵԿՈՉԵԼՈՒ ՄԱՍԻՆ**

ՔՐԱՏՏՈՍԱԽԱՆԴ ՍԻՐՈՅ ՈՂՋՈՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ՄԵԾԻ ՏԱՆՆ ԿԻԼԿԻՈՅ ԿԱԹՈՂԻԿՈՍՈՒԹԵԱՆ, ՊԱՏՐԻԱՐԷՈՒԹԵԱՆ
ՀԱՅՈՑ ԵՐՈՒՍԱՂԵՄԻ, ՊԱՏՐԻԱՐԷՈՒԹԵԱՆ ՀԱՅՈՑ ԹՈՒՐԲԻՈՅ,
ԱՐՔԵՊԻՍԿՈՊՈՍԱՅ, ԵՊԻՍԿՈՊՈՍԱՅ, ՎԱՐԴԱՊԵՏԱՅ, ՔԱՀԱՆԱՅԻՑ,
ԹԵՄԱԿԱՆ ԵԿԵՂԵՏԱԿԱՆ ԺՈՂՈՎՈՅ, ՀԱՅ ՄՇԱԿՈՒԹԱՅԻՆ
ԿԱԶՄԱԿԵՐՊՈՒԹԵԱՆՑ ԵՒ ՄԱՄԼՈՅՆ, ԵՒ ՍԻՐԵՑԵԱԼ ՀԱՄԱՅՆ
ՀԱՒԱՏԱՑԵԱԼ ԺՈՂՈՎՐԴԵԱՆ ՀԱՅՈՑ

«Ոյք վարէին արտասուօք,
ցնծութեամբ հնձեցեն»
(Սաղմ. 125—5)

Այն սև օրերից եօթանասուն տարիներ յետոյ, Հայաստանեայց Եկեղեցին ու ժողովուրդը համայն, կանգնած են վերստին անմոռաց յիշատակի առաջ երկու միլիոն իրենց նահատակուած վաւակաների, որոնք զոհ գնացին Օսմանեան կայսրութեան կառավարութեան կազմակերպած ցեղասպանութեան 1915 թուին: Մի ամբողջ ժողովուրդ տեղահան արուեց իր պատմական երկրի՝ Արևմտեան Հայաստանի տարածքից ու ծրագրուած ձևով բնաջնջուեց մահուան ճանապարհների վրայ: Աւերակների վերածուեցին ու հրկիպուեցին բազմահարիւր հայաբնակ քաղաքներ և գիւղեր, վանքեր ու եկեղեցիներ, շատերը կոթողներ հայ դասական ճարտարապետութեան, կառուցուած վերջին հազար և հինգ հարիւր տարիների ընթացքում:

Այսօր արդի Հայաստանում թէ սփիւռքում, համարեա չկայ մի հայ մարդ որ չողբայ մարտիրոսութիւնը մի մերձատրի:

Այսօր մեր սգաւոր ժողովրդի վաւակաները, բոլորը անխտիր, սիրտ սրտի տուած իրենց աղօթքն են երկինք առաքում, իրենց նահատակուած հայրերի,

քայրերի ու եղբայրների հոգիների խաղաղության համար և համազգային ոգեշնչումով ողջունում են իրար ու մխիթարում, տեսիլքովը արդարության արշալոյսի, գիտակցությամբը պայծառ՝ սուրբ պահելու նրանց յիշատակը և հաւատարիմ մնալու նրանց ուխտին, նրանց երազանքին՝ հայ ազգը 'համայն մեկ-տեղուած ու հայոց երկիրը ամբողջացած տեսնելու:

Մեր քրիստոսանուէր ազգը մօտ երկու հազար տարի է ահա որ հաւատում է Աւետարանի ճշմարտութեանը, թէ՛ «Երանի է նրանց ովքեր քաղցած են և ծարաւի արդարութեան» և թէ՛ «Ազատուները պիտի մխիթարուեն» (Մատթ. Ե 4, 6):

Յիրաւի հայոց պատմութիւնը մի դիցապնեղութիւն է վասն Յիսուսի և վասն արդարութեան: Այդ հաւատքը լուսաւորեց մեր ազգի հոգին ու մեր պատմութիւնը, Սուրբ Գրիգոր Լուսաւորչից սկսեալ, բայց մանաւանդ հինգերորդ դարի Աւարայրի ճակատամարտից: Անցնող տասնհինգ դարերը վկայում են՝ թէ սրբազան մարտը վասն հաւատոյ և վասն հայրենեաց ազատութեան արիաբար շարունակուեց տարբեր պայմաններում, տարբեր գաղափարական տարազներով, տարբեր դրօշներով, բայց միշտ ի խնդիր քրիստոսաւանդ նոյն արդարութեան յաղթանակի, միշտ ի խնդիր նոյն յաւերժական Հայաստանի:

Մեր ազգի պատմութիւնը մի կենդանի յուշարձան է աշխարհի հորիզոնի վրայ բարձրացող, մարմին ու կեանք առած նահատակների արիւնով, բարուն և գեղեցիկին ծառայելու ստեղծարար հանճարով, սեփական ազգ ու ազատ հայրենիք կերտելու սրբազան կրքով: Եւ այդպէս ահա Նա բացել է դռները իր հոգու ուժերի, դռները յալիտենական կեանքի:

Այսօր, Մայր Հայրենիքում թէ սփիւռքում բնակուող բոլոր հայերը, առաւել համերաշխած ու եղբայրացած, Աստուծոյ և պատմութեան առջև բերելու են իրենց նուիրական վկայութիւնը, թէ նաև մեր օրերին և գալիք ժամանակներում, շարունակելու են այդ սրբազան մարտը անմար հաւատքով ու աներեր վճռականութեամբ, առանց կորցնելու իրատեսութեան զգացումը, առանց անհաւասարակշիռ արարքների և մանաւանդ առանց մոլորուելու ու հեռանալու մեր ոտքի տակ գտնուող հայրենի հողի իրամայականից, որ միակ գրաւականն է մեր ազգային գոյատւման և մեր արդար իղձերի ապագայ կենսագործման: Մեր օրերի վերաշինուած ու ծաղկող մայր երկիրը սուրբգրական Արարատի փեշերին, 1915-ին նահատակուած մեր ժողովրդի յիշատակը յաւերժացնող վեհագոյն յուշարձանն է և անշէշ յոյսի փարոսը արդարութեան լուսի: Մեր նահատակները մեռան ապրելու յոյսով և հայոց հայրենիքի վերածննդեան տեսիլքով:

Այսօր, այդ սև օրերից եօթնաստու յարիւնք յետոյ, մեր Եկեղեցին իր Մայր Աթոռ Սուրբ Էջմիածնով և հայրենաբնակ մօտ երեք ու կէս միլիոն ժողովրդով, իրենց մայր հողի վրայ կանգնած ապահով ու ինքնավստահ կերտում են Ամենայն Հայոց առաւել լուսաւոր ապագան՝ իրենց հայեացքը յառած դրախտի դուռ Արարատին և սպասում են ժամանակների ճամբին արթուն աչքով ու լաւատես: Եւ պիտի սպասեն նրանք ու նրանց զաւակները, եթէ հարկ լինի ևս եօթնաստու տարի՝ նոյն ուխտով, նոյն երազանքով:

Հայեր բոլոր հորիզոններից, այսօր Ապրիլի 24-ին, այս ուխտով, այս տեսիլքով, ձեր հոգու հայեացքը սնեռեցէք դէպի Ծիծեռնակաբերդ ու դէպի Արարատ:

Այսու Մեր կոնդակով Մեր հայրական հրաւերն ենք ուղղում բոլոր հայ եկեղեցիներին ու հոգևոր դասին, որ Ապրիլի 24-ին, համազգային միասնութեամբ սրբազան արարողութիւններով աղօթեն ազգիս բիրաւոր նահատակաց հոգիների համար ու մխիթարեն մեր սգաւոր ժողովուրդը ընթերցումով Մեր

սոյն հայրապետական կոնդակի և կազմակերպումովը սգոյ հանդիսատք հաւաքոյթների: Մեր յորդորն է նաև ուղեւալ լիակական միութիւններին, ազգային կազմակերպութիւններին և հայ մամուլին, որ միակամ ու միամարտ գործակցութեամբ արդար ու խաղաղ միջոցառումներով հետապնդեն 1915-ի հայոց ցեղասպանութեան ճանաչումը միջազգային իրաւական մակարդանի վրայ:

Մեր քրիստոնէական խիղճը թելադրում է Մեզ մաղթել, որ յանցապարտ լռութեան վարագոյրը համայն աշխարհի առաջ հերձուի ու ազատ ճառագայթի ճշմարտութիւնը և «բարձրանայ կողմը արդարութեան»:

Եւ ինչու չէ, միևնոյն քրիստոնէական ոգով պիտի կամենայինք յուսալ, որ մեզ դրացի՝ թուրք ազգի նոր սերունդները տեղեակ դառնալով իրաւ ճշմարտութեան, սգակիր հայ ժողովրդի հետ աղօթեն մեր նահատակների հոգիների խաղաղութեան համար:

Քարին Աստուած, անանց կեանքի աշխարհում թող յաւետ լուսաւոր պահի արդար հոգիները մեր Եկեղեցու նահատակուած վաւականների և իր պահապան աջով միշտ խաղաղ ու անվտանգ պահպանի համայն մեր ժողովուրդը և վերածնունդ մեր մայր հայրենիքը, ստեղծարար ծաղկման ու շինարար վերելքի կատարներին:

Ազգ իմ սգաւոր, ոչ հուրը, ոչ ջուրը և ոչ էլ ժամանակը, Օսմանեան կայսրութեան ճակատից ու աշխարհի յիշողութիւնից չեն ջնջելու սև խարանը մեծ ոճիրի, մինչ դու արևի ու արդարութեան ծարաւի ժողովուրդ, քո հայրենի բարձունքներից պիտի շարունակես տիեզերքին տենչալ ու ազատ սլանալ դէպի աղբիւրները լոյսի, վասնպիսի դու «մահը խափանած ես յաղթութեամբ» (Ա Կորնթ. ԺԵ 55): Քեզ նոր օրհնութիւն, նոր լոյս, նոր արև:

Տէր Աստուած հարցն մերոց, բաց դռները երկնքներիդ ու քաղցրութեամբ ընդունիր մեր աղօթքները: Ու երբ մի օր, հեռու բարձունքներից հնչի հրաշքի ժամը մեծ դատաստանի, Տէր, գթութեամբ յիշիր մեր արդար մեռելներին կենաց գրքիդ մէջ և արժանի արա վանոնք յաւերժական լուսէ պսակին:

Հրաչ Ժե Ռ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ կոնդակս ի 24 Ապրիլի


1985 Փրկչական ամի,

եւ ի տումարիս Հայոց ՌՆԼԴ

ի մայրավանս Սրբոյ Էջմիածնի:

Հմր. 1343





ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻՆ
ԵՎ ՔՈՒՅՐ ԵԿԵՂԵՑԻՆԵՐԻՆ՝ ՄԵԾ ԵՂԵՌՆԻ
70-ԱՄՅԱԿԻ ՈԳԵԿՈՉՄԱՆ ԱՌԹԻՎ

Հայաստանյայց Առաքելական մեր Եկեղեցին, իր հոգևոր սպասավորներին ու համայն մեր հավատացյալ ժողովուրդը ի Հայաստան և ի սփյուռք աշխարհի, այս տարի ապրիլի 24-ին ոգեկոչելու են յոթանասնամյա տարեդարձը 1915-ի հայկական ցեղասպանության, գործադրված Օսմանյան կայսրության հրահանգով, որին զոհ գնաց Արևմտյան Հայաստանի (Անատոլիա) շուրջ երկու միլիոն հայ քրիստոնյա ազգաբնակչությունը, այդ թվում նաև տասնյակ եպիսկոպոսներ ու բազմահարյուր վանականներ և քահանաներ: Հրկիվեցին ու քանդվեցին մոտ հազար հայկական պատմական վանքեր ու եկեղեցիներ կառուցված 5—19-րդ դարերի ընթացքում, կորստյան մատնվեցին անհաշիվ եկեղեցական սրբություններ, հին ձեռագրեր, սրբանկարներ, բոլորը պատմական ու գեղարվեստական արժեք ներկայացնող:

Հայաստանում և հայ սփյուռքի տարածքի վրա գործող բոլոր հայկական եկեղեցիներում, ապրիլի 24-ին կատարվելու են սուրբ պատարագներ և հոգեհանգստյան արարողություններ աղոթելու 1915-ի ցեղասպանության անմեղ զոհերի հոգիների համար, հայցելով բարեգութն Աստծուց ողորմություն և առդարություն: Այդ օրը աղոթելու ենք նաև համայն աշխարհի խաղաղության համար, որպեսզի այլևս երբեք և ոչ մի ազգի կյանքում չկրկնվեն նման ողբերգություններ:

Սույն Մեր գրով եղբայրական սիրով ի Քրիստոս դիմում ենք Ձերդ Սրբության, որ Ձեր աղոթքներում հիշեք 1915-ի հայ նահատակներին և Ձեր բարձր հեղյժ ակությանը, Ձեր արդար ձայնը լսելի դարձնեք մեր օրերի աշխարհին, որ միշտ կարիքը ունի Ձեր սխիթարիչ ու հուսադրիչ պատգամներին:

Կկամենայինք Ձեզ հավաստիացնել նաև, որ մեր ազգի մեծ ողբերգությունը ոգեկոչելիս, հեռու է մեզանից թշնամանքի ոգին կամ մտածումը ծայրահեղ արարքների: Մեր միակ հոգեկան մղումն է՝ աղոթել մեր երկու միլիոն չոհերի հոգիների համար ու արդարություն հայել: Մոռացության տալ անցյալի ողբերգությունները՝ պիտի նշանակեր տկարացնել, մթագնել մարդկության հիշողությունը, պիտի նշանակեր եղծել պատմությունը, պիտի նշանակեր խափանել ճշմարտությունը ու խեղդամահ անել արդարության ձայնը, պիտի նշանակեր ճանապարհի հարթել ապագա նոր աղետների ու ցեղասպան ոճիրների:

Անցյալի ողբերգությունների անաչառ դատաստանը, պատմության տխուր դեպքերի ճշմարտության բացահայտումը, արդարության ձայնի բարձր ու լուսատ շեփորումը,—ահա ամուր հիմքերը մի նոր աշխարհի կառուցման, ուր անխտիր բոլոր ազգերի զավակները պիտի հասնեն այն փրկարար գիտակցության, թե զավակներն են միևնույն Աստծուն, թե քաղաքացիներն են միևնույն մարդկային աշխարհին միևնույն երկնակամարի տակ և որ բոլորը ունեն միևնույն ճակատագիրը: Մարդու ճակատագիր, ազգությունների ճակատագիր, աշխարհի ճակատագիր, հետ այսու մանավանդ, կապմուն են մեկ միաձույլ իրողություն, մեկ հրամայական, մեկ ապագա: Այդ գիտակցությամբ միայն, այս աշխարհի մարդիկ պիտի կարողանան միատեղ աղոթել ասելով՝ «Հայր մեր որ յերկինս ես, սուրբ եղիցի անուն Բո, եկեսցէ արքայութիւն Բո, եղիցին կամք Բո որպէս յերկինս և յերկրի»: Այն ժամանակ միայն երկրի վրա պիտի լինի «խաղաղություն և հաճություն ի մարդիկ», այն ժամանակ միայն մարդիկ, որպես խաղաղարարներ, արժանի պիտի լինեն կոչվելու «որդիք Աստուծոյ»:


Հարգալից սիրով մաղթում ենք Ձերո Սրբության, մշտատև առողջություն և ճառագայթումը Ձեր հոգևոր առաքելության Ձեր սուրբ Եկեղեցում և համայն աշխարհում խաղաղությամբ:

«Այլ Աստուած յուսոյ լի արասցէ զձեզ ամենայն խնդութեամբ և խաղաղութեամբ, առաւելու ձեզ յուսով զօրութեամբ Հոգւոյն Սրբոյ» (Հռոմ. ԺԵ 13): Ամեն:

ՎԱԶԳԵՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՅ

18 հունվար 1985 թ.





ՀՌՈՄԵԱԿԱՆ ԿԱԹՈՂԻԿ ԵԿԵՂԵՑՈՒ ՊԵՏ
ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ-ՊՈՂՈՍ Բ-ի
ՆԱՄԱԿԸ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա
ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին

Շնորհակալ եմ 18 հունվար 1985 թվակիր Ձեր նամակի համար, որով հայտնում էիք ինձ, որ ձեր հոգևոր դասի և համայն հավատացյալների հետ պատրաստվում եք առաջիկա ապրիլ 24-ին ոգեկոչելու հիշատակը հայ ժողովրդի բազում վավակների՝ ողբերգական մահվան, որը տեղի ունեցավ յոթանասուն տարիներ առաջ:

Ինչպե՞ս չհիշել այս առթիվ այն օգնությունը, որ այդ ցավալի աղետի ժամանակ ցուցաբերեց իմ նախորդներից Բենեդիկտոս ԺԵ Պապը, կամ ինչպե՞ս չհիշել ապնիվ ժեստը Պիոս ԺԱ Պապի, որը ապաստան տվեց հայ որբերին Կաստելգանդոլֆոյի քահանայապետական իր ամառանոցում:

Կարող եմ հավաստիացնել Ձերդ Սրբությանը, որ ես միանալու եմ այն աղոթքին, որը բարձրանալու է դեպի Տերը անմեղ զոհերի հոգիների խաղաղության համար, նաև այն բանի համար, որ նման ողբերգություններ այլևս երբեք չկրկնվեն: Ես չեմ մոռանալու նաև հրավիրել Կաթոլիկ Եկեղեցու հավատացյալներին՝ միանալու իմ բարեխոսությանը և այդպիսով արտահայտելու մեր հասարակաց հավատը, սերը և հույսը:

Ժողովուրդների պատմությունը, հաճախ իր ջատ ցավագին ու դժբախտ իրադարձություններով հանդերձ, պետք է արթուն պահի մեր հիշողությունը և այդպիսով մեզ հրավիրի խորհրդածության և աղոթքի: Որպես քրիստոնյա-

ներ, մենք ստացել ենք հավատի շնորհը. հավատում ենք, որ Քրիստոսի իշխանությունը տարածվում է մարդկության ամբողջ պատմության վրա և տևապես իր լրումին է գնում մահվան և հարության խորհրդով, որը հենց իր՝ Քրիստոսի խորհուրդն է: Մեծապես զգացված այն պերճախոս վկայությամբ, որ ձեր Եկեղեցին բերել է և այսօր էլ բերում է Սուրբ Ավետարանին և հաստատելով հայկական համայնքների ներկա կենսունակությունն ու հոգևոր վերազարթոնքը՝ գոհություն եմ տալիս Աստծուն և օրհնում հիշատակը բոլոր նրանց, ովքեր, կրած լինելով Տիրոջ խաչը, թույլ են տալիս Հայ Եկեղեցու հավատացյալներին այսօր լինել Նրա Հարության վկաները:


Քրիստոս հորդորում է մեզ լինել խաղաղարարներ. իսկ անցյալի ցավառիթ հիշողությունները մեզ մղում են կրկնապատկելու մեր եռանդը, որպեսզի մարդկությունը օգտվի այդ խաղաղությունից, որը ճշմարտության և արդարության պտուղն է:

Արտաձայտելով իմ լավագույն մաղթանքները Ձեր անձի նկատմամբ և ձեր Եկեղեցին և համայն հայ ժողովուրդը վստահելով անսովածային շնորհին՝ վերստին բերում եմ Ձեզ, շատ սիրելի Եղբայր ի Քրիստոս, իմ հարգալից սիրո զգացմունքների հավաստիքը:

ՀՈՎՀԱՆՆԵՍ-ՊՈՂՈՍ Բ

Վատիկան,

16 մարտ 1985 թ.



Շուտով մենք համատեղ աղոթքի ևս մի առիթ պիտի ունենանք այն պո-
հերի համար, որ մեր ժողովուրդները ունեցան 1941—45 թթ. Հայրենական
մեծ պատերազմում: Հաղթանակի ուրախությունը, որի քառասնամյակն է տո-
նում մեր երկիրն ու ամբողջ առաջադեմ մարդկությունը, պուգակցվում է կրած
կորստի և վշտի պգաջան հետ, և նրանց հիշատակը երբեք չի մարի մարդ-
կանց սրտերում: Մենք պարտական ենք նրանց առաջ, ովքեր իրենց կյանքը
հատուցեցին մեր կյանքի համար:

Ձերդ սիրեցյալ Սրբություն,

Մաղթում ենք, որ Դուք ամուր առողջությամբ և Աստուծո ամենավոր օգ-
նությամբ հաջողապես իրագործեք Ձեր քահանայապետական ծառայությունը՝
հուրախություն Հայոց Սուրբ Եկեղեցու բոլոր հավատարիմ վավակների:

Ձեր նկատմամբ մեծ հարգանքով և ի Քրիստոս անդավաճան սիրով՝


ՊԻՄԵՆ


ՄՈՍԿՎԱՅԻ ԵՎ ՀԱՄԱՅՆ ՌՈՒՄԻՈ ՊԱՏՐԻԱՐԺ

№ 1001

10 ապրիլ, 1985 թ.

Ք. Մոսկվա





ԱԹԵՆՔԻ ԵՎ ՀԱՄԱՅՆ ՀԵԼԼԱԴԱՅԻ ԱՐՔԵՊԻՍԿՈՊՈՍ,
ՆՈՐԻՆ ԳԵՐԱՇՆՈՐՀՈՒԹՅՈՒՆ ՍԵՐԱՖԻՄԻ ՆԱՄԱԿԸ

ՆՈՐԻՆ ՍՐԲՈՒԹՅՈՒՆ
ՎԱԶԳԵՆ Ա ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին, Հայաստան, ՍՍՀՄ

Ձերդ Սրբություն,


Խորապես պզգվեցինք Ձերդ Սրբության հունվար 18-ի նամակից, որով տեղեկացնում էիք 70-ամյակը 1915 թվականի ողբերգական Եղեռնի, որ գործվեց հայ մարտիրոս ժողովրդի դեմ, որ արժեց միլիոնավոր անմեղ պոռթկյանք:

Մեր Եկեղեցին և ազգը հատկապես դյուրապզգաց են հայ ժողովրդի կրած այս հալածանքների նկատմամբ, որովհետև նրանք նույնպես ենթարկվել են նման պայմանների և բաժանել են նման ճակատագիր: Երկարատև բարեկամության կապերն ու ընդհանուր տառապանքները ամրացրել են մեր համերաջխությունը մեր հայ եղբայրների հետ: Վստահեցնում ենք Ձերդ Սրբությանը, որ մեր մտածումներն ու աղոթքները միշտ Ձեզ և Ձեր ժողովրդի հետ են և Ձեզ հետ պիտի լինեն հատկապես այդ ողբերգության ոգեկոչման օրը:

Թող Աստված հանգիստ տա այդ անթիվ հոգիներին, որոնք անարդար մահվան արժանացան իրենց հավատքի համար: Թող Տերը առաջադիմություն և բարգավաճում պարգևի Ձեր Եկեղեցուն և ազգին և իրականացնի Ձեր ապսիվ ակնկալությունները:

Առավել սիրով ի Քրիստոս՝

ՍԵՐԱՖԻՄ
ԱՐՔԵՊԻՍԿՈՊՈՍ ԱԹԵՆՔԻ ԵՎ ՀԱՄԱՅՆ ՀԵԼԼԱԴԱՅԻ



ՔԵՆԹՐԲԵՐԻԻ ԱՐՔԵՊԻՍԿՈՊՈՍ, ՀԱՄԱՅՆ ԱՆԳԼԻԱՅԻ
ԵՊԻՍԿՈՊՈՍԱՊԵՏ ԵՎ ՄԻՏՐՈՊՈԼԻՏ, ՆՈՐԻՆ
ԳԵՐԱՇՆՈՐՀՈՒԹՅՈՒՆ ՌՈԲԵՐՏ ՌԸՆՄԻՒ ՆԱՄԱԿԸ

ՆՈՐԻՆ ՍՐԲՈՒԹՅՈՒՆ ՎԱՋԳԵՆ Ա
ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին

Ձերդ Սրբություն,

Շնորհակալությամբ ստացա Ձեր նամակը, որով հաղորդում էիք հայկական ջարդերի ոգեկոչման մասին: Բոլոր քրիստոնյաներն ու բարի կամքի տեր մարդիկ բաժանում են հայ ժողովրդի մորմոքը՝ 1915 թվականին կատարված սարսափելի գործողությունների առթիվ: Որոշ իմաստով սրանք նախընթացն էին հրեաների հալածանքների՝ նացիստական Գերմանիայում:

Կարող եմ ստուգապես Ձեզ վստահեցնել, որ ես ապրիլի 24-ին պիտի մտածեմ Ձեր, Հայ Եկեղեցու և ժողովրդի մասին, և պիտի անեմ այն ամենը, ինչ կարող եմ՝ բարձրացնելու համար անգլիացի քրիստոնյաների ճանաչողությունը հայոց պատմության մասին՝ իր ուրախություններով և տառապանքներով:

Միրով ի Քրիստոս՝

ՌՈԲԵՐՏ ՌԸՆՄԻ

ՔԵՆԹՐԲԵՐԻԻ ԱՐՔԵՊԻՍԿՈՊՈՍ ԵՎ ՀԱՄԱՅՆ ԱՆԳԼԻԱՅԻ
ԵՊԻՍԿՈՊՈՍԱՊԵՏ ԵՎ ՄԻՏՐՈՊՈԼԻՏ

22 փետրվարի, 1985 թ.

Լամբեթ Պալես, Լոնդոն

ԱՆՏԻՈՔԻ ԵՎ ՀԱՄԱՅՆ ԱՐԵՎԵԼՔԻ ՄԱՐՈՆԻՏՆԵՐԻ
ՊԱՏՐԻԱՐԺ ՆՈՐԻՆ ԱՄԵՆԱՊԱՏՎՈՒԹՅՈՒՆ ԱՆՏՈՒԱՆ
ՊԻԵՌ ԽՈՐԵՅՇԻ ՆԱՄԱԿԸ

ԱՄԵՆԱՅՆ ՀԱՅՈՅ ԿԱԹՈՂԻԿՈՍ
ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա-ԻՆ

Ս. Էջմիածին

Շատ հարգելի Եղբայր ի Քրիստոս,

Խոր հույումով է, որ ծանոթացա 18 հունվար 1985 թվակիր 2եր սրտա-
հույս ուղերձին, որը գալիս էր ոգեկանության այն պատմական կենտրոնից,
որ Սուրբ Էջմիածնի ձեր Կաթողիկոսարանն է: Արդարև, ես մասնավորապես
զգացված եմ այն փաստից, որ առաջիկա ապրիլի 24-ին աշխարհի բոլոր հա-
յերը ոգեկոչելու են ահավոր մի ցեղասպանության զոհ գնացած երկու միլիոն
հավատացյալների հիշատակը, հավատացյալներ, որոնք 70 տարի առաջ վայ-
րագորեն սպանվեցին իրենց հավատի համար:

Հղում եմ Ձեզ իմ ամենաջերմ եղբայրական զգացումները որքան ցավա-
գին, նույնքան և փառավոր այդ ոգեկոչման առիթով: Հենց այդ նույն օրը
մենք նշում ենք մեր Մարոնիտ Եկեղեցու առաջին Պատրիարքի՝ Սուրբ Ժան
Մարոնի տոնը: Այս հանգամանքն ինձ մղում է առավել ջերմեռանդությամբ
մասնակցելու Ձեր նամակում հիշատակված աղոթքներին և հոգևոր արարո-
ղություններին, քանի որ մեր Եկեղեցին ևս ենթարկվել է բազում հալածանք-
ների իր պատմության ամբողջ ընթացքում, և նրա հավատացյալ զավակներից
հազարավորների անունները, որոնք անմեղորեն զոհվում են ահա արդեն
տասը տարուց ի վեր, արձանագրված են նրա նահատակության գրքի տխուր
էջերում:

Մեծարգո Եղբայր, ես գիտեմ, թե ինչքան վեհ և ուժեղ է ինչպես Ձեր
մեջ, այնպես էլ Հայ Եկեղեցու եպիսկոպոսական դասի հարգարժան անդամ-
ների, այլև ձեր ողջ հոգևորականության և բոլոր հավատացյալ սրտերում նե-
րողամտության և եղբայրասիրության ոգին, որով դիմավորում եք այդ ցե-
ղասպանության 70-ամյակը: Նրա ոգեկոչումը ձեզ և մեզ համար հանդիսա-
նում է խորհրդածության և բարեպաշտ ինքնամոլորման սրբազան մի պահ
բոլոր այն հոգիների հետ, որոնք կապվում են մեր Տիրոջ հետևորդների գուն-
դը: Դրանում, ձեզ հետ միասին, մենք տեսնում ենք նաև լավագույն մի առիթ՝

մի անգամ ևս կոչ ուղղելու աշխարհին և քաղաքակիրթ մարդկությանը, որ հիշեն կատարված ցեղասպանությունը՝ ինքնատիրապետման հասնելու և անելու համար ամեն ինչ, որպեսզի վերանան ատելությունները, սանձվի բռնությունը, և կրոնական ու գաղափարական մոլեռանդության բոլոր նկատմունքից վեր՝ հաղթանակեն հարգանքն ու սերը մարդու նկատմամբ: Հիրավի, դա փրկարար սերն է Քրիստոսի, որն Իր Խաչի վրայից չի դադարում կոչ ուղղել բոլոր մարդկանց՝ ինքնագիտակցության գալու և ապրելու որպես Աստուծո որդիներ և միմյանց եղբայրներ:

Ընդունեցեք ուրեմն, մեծարգո Եղբայր, իմ վշտալից զգացումների հավաստիքը այս առթիվ, զգացումներ, որ Լիբանանի հայկական համայնքի և աշխարհի բոլոր հայերի հետ միասին բաժանում են նաև մեր Մարոնիտ Եկեղեցու եպիսկոպոսական դասի պատվարժան անդամները, մեր կրոնավորներն ու համայն հավատացյալ ժողովուրդը: Մենք ևս մեր ճակատագիրը վստահում ենք աստվածային Նախախնամության տնօրինություններին և այդպես հարատևում ենք Հուլիսի մեջ Ձեզ հետ, ձեր հավատացյալների ու բոլոր նրանց հետ, որոնց ոգեկոչում է հավատն ի Քրիստոս և միացնում միմյանց Սիրո պատգամը, որ Աստվածորդին թողել է նրանց:


Թող Տերը բարեհաճի ընդունել մեր աղոթքներն ու ցանկությունները, որ բարձրացնում ենք առ Նա, զի «գա Նրա թագավորությունը և լինի Նրա կամքը երկրի վրա, ինչպես որ երկնքում է»:

Ձեր Եղբայրը ի Քրիստոս՝

ԿԱՐԴԻՆԱԼ ԱՆՏՈՒԱՆ ՊԻԵՌ ԽՈՐԵՅՇ
ՊԱՏՐԻԱՐԲ ՄԱՐՈՆԻՏՆԵՐԻ

Բեյրութ,

2 մարտ 1985 թ.





ՀԱՂՈՐԴԱԳՐՈՒԹՅՈՒՆ

Ամենայն Հայոց կաթողիկոս Տ. Տ. Վապգեն Ա Հայրապետը տարվույս 20 փետրվարին հղել է ուղերձներ, գեղագիր հատուկ կոնդակներով՝

1. Նորին Վեհափառություն Հուսեյն Բ թագավորին՝ Հորդանանի,
 2. Վսեմաշուք նախագահ Հաֆեզ Ասատին Սիրիայի Հանրապետության,
 3. Վսեմաշուք նախագահ Ամին Ճեմալեյին Լիբանանի Հանրապետության,
 4. Վսեմաշուք նախագահ Սատտամ Հուսեյնին Իրաքի Հանրապետության,
- հետևյալ բովանդակությամբ՝

«Գոհություն Աստուծո ամենակալին, որ պատեհությունը ունենք հայ ազգի հավատքի կենտրոն բազմադարյան Ս. Էջմիածնից, օրհնությամբ Մեր այս ուղերձը առաքելու Ձերդ Գերազանցության, իմաստուն և քաջարի նախագահիդ:

Այս պատեհությունը Մեզ ընծայում է ողբերգական հիշատակը Հայ Եկեղեցու և ժողովրդի մոտ երկու միլիոն զավակների նահատակության, որի յոթանասունամյա տարեկիցը ոգեկոչելու են աշխարհի բոլոր հայերը, որ ի Սովետական Հայաստան և որ ի սփյուռս աշխարհի, առաջիկա 24 ապրիլին:

Սգո և աղոթքի այս սրբազան պահին, Հայ Եկեղեցին ու ժողովուրդը չեն կարող մոռանալ այն մարդասիրական վերաբերմունքը, որ այնքան մեծահոգությամբ ցուցաբերեցին Ձեր երկիրը և հայապաշտպան արաբ ազնիվ ժողովուրդը բազմահազար թշվառ հայերի նկատմամբ, որոնք վերապրողներն էին Օսմանյան կառավարության կողմից 1915 թվականին կազմակերպված ցեղասպանության, որին զոհ գնաց ամբողջ հայ ազգաբնակչությունը Արևմտյան Հայաստանի: Նահատակված մեր անմեղ զավակներից վերապրողները, մեծ մասամբ որբեր, արաբ ազնիվ ժողովրդի ծոցով գտան՝ ապահով ու խաղաղ ապաստան, եղբայրական հոգատարություն և ամեն ազատություն ապրելու և կազմակերպելու իրենց համայնքային եկեղեցական կյանքը, կրթական ու մշակութային հարակից հիմնարկություններով, մնալով հավատարիմ ու շինարար քաղաքացիները իրենց նոր հայրենիքի:

Ցեղասպանության ճիրաններից ազատված տասնյակ հազար հայ ընտանիքներ, 1915-ից հետո ապաստան գտան նաև Արևելյան Հայաստանում, ուր այսօր ապրում և վարձանում է փրկված հայ ժողովրդի մայր վանգվածը Սովետական Հայկական Հանրապետության հովանու ներքո, խաղաղ ու ապահով:

Հայ Եկեղեցին և համայն հայ ժողովուրդը, սկսած Սովետական Հայաստանից մինչև աշխարհի բոլոր հորիզոնները, ուր մի հայ մարդու սիրտ է բաբախում, այսօր անհուն երախտագիտությամբ հիշում են Ձեր երկիրը և արաբ պնևմատիկ ժողովրդին, ու Մեր միջոցով նրանք բոլորը Ձերդ Գերազանցության են ներկայացնում իրենց խորազգաց շնորհակալությունը և աղոթում, որ բարին Աստված միշտ պահպան ու մարտակից մնա Ձեզ և Ձեր երկրին ու հավետ պահպանի այն խաղաղության, հառաջդիմության և ծաղկման մեջ, իրականացումովը արաբ ազգի բոլոր արդար իդեալների:

Թույլ տվեք, վսեմաշուք Տիար Նախագահ, Մեր այս ուղերձով բերել նաև անձամբ Ձեզ Մեր ջերմագին բարի մաղթանքները Ձեր արևշատության և Ձեր իմաստուն իրագործումների ամրապնդման համար, ավելի ու ավելի ճառագայթումովը Ձեր հեղինակության միջազգային կյանքում:

Օրհնություն և փառք Ձեր մեծ հայրենիքին»:

ԴԻՎԱՆ ՄԱՅՐ ԱԹՈՌԻ

Ս. Էջմիածին,

22 փետրվար 1985 թ.





Ե. Տրագրահան

Ի ՀԵԾՈՒԿՍ ԽԱՎԱՐԻ ՈՒԺԵՐԻ

Մեծ հայրենասեր վաղամեռիկ բանաստեղծը, Ի դարի հայ մտքի ցոլացումներից մեկը՝ Պարոյր Սևակը, անմահանուն Կոմիտասին նվիրված «Անլույսի Չանգակատուն» եղերերգության մեջ մի այսպիսի ընդհանրացում ունի:

«Կյանքում կան բաներ, որոնք չեն քերվում,

Ինչպես չի քերվում արյունը սրտից
Կամ գույնը՝ վարդից»:

Ուրում ենք ավելացնել «ինչպես պատմությունը՝ ժողովրդից»: Իսկ 1915 թվականի եղեռնաբեր գարունը մեր ժողովրդի պատմությունն է, նրա գոյության մի մասը, ուստի և հնարավոր չէ քերել նրա հիշողությունից, ուրեմն և հնարավոր չէ մոռանալ, որ Մեծ եղեռնը քսաներորդ դարի առաջին քաղաքականապես գիտակցված և ծրագրորեն իրագործված ցեղասպանությունն էր, որ հետապնդում էր երկու որոշակի նպատակ.

ա) Քարտեպից քերել Հայաստան անունը՝ այն կամուրջ դարձնելով մինչև Ծայրագույն Արևելք ձգվող Պանթուրանական կայսրության:

բ) Ոչնչացնել Հայաստան երկիրը բնակեցնող բնիկ ժողովուրդը՝ միանգամ ընդմիջտ ձերբազատվելու համար Հայկական Հարցի առթած անհանգստություններից:

Զախողվեցին այս երկու նպատակներն էլ, որովհետև ա) այսօր կա Խորհրդային Հայաստանը՝ իր պետական կառուցվածքով, բազմազգ և հզոր պետությունների եղբայրակցության մեջ, մշակութապես՝ հարաճուն, ռազմապես՝ ապահով. բ) կա եռապատկված հայություն նորաստեղծ հայրենիքում, թերևս և այդքան Հայաստանից՝ դուրս, Սփյուռքը

թերևս միակ շոշափելի հետքն է այդ օրերի: Ուրեմն և կա Հայկական Հարցը:

«Այո, կենդանի է այսօր հայ ազգը, — ընդգրծեց Վեհափառ Հայրապետը իր Չատկական քարոզում, — եռանդով լեցուն ու ստեղծարար տենչով գոտեպինդ ի Մայր Հայաստան և ի սփյուռս աշխարհի, որ վերանորոգված ուժերով ու ներշնչանքով, քայլ առ քայլ ընթանում է դեպի բարձունքները նոր նվաճումների, նոր իրագործումների»:

Ինչպես Վեհափառ Հայրապետը ուղենշեց իր սրբատառ կոնդակում՝ հայ ժողովուրդը պիտի գոյատևի՝ «ՄԻԱԿԱՄ ՈՒ ՄԻԱՄԱՐՏ ԳՈՐԾԱԿՅՈՒԹՅԱՄԲ», «սուրբ պահելու նըրանց յիշատակը և ֆառատարիմ մնալու նըրանց ուխտին, նրանց երազանքին՝ հայ ազգը համայն մեկտեղում ու հայոց երկիրը ամբողջացած տեսնելու»:

Հայ ժողովուրդը թուրքական հրոսակ ցեղերի սրի հարվածը զգաց ԺԱ դարից: Բյուզանդական կայսրերը իրենց հայահալած անհեռատես և կոպր քաղաքականությամբ թուլացրին մոտ երեք դար արաբական փոքրիկ դիմագրաված Բագրատունյաց թագավորությունը, և այն չդիմացավ սելջուկ-մոնղոլական ճնշմանը: Արևելքից եկած այս անքաղաքակիրթ ցեղերի ռազմավարական քաղաքականության պատճառով, Հայաստանը երկար դարեր դարձավ պատերազմի թատերաբեմ՝ թուրք-բյուզանդական, թուրք-պարսկական, ապա և թուրք-ռուսական բախումների համար: Հյուսիսից ժողովուրդը, բայց չընկերեց և ԺԵ դարից սկսած հայ ազատագրական շարժումները հետպիտե տվերաճեցին բարենորոգումների անհրաժեշտության և դարձան Հայկական Հարց: Օսմանյան

Բարձրագույն Դուռը բազմիցս խոստացավ բարենորոգումներ իրականացնել հայկական նահանգներում, բայց արյունարբու Համիդները շատ շուտ անդրադարձան, որ բարենորոգումներ «առաջադրող» եվրոպական պետությունների համար Հայկական Հարցը լուսանցքային կարևորություն ուներ: Բարենորոգման պահանջները հատուցվեցին 1895—96 թվականների վանգվածային ջարդերով: 1908 թվականի Իթթիհատ վե Թերաքի կուսակցության կառավարությունը խոստանում էր սահմանադրական իրավակարգ՝ ժողովուրդների հավասարության հիմքի վրա: Բայց անմիջապես հաջորդեցին 1909 թվականի Կիլիկիայի հայկական ջարդերը: Եվ բացահայտվեց երիտթուրքական կառավարության էությունը. այն կոչված էր ոչ թե սահմանադրական իրավակարգ ստեղծելու, այլ ձգտում էր վերականգնել թուրք ցեղի «ազգային խրժանապատվությունը»: «Օսմանյան» արտահայտությունը փոխարինվեց «Թուրքական» կոչումով՝ ընդգծելով երիտթուրքերի խիստ ազգայնական, շովինիստական քաղաքականությունը: «Տիրող ժողովուրդ» և «ենթակա ժողովուրդ» կապակցությունները դարձան թուրքական պետության սահմանումի հիմնական եզրերը. թուրքական այլամերժությունը վերաճեց «ենթակա ժողովուրդների» բնաջնջման գաղափարին՝ լուծելու համար դարերով փայփայված երազը՝ Պանթուրանական կայսրության ստեղծումը: Նման ոճրային ծրագիրը հաջողապես և արագ իրագործելու համար **պանթուրանիզմը** գունավորվեց **պանիսլամիզմով**՝ օգտագործելու համար երկրի այլ իսլամ հրոսակների բարբարոսությունը:

Քրիստոնյա աշխարհի աչքի առաջ սրածվում էր Արևելքի ամենահին քրիստոնյա ժողովուրդներից մեկը, բայց չէր ուրանում կրոնը և չէր կորցնում հավատքը վաղվա օրվա նկատմամբ, որովհետև գիտեք, որ Գողգոթային ու խաչելության պիտի հաջորդի հարությունը և ժողովուրդը պիտի վերականգնվի թեկույզ և մոխիրներից: Իրենց հոտի ու հավատացյալների շարքում նահատակվեցին և հապարավոր հոգևորականներ, որոնք ոչ միայն կրեցին իրենց ժողովրդի տառապանքն ու խաչը, այլև խաչ ի ձեռքին ամենուր մասնակցեցին դիմադրական շարժումներին՝ արյան նահատակությամբ: Դա հայ հոգևոր դասի դարերի ճակատագիրն էր, և նա այս փորձության ու ողբերգության պահին պատվով կատարեց իր առաքելությունը, քանի որ վերապրող եկեղեցականները դեռ պետք է կապակերպեին հայ ժողովրդի խլկակները ի սփյուռս աշխարհի՝ այս անգամ

Եկեղեցին դարձնելու համար հայապահպանության ամրոց:

Կայսերական Գերմանիայի սանձապետած պատերազմը դարձավ հարմարագույն առիթ՝ իրագործելու կանխագծված իրեշավոր նախաձիռը: Պատերազմը ոչ թե պատճառ էր, այլ հարմար առիթ՝ իրականացված եվրոպական դաշնակից տերությունների նենգ հաշիվների և Գերմանիայի բացարձակ անտարբերության պայմաններում: Թուրքերը հայերին «սահմանամերձ շրջաններից տեղափոխեցին»՝ իբրև թե վախենալով հայերի ռուսասեր կողմնորոշումից: Բայց թուրքերը չսխալվեցին մեկ բանում. հայ ժողովրդին տեղ պիտի կանգնեք ռուսական բանակը: Այդ բանակի ստեղծած ապահովության պայմաններում էր, որ հարյուր-հապարավոր հայեր փրկվեցին՝ անցնելով Արևելահայաստան: Հայ ժողովուրդը նաև դիմադրեց, ինքնապաշտպանական հպոր մարտեր մղվեցին Վանում, Սասունում, Հապին-Գարահիսարում, Ջեյթունում, Ուրֆայում, Մուսա լեռան վրա և այլուր: Այդ դիմադրական ալիքը պսակվեց Սարդարապատի փառապանծ հաղթանակով, և հալը, ի հեճուկս խավարի ուժերի, հաստատեց իր ապրելու իրավունքը և 1920 թվականին ընդգրկվեց սովետական ժողովուրդների հպոր եղբայրակցության մեջ ու խորտակեց խավարի ուժերի դարավոր սպասումները:

Այսօր հայ ժողովուրդը ի պայծառ Հայաստան և ի սփյուռս աշխարհի կերտում է վերածնյալ գոյություն և ինչպես Սևակը պիտի ասեր.

«Եվ ուր էլ լինեն այրերի որդիք,
Ինչքան էլ լինեն իրարից բաժան,
Իրար անձանաչ,

Նրանց հաշվեցեք հատուկ պորագունդ,
Եվ նրանց շնչից դեռ օդը պիտի լցվի


սարսուռով

Ու հողն ունենա երկրաշարժային


գլխապտույտներ»:

Այս իմաստով մարգարեական պատգամի ուժ է ստանում Վեհափառ Հայրապետի կոչը.

«Ազգ իմ սգաւոր, ոչ հուրը, ոչ ջուրը և ոչ էլ ժամանակը, Օսմանեան կայսրութեան ճակատից և աշխարհի յիշողութիւնից չեն ջընջելու սև խարանը մեծ ոճիրի, մինչ դու արեւի ու արդարութեան ծարաւի ժողովուրդ, քո հարեւնի բարձունքներից պիտի շարունակես տիեզերքին տենչալ ու ապատ պանալ դեպի աղբիւրները յոյս»:



«ՅԱՐԻՏԵՆԱԿԱՆ ՅԻՇԱՏԱԿՆ ԼՈՂԱՐՈՑ ՕՐՀՆՈՒԹԵԼԱՄԲ ԵՂԻՑԻ»



ՄԵԾ ԵՂԵՌՆԻ 70-ԱՄՅԱԿԻ ՀԻՇԱՏԱԿՈՒՄԸ ՄԱՅՐ ԱԹՈՌՈՒՄ

«Յիշատակն արդարոց օրինութեամբ ե-
ղիցի» (Ժամագիրք)

«Ով Հայոց աշխարհ»... «Հայաստան երկիր
դրախտավայր»... Թևածում էր երգը:

Սակայն 1915 թվականին դրախտային մեր
երկիրը դարձավ ցեղասպան Թուրքիայի
ծրագրված ցնորքների կոհը և վերածվեց
«ողբի ու որբի, զարկված ու զրկված հայ-
րենիքի»:

70 տարի է անցել այդ սև օրերից, սակայն
հայ ժողովրդի նոր սերունդները ոչ միայն
մոռացության չեն մատնել իրենց 2 միլիոն
ազգակիցների հիշատակը, այլև, ընդհակա-
ռակն, միաուժ և միասիրտ ջերմեռանդ ա-
ղոթքով ոգեկոչում են միլիոնավոր այն հո-
գիների խնկելի հիշատակը, որոնք չտեսան
Հայաստանի նոր արշալույսը և արյան փո-
թորիկներից մեկընդմիջտ փրկված Հայաս-
տան աշխարհը:

Արարատյան դաշտավայրում, Ս. Էջմիած-
նի, Արարատի և Արագածի հայացքների
տակ, ապատ ու անվախ ճախրում է Նոյան
խաղաղաբեր աղավին: Այլևս չկան սև ամ-
պեր, որ Հայոց աշխարհը ծածկեն մահաբեր
սովերներով:

1985 թ. ապրիլի 24: Մայր Աթոռ Ս. Էջ-
միածնում արև է, գարուն: Մարդկանց աչ-
քերը, հայացքները ուղղվում է դեպի նահա-
տակաց հուշարձան: Նահատակների հու-
շարձանը քարե սովորական մի կառույց չէ:
Այն դարձել է հայ ժողովրդի դարավոր պայ-
քարի, ապատատենչ երազների, միասնու-
թյան, արդար իղձերի իրականացման ու նոր
կյանքի խորհրդանիշ: Քարե կոթող, որ

հսկա մի խաչքար է, միլիոնավոր անթաղ ու
անհայտ հայորդիների եղբայրական գերեզ-
ման, սրբավայր է՝ ուխտի և աղոթքի:

Առավոտյան ժամը 10,00-ին Վեհափառ
Հայրապետը՝ Հայկական ՍՍՀ Մինիստրների
խորհրդին առընթեր Հայ Եկեղեցու գործերի
խորհրդի նախագահի տեղադրական տիարք
Անդրանիկ Հասրաթյանի և Ռաֆայել Չար-
գարյանի, հյուրաբար Մայր Աթոռում գտնը-
վող Ֆրանսիայի Աֆորվիլ քաղաքի քաղա-
քապետի անմիջական տեղակալ հարգար-
ժան տիար Արման Նշանյանի, Գերագույն
Հոգևոր Խորհրդի մեծահարգ անդամների,
արքեպիսկոպոսների, եպիսկոպոսների, վար-
դապետների և քահանաների ուղեկցությամբ,
այցելում է Երևանի Ծիծեռնակաբերդի Եղեռ-
նի նահատակների հիշատակն անմահացնող
հուշարձան՝ աղոթելու և հարգանք մատու-
ցելու հայ ժողովրդի 2 միլիոն անմեղ հոգի-
ներին:

Ամեն մի հայի համար, աշխարհի որ ծայ-
րում էլ որ նա գտնվի, Ծիծեռնակաբերդը
դարձել է սրբազան ու նվիրական մի վայր:
Այս բլրի վրա հանդիպում են հայ ժողովուր-
դի աշխարհասփյուռ զավակների բոլոր ե-
րազանքներն ու ցանկությունները, դառնում
միասնական մեկ բռունցք, մեկ ոգի, և ծի-
ծեռնակների ապատ ու անկաշկանդ ճախրի
հետ սավառնում են մեր հին ու նոր մայրա-
քաղաքի վրայով, սլանում են դեպի միլիո-
նավոր հայոց հոգիները, որոնք օրհներգում
են Հայոց երկիրը, սրբազան հողը հայրենի,

«Փառք քեզ, միշտ փառք, Սովետական Հայաստան»:

Համրաքայլ ու երկյուղած թափորը աղոթամրմունջ մոտենում է հուշարձանին և ծաղկեպսակ պետեղում հուշարձանի պատվանդանին:

Անցնջ հուրի վրա կռացած քարերը՝ իրենց քարե ձեռքերը երկինք կարկռած գիշեր ու պօր աղոթում են «վասն քիրաւոր նահատակացն մերոց, որք կատարեցան յընթացս Համաշխարհային առաջին պետերապմի, յԱրևմտեան Հայաստան»:

Ամմար կրակի ջուրջ խմբված հոգևորականները քարերի աղոթքին են միացնում իրենց աղոթքը, սերը և երկնային Հորից աղերսում երկնային հանգիստ ու խաղաղություն նահատակված հոգիների համար:

Ապա Հայրապետական թափորը վերադառնում է Մայր Աթոռ, ուր տեղի է ունենում սրբապան պատարագ՝ նահատակաց հոգիների համար:

Մայր տաճարի՝ Ավագ ս. սեղանի վրա ս. պատարագ է մատուցում Արարատյան թեմի առաջնորդական փոխանորդ գերաշնորհ Տ. Գարեգին եպս. Ներսիսյանը:

«Տեր Ողորմեա»-ից առաջ պատարագից պրբականը ոգեշունչ ձայնով ընթերցում է եղեռնի նահատակների 70-ամյակին նվիրված Վեհափառ Հայրապետի սրբատառ կոնդակը (տես էջ 10):

Հավարտ ս. պատարագի, Վեհափառ Հայրապետի նախագահությամբ, եկեղեցական թափորը ուղղվում է դեպի վանքի նահատակաց հուշարձան: Հուշարձանին ծաղիկներ պետեղելուց հետո սկսվում է հոգեհանգրստյան արարողությունը:

Հոգեհանգստյան արարողությունից հետո եկեղեցական թափորը Վեհափառ Հայրապետին առաջնորդում է Վեհարան:

Հետ միջօրեի սարկավագներն ու հոգեվոր ճեմարանի սաները այցելում են Ծիծեռնակաբերդի նահատակաց հուշարձան:

Լուռ է ծով բազմությունը: Ողջ հայ ժողովուրդը մեկ մարդու նման եկել է Ծիծեռնակաբերդ՝ աղոթելու և ոգեկոչելու իր 2 միլիոն նահատակների հիշատակը:

Դարասկզբին նահատակվեց մեր ժողովուրդը: Սակայն քրիստոնյա հայ ժողովուրդը հարություն առավ մահվան գերեզմանից և ապացուցեց իր անմահությունն ու հավերժությունը: Հայը չի մեռնի, հայը կշատանա և կբազմանա, քանզի Աստվածորդին Հայոց երկիր կատարած Բր էջքով անմահության կնիքը դրեց Հայոց դրախտավայր հողին, իսկ այդ աստվածակնիք հողից սնված ու մեծացած հայորդիները պատրաստ են անգամ իրենց արյան գնով պաշտպանել իրենց

հայրենիքի ավատությունն ու անկախությունը:

Շարքերը լուռ, դանդաղ առաջ են գնում: Գնում է ժողովուրդը հայոց, ստեղծագործ հայ շինականը, հայ մանչուկը և եղեռնի արհավիրք ապրած պառավալ ծերունին՝ տխուր ու գլխահակ: Սակայն երբ բարձրացնում է գլուխը և իր աչքերի առջև տեսնում է մոխիրներից վեր սլացող հայ մտքի քարե հրաշքը՝ մարպահամալիրը, ուրախությամբ է լցվում հոգին ու խրոխտ կրկնում է. «Ոչ, իմ ժողովուրդը չի մեռնի»:

Հաջորդ օրը, ապրիլի 25-ին, երեկոյան ժամը 18-ին, Վեհարանի հանդիսությունների դահլիճում տեղի է ունենում հանդիսավոր նիստ՝ նվիրված Մեծ եղեռնի նահատակների հիշատակի ոգեկոչման 70-ամյակին:

Դահլիճը լեվելեցուն էր հրավիրյալներով: Հանդիսությանը ներկա էին Վեհափառ Հայրապետը, Հայկական ՍՍՀ Մինիստրների խորհրդին առնթրեք Հայ Եկեղեցու գործերի խորհրդի նախագահի տեղակալներ տիարք Ա. Հարությունյանն ու Ռաֆայել Չարգարյանը, Ֆրանսիայի Աֆորվիլ քաղաքի քաղաքապետի անմիջական տեղակալ տիար Արման Նշանյանը, Գերագույն Հոգևոր Խորհրդի հարգարժան անդամները, Շիրակի և Արարատյան հայոց թեմերի առաջնորդ սըրբապանները քահանայից դասով, հայրենի մտավորականներ, մայրավանքի միաբանությունն ու պաշտոնեությունը և բազմաթիվ այլ լիուրեր:

Սկսվում է հանդիսությունը Վեհափառ Հայրապետի արտասանած Տերունական աղոթքով, ապա հնչում է Խորհրդային Հայաստանի պետական հիմնը: Հանդիսության բացման խոսքով հանդես է գալիս Գերագույն Հոգևոր Խորհրդի ատենապետ գերաշնորհ Տ. Սիոն արքեպ. Մանուկյանը:

«Վեհափառ Տեր, հոգևոր եղբայրներ, պատուարժան հիւրեր և սիրելի հանդիսականներ.

Թեև 70 տարի անցած է 1915-ի Ապրիլեան եղեռնէն, սակայն թարմ է նահատակաց յիշատակը ձայ ժողովուրդի սրտին մէջ, հայութեան հոգին դեռ կը փոթորկի, կ'ըմբոստանայ ցեղասպանութեան ոճիրին դէմ. նահատակներու սերունդը կ'ապրի և պիտի ապրի հայութիւնը ի Հայաստան և ի սփիւռս աշխարհի:

Այսօր կրկնապատկուած է հայ ազգի թիւը Մեծ եղեռնէն ի վեր: Ինչպէս ծառը կ'ապրի իր արմատներով, նոյնպէս ազգերը կ'ապրին իրենց արմատներով, իրենց անցեալի և նախնեաց ժառանգութեամբ: Եզնկիէլ չարգարէի տեսլիքին նման—ինչպէս որ Իսրայէլի բանակին չորցած ոսկորները վերա-

կենդանացան, այդպես ալ հայ ժողովուրդի չորցած ոսկորները կենդանացան, և հայ ազգը յարութիւն առաւ գերեզմանէն Աստուածորդոյն պէս, վերածնաւ հայոց աշխարհը, ծաղկեցաւ Արարատեան երկիրը ու հայ ժողովուրդը փինիկ թռչունի պէս յարութիւն առաւ իր աճիւններէն:

Նահատակաց պարտամորհակը դեռ չէ վճարուած, տակաւին արդար հատուցում չէ եղած: Պէտք է ազգովին ուխտել և հետապնդել անոնց արդար դատը՝ մինչև որ ոճրագործը խոստովանի իր աններելի ոճիրը և աշխարհը ընդունի հայ ազգի իրաւունքը:

Հայ ժողովուրդը՝ թէ ի Հայաստան և թէ սփիւռքի տարածութեան յլրայ՝ նահատակաց յիշատակին յուշարձաններ կանգնած է աշխարհի ամէն կողմը: Հայրենի պետութիւնը Ծիծեռնակաբերդի բարձունքին վրայ կանգնած է նահատակաց մեծ յուշարձանը, որ անշէջ բոցը և Կոմիտասի անլռելի երաժշտութիւնը միշտ բոցավառ կը պահեն նահատակաց յիշատակը: Այսօր, ինչպէս հոս, նոյնպէս սփիւռքի բոլոր հայ գաղթօճախներու մէջ կը նշուի հայութեան բիրտաւոր նահատակներու տօնը, ու անոնց անմեռ հոգին կը խօսի մեզի, և կը պատգամէ, թէ հայ ազգը կ'ապրի ու պիտի ապրի՝ որքան ատեն մենք հաւատարիմ ենք անոնց ուխտին ու պատգամին:

Աղօթք և յարգանք նահատակաց յիշատակին:

Յիշատակն արդարոց օրինութեամբ եղիցի»:

Այնուհետև ամբիոն է հրավիրվում օրվա բանախոս «Էջմիածին» ամսագրի խմբագիր, հոգևոր ձեմարանի դասախոս, բանասիրական գիտությունների թեկնածու տիար Երվանդ Մելքոնյանը:

Հարգարժան բանախոսն իր ելույթի մեջ ի մասնավորի ասում է.

«1915 թվականի եղեռնաբեր գարունը մեր ժողովրդի պատմությունն է, նրա գոյության մի մասը, ուրեմն հնարավոր չէ մոռանալ, որ Մեծ եղեռնը Ի դարձ պատմության առաջին քաղաքականապես գիտակցված և ծրագրորեն իրագործված ցեղասպանությունն էր մի ժողովրդի նկատմամբ, որ ապրում էր խաղաղ և ստեղծագործ կյանքով. իր լուսնան էր ներդնում համաշխարհային մշակույթի վարձագման մեջ: Հատկապես վերջին տարիներին թուրք պատմագրությունն ու դիվանագիտական բոլոր մակարդակները ոգի ի բռին աշխատում են ետ մղել 1915 թվականին հայերի նկատմամբ իրագործված ցեղասպանության պատասխանատվությունը:

Ավելին, կեղծելով պատմությունը՝ ջանում են հերքել ցեղասպանության փաստն անգամ՝ հույս ունենալով ապակողմնորոշել հա-

մաշխարհային հասարակական կարծիքը: Ոչ միայն փորձեր են արվում սեփականելու մեր ժողովրդի պատմական ժառանգությունը, այլև տագնապալի մղձավանջով ձգտում են հերքել մեր իսկ պատմությունը՝ պետականություն չտեսնելով մեր հապարամյակների պատմության մեջ: Սա նույնպես յուրահատուկ եղեռն է՝ մշակութային և գիտական, որ սակայն, լավագույն դեպքում, կարող է դառնալ կարիճի ինքնախայթում՝ առաջադրված խնդրի ապացուցման անկարողությունից մոլեգնած:

Հայտնի է, որ հայ ժողովուրդը թուրքական հրոսակ ցեղերի հարվածը զգաց ԺԱ դարի կեսերին: Բյուզանդական կայսրերը իրենց հայահալած, անհեռատես և կույր քաղաքականությամբ տկարացրին մոտ երեք դար արաբական փորձերին դիմագրաված Բագրատունյաց թագավորությունը, և այն չդիմացավ սելջուկ-մոնղոլական ճնշմանը: Պատմության տրամաբանությունը պահանջում էր ուժեղացնել հայկական պետությունը, որը հաջողապես կարող էր պատվար դառնալ թուրքական առաջխաղացքի դեմ, թերևս և կասեցներ նրանց թափանցումը Եվրոպա: Նույնպիսի անհեռատես քաղաքականության փոփոխական և անկայուն հայկական թագավորությունը՝ Միջերկրականի արևելյան ավազանը ամբողջապես թողնելով թուրքացեղ հորդանների կրունկի տակ:

Արևելքից եկած այս անքաղաքակիրթ ցեղերի ռազմավարական տարածողական քաղաքականության պատճառով Հայաստանը երկար դարեր դարձավ պատերազմի թատերաբեմ՝ թուրք-բյուզանդական, թուրք-պարսկական, ապա և թուրք-ռուսական բախումների համար: Հայաստանը հիւծվեց, բայց ժողովուրդը չընկրկեց և ԺԷ դարից սկսած հայ ազատագրական ձգտումները հետպահեցին հասունացան և դարձան քաղաքական որոշակի հեռանկար հետապնդող շարժումներ:

Հայ սթափ և ողջամիտ մտածողներ կան՝ խնթադրեցին ցարական Ռուսաստանի ձգտումը դեպի Անդրկովկաս և «տաք ջրեր» և հայ ժողովրդին առաջադրեցին ռուսական կողմնորոշումը՝ որպես քրիստոնյա պետության հովանավորություն և օժանդակություն՝ սեփական հայրենիքի ստեղծման համար: Փոխադարձ դիվանագիտական շահերը վերաճեցին քաղաքական համագործակցության և հանգեցին Արևելահայաստանի՝ Ռուսաստանի կազմի մեջ ընդգրկման: Պատմությունը ապացուցեց ռուսական կողմնորոշման ողջամտությունը, փաստ՝ այսօրվա մեր պայծառ Հայրենիքը: Մյուս կողմից, սակայն, պատմական Հայաստանի մեծագույն մասը հեծում էր օսմանյան ճնշման տակ: Ճնշու-

մը հետպիսեան անտանելի էր դառնում և Արևելահայաստանի ֆիզիկական ապահովությունը ռուսական կողմնորոշման համար նպաստավոր հող ստեղծեց նաև Արևմտահայաստանում: Օսմանյան լծի տակ հեծող ուրիշ ժողովուրդներ նույնպես սկսեցին իրենց ապատագրական պայքարը: Դժգոհության ալիքը բարձրացավ նաև սերբերի, բուլղարների, հույների մեջ և առաջ եկավ **բաբենորոգումների հարցը**, որի իրականացումը վերապահվեց եվրոպական պետություններին: Սակայն եվրոպական պետությունները իրենք միասնական չէին, ավելին, ունեին հակադիր շահեր և հակասական քաղաքական հեռանկարներ՝ տկարացող Օսմանյան կայսրության նկատմամբ: 1880-ական թվականներից Թուրքիայի և նրա խնդիրների նկատմամբ հատուկ հետաքրքրություն ցուցաբերեց Գերմանիան: Նա դրոշակիրներն էր դեպի նավթի ակունքները և տեղի ունեցավ յուրահատուկ փոխըմբռնում Գերմանիայի և Թուրքիայի միջև: Թուրքիան Գերմանիային հնարավորություն պիտի տար հասնել առաջիմ դեռ թուրքական տնօրինության տակ գտնվող տարածքի նավթային ակունքներին, ի հակադրություն նույն շրջաններին ձգտող Անգլիային և Ֆրանսիային, իսկ Գերմանիան պիտի օգներ Թուրքիային ոչ միայն լուծելու իր ներքին խնդիրները՝ խուսափելու քրիստոնյա փոքրամասնությունների պահանջներից, այլև տարածվելու դեպի Արևելք՝ միավորելու թուրքական ցեղերին՝ վերականգնելու համար արևմտյան սահմանների կորուստը: Երկու ծավալողական ձգտումներ համընկան: Պանթուրանիզմը և կայսերական Գերմանիայի շահերը լրացնում էին իրար և 1883-ից նրանց միջև սկսեց քաղաքական սերտ համագործակցություն: Հուսով Գերմանիայի դրամական ներդրումները Թուրքիայում այնքան մեծացան, որ Գերմանիան դարձավ թելադրող ուժ, Թուրքիայի ամբողջ արտասահմանյան վալյուտային ներդրումների 45.4 տոկոսը գրանցվում էր Գերմանիայի ձեռքը, իսկ սա նշանակում էր Թուրքիայի ամբողջական կախում գերմանական շահերից: Անշուշտ եղան բաբենորոգումների բազմաթիվ խոստումներ, նույնիսկ 1863 թվականի սահմանադրությունը, Սան-Ստեֆանոյի և Բեռլինի վեհաժողովները, բայց այդ բոլորը մնաց թղթի վրա, ոչինչ չփոխվեց Թուրքիայի ներքին քաղաքականության մեջ. ընդհակառակը դաշնակից Գերմանիայի անտարբերության, որոշ իմաստով նաև խրախուսանքի պայմաններում, Թուրքիան անցավ ազգային փոքրամասնությունների ֆիզիկական բնաջնջման քաղաքականության: Վիլհելմ կայսրը նույնիսկ հատուկ շքանշան պարգևեց Սուլ-

թան Համիդին, երբ այդ հրեշը արդեն արյունապարտ էր 1895—96 թվականներին 300.000 հայերի ջարդով: Հայկական Հարցը դարձավ գործյան հանգույց:

1908 թվականին Խթիսիստ վե Թերաքի կուսակցությունը երկրում այսպես կոչված հեղափոխություն իրագործեց՝ սահմանադրական իրավակարգ և ժողովուրդների հավասարություն ստեղծելու հավակնությամբ, բայց ոչ մի դրական տեղաշարժ չեղավ ո՛չ թուրքական արտաքին և ներքին քաղաքականության և ո՛չ էլ Գերմանիայի դեպի նավթահորերը ձգտումների մեջ, մանավանդ որ Թուրքիայի տեսադաշտում հետպիսեան մեծանում էր ցարական Ռուսաստանի՝ դեպի Միջերկրական էջքի վտանգը: Չփոխվեց նաև թուրքական քաղաքականությունը ազգային փոքրամասնությունների նկատմամբ, այն տարբերությամբ միայն, որ այժմ իշխանության գլուխ էին բարձրացել **երիտասարդ թուրքերը** և ջանացին երիտասարդական եռանդով իրագործել այն, ինչ Սուլթան Համիդն ու նրա նախորդները չէին կարողացել իրագործել: «Դա ազգայնամոլական հեղափոխություն էր: Նրա առաջնահերթ խնդիրն էր ապահովել Օսմանյան պետության վերապրումը: Բնականաբար նրա ապատականությունն ու սահմանադրականությունը ստորադասվեցին ազգայնամոլական ձգտումներին»: Ուինսթոն Չերչիլը այդ ձգտումը պիտի ձևակերպեր շատ կարճ. «Ցեղի մաքրավտոն», հասկանալի է, այլ ազգությունների բնաջնջման հաշվին: «Միայն ռասիզմի հասնող ազգայնամոլությունը կարող էր չիտիսատուցանել օսմանյան կորուստները, թուրք ցեղի գերակայության տեսությունը միայն կարող էր բավարարել երիտթուրքերի և թուրք ժողովրդի ազգային հպատակությունը», պիտի գրեր մի այլ անգլիացի դիվանագետ: Դրա լավագույն ապացույցը եղան 1909 թվականի Կիլիկիայի հայկական ջարդերը: «Օսմանյան» արտահայտությունը փոխարինվեց «Թուրքական» անվանումով՝ ընդգծելով երիտթուրքերի ազգայնամոլական քաղաքականությունը: Երջանառության մեջ մտավ «Տիրող ժողովուրդ» և «Ենթակա ժողովուրդ» տեսությունը. թուրքական այլամերժությունը վերաճեց «ենթակա ժողովուրդների», այսինքն ազգային փոքրամասնությունների բնաջնջման գաղափարին: Երիտթուրքերը պատասխանատու զգացին սրբագրել **թուրք ցեղի** պատմական սխալները՝ երկրի քրիստոնյա տարրի նկատմամբ վարած դարավոր մեղք և հանդուրժողական քաղաքականությունը: Օրինաչափորեն այն բոլորը, ինչ ընդհանուր էր՝ «Օսմանյան», դարձավ յուրահատուկ՝ «թուրքական» և երկրում բարձրացավ թուրք ազգայնամոլական մի

փոթորիկ, որ վերաճեց կույր մոլուցքի և սպառնում էր խեղդել այն բոլորը, ինչ թուրքական էր. մշակույթ, քաղաքակրթություն և ... ժողովուրդ:

Ահա այս մթնոլորտում էր, որ համաշխարհային տիրապետման ձգտող կայսերական Գերմանիան սանձազերծեց աշխարհավեր առաջին պատերազմը: Պատերազմական իրավիճակը, եվրոպական պետությունների հակամարտությունը լավագույն պայմաններն էին ստեղծում իրագործելու ազգային փոքրամասնությունների բնաջնջումը: Եվ երիտթուրքերը լավագույնս օգտվեցին այդ առիթից: Ինչպես Լորդ Ջեյմս Բրայսը պիտի ընդգծեր, պատերազմը հարմարագույն առիթն էր, և ոչ թե պատճառը, 1915 թվականի ցեղասպանությունը իրականացնելու համար: Երիտթուրքերը գտան նաև Հայկական Հարցի լուծման դիվանագիտական հիմնավորումը. նրանք հայտարարեցին. ա) հայերը ընդհանրապես ունեն ռուսական կողմնորոշում. բ) հետևաբար, պիտի գործակցեն ռուսական թշնամի բանակների հետ. և գ) հայերը ապրտամբում են պետության դեմ: Իսկ լուծումը՝ հայերի տեղափոխությունն էր սահմանամերձ շրջաններից: Նույնիսկ այսօր, երբ պատմական անհերքելի փաստերն ու արխիվային հարուստ նյութերը անժխտելիորեն ապացուցում են հայկական ցեղասպանության կանխախտածված և հետին մանրամասնությամբ ծրագրված լինելը, թուրք պատմագիտությունը հենվում է վերոհիշյալ սին պատճառաբանությունների վրա և փորձում է մեղմել և արդարացնել կատարվածը, բայց դեռ 1915 թվականին Լորդ Ռոբերտ Սեփիլը անգլիական Համայնքների պալատում հայտարարում էր. «Ոճիրները կանխամտածված էին, ոչ թե պատժելու համար ապստամբությունները, այլ ընչելու համար հայ ցեղը», իսկ նույն Լորդ Բրայսը պիտի հաստատեր. «Կապակերպված ապստամբություն չկար վանում. հայերը իրենց թաղամասը ահրաջրին միայն թուրքական խմբերի կողմից հարձակման ենթարկվելուց հետո»: Բարեբախտաբար վերջին տարիներին, թեև պետք է ասել բավական ուշացումով, լույս են տեսնում հարցը լուսաբանող բավաթիվ արխիվային նյութեր ռուսական, անգլիական և ֆրանսիական արտաքին գործերի նախարարությունների այդ օրերի թղթակցությունները ներկայացնող, որոնք լրացնելով մեկը մյուսին, բացահայտում են երիտթուրքական կառավարության ճշմարիտ դեմքն ու նպատակները: Միայն մեկ վկայություն թուրքական արխիվներից. դեռևս 1914 թվականի օգոստոսի 17-ին Իթթիհատ վե Թերաքի կուսակցության կոմիտեի քարտուղար Միդհատ Շուքրին ծանուցում էր Բեհաեդդին Շաքի-

րին. «Ռազմական գործողությունները պլանավորված են եղել պատերազմի սկսվելուց շատ առաջ. դա եղել է կոմիտեի նպատակն ու ցանկությունը»: (Փակագծում ասենք, որ Թուրքիան պատերազմի մեջ մտավ միայն 1914 թվականի հոկտեմբերի 30-ին): Իսկ ինչ է եղել այդ նպատակն ու ցանկությունը. ահա ականատես անգլիացի բժշկի վկայությունը. «Տղամարդկանց միմյանց կապելուց հետո գնդակահարել էին քաղաքի պատերից այն կողմ: Կանանց ու երեխաներին քշել էին մոտակա գյուղերը, և հարյուրներով տներում տեղավորելուց հետո կենդանի վիճակում այրել էին, իսկ մնացածներին նետել էին ջուրը... մարդկային ոտքեր, ձեռքեր և մարմնի պատառոտված այլ անդամներ մեխել էին տախտակների վրա: Աքցաններով քաշում էին զոհյալների մատներն ու եղունգները, մորուսն ու հոնքերը: Ինչպես ձիերին, մեխերով պայտում էին նրանց ոտքերը, իսկ շատերին գլխիվայր վիճակում կախել էին արտաքնոցների պատերից». անգլիական արտաքին գործերի մինիստրության հղված հեռագիրը պիտի ավելացնի. «Ամբողջ հալ բնակչությանը՝ մոտ 830 հազար հոգի կամ սպանված են, կամ աքսորված, կամ բռնի կերպով իսլամացված»: Դեռևս 1913 թվականին Անգլիայի արտաքին գործերի մինիստրության ներկայացուցիչը հեռագրում էր Լոնդոն. «Բացարձակապես անհնար է կանխել ջարդերը Հայաստանում, բացի այն դեպքից, եթե այդ շրջանները գրավվեն ռուսական զորքերի կողմից, երևույթ, որ ցանկալի չէ այլ պատճառներով»:

Հետևաբար անհիմն են թուրքական Իին և նոր բոլոր պնդումները՝ ժխտելու ցեղասպանության փաստը, կամ լավագույն դեպքում երևույթը բացատրելու պատերազմական իրավիճակով կամ Թուրքիայի մտավախությամբ՝ հայերի ռուսների կողմից անցնելու: Փաստեր կան, որ նույնիսկ Գերմանիայի մեղսակից կառավարության համար դեպքերի առաջին ընթացքը սառսեղի չէր. ռեմանագիները համաձայն էին տեղափոխության գաղափարին. այն հույսով, որ առոժարար և աշխատասեր մի ժողովրդով կլրացնեն իրենց առաժա տիրույթը՝ հատկապես Իրաքի տարածքում. բայց թուրքերը ռեզոլյանդեզին նուրազ ըլլալու սառսումները: Արուստոռու Թալեաթի հրահանգով նահկին ամպականներին ու ոճրագործներին ստեղծված հատուկ պորագնդերը՝ «Թաջհուաթ Մախսուսի», գործեցին ռուս առաջադրված ծրագրերի և աննախադեպ վարառաջամբ: Այդ ջրջանում Ֆրանսիայի առաջին ժողովրդական Դեմոկրատների ապստի նահաճահ (ուսա և սոնգիդեմ) Պոլ Դեջանեյր ահտի ետոակացներ. «Հայերը ուղղակի պոհեր էին նա-

խապես խնամքով կազմված պլանի համեմատ իրականացվող սպանության»։ Հետագային Թալեաթը փորձեց եղեռնը բացատրել հայերի և քրդերի «ցեղական հակառակությունամբ», իբրի այդ հակամարտության «պատմական օրինաչափ տխրալի ավարտ»։ Սա նույնպես կեղծիք էր, որովհետև երիտթուրքերը պարպապես կարողացան օգտագործել քրդական ցեղերի կրոնական մոլեռանդությունը՝ պանթուրանիզմը ներկայացնելով պանիսլամիզմի անվան տակ։

Այն տպավորությունը չստեղծվի, որ միայն գերմանացիները անտարբեր եղան հայ ժողովրդի ճակատագրի նկատմամբ։ Եվրոպական մյուս պետություններն էլ՝ յուրաքանչյուրը իր հերթին և իր չափով հանցապարտ են կատարվածի համար, որովհետև նրանք նույնպես ձգտում էին առյուծի բաժին, ունեին իրենց շահերը, բայց մանավանդ մտահոգությունները՝ արգելելու ռուսների վայրէջքը Միջերկրական։ Թեև եղան բազմաթիվ երրորդ անհատներ (Ժան Ժորես, Վիկտոր Բերար, Անատոլ Ֆրանս, Անտուան Մեյե, Ժազ դը Մորգան, Գյադստոն, Լորդ Բրայս, Մարկվարտ, Լեփսիուս, Նանսեն, ամերիկացի Մորգենթաու և ուրիշներ—պատիվ և հարգանք նրանց), որոնք սրտացավություն ցուցաբերեցին հայ ժողովրդի նկատմամբ, հնարավոր միջոցներով փորձեցին ազդել համաշխարհային քարացած խղճի վրա, բայց դժբախտաբար չկարողացան փոխել իրենց կառավարությունների դիրքը և նրանց շահերը համաձայնեցնել հայերի պաշտպանության հետ։ Թուրքիային տրվեցին նույնիսկ պաշտոնական սպառնալիքներ, բայց երբեք չէին կարող բոլորի շահերը համատեղվել, ուստի բոլորի համար Հայկական Հարցը դարակոմս պահված խաղաքարտ էր. դեռ Դիպրայելին ասել էր. «Անգլիան հավատարիմ բարեկամներ չունի, Անգլիան չունի հավատարիմ կենդանիներ, Անգլիան ունի հավատարիմ շահեր»։ Անգլիական դիվանագիտության լավագույն ապացույց կարող է լինել ականատեսի վկայությունը այն մասին, որ մինչև այսօր դեռևս անգլիական արխիվներում կան հարյուրավոր նամակներ, որոնք գրված են եղեռնի օրերին՝ հայերի և այլոց կողմից՝ հայկական ցեղասպանության մասին, և մնում են չբացված. մարդիկ սրտի արյունով են գրել «մարդասեր» քրիստոնյա Եվրոպային, իսկ այդ «ապավենները» նամակները նույնիսկ չեն բացել. այսպես էր Եվրոպան «տեր կանգնում» Հայկական Հարցին։ Պատկերացնում եք ինչպիսի նավերով էր ուղում փրկվել հայ ժողովուրդը՝ սպանդի և մահվան համատարած օվկիանոսից։ Իսկ այդ սպանող խեղճ մոտ երկու միլիոն անմեղ զոհերի կյանք։

Հրեշավոր նախաձրին կոհ գնաց հայ մտավորականության սերունդը, բոլորն էլ մտքի ու լեզվի, ձևի ու ձայնի քանքարներ՝ մարգարեական շնչով և տեսիլքով։ Մտավորականության ձերբակալությունը դարձավ Ապրիլյան եղեռնի ազդանշանը, որովհետև, ինչպես այդ օրերին գերմանական դեսպանության աշխատակից Ֆոն Նոյրաթն էր հեռագրում Գերմանիա. մեծ է հայ մտավորականության ազդեցությունը ժողովրդի վրա և թուրքերը շատ են վախենում այդ ազդեցությունից։ Հայ մտավորականը նաև քաղաքական և հասարակական գործիչ էր և նրան էր վերապահված գնահատել երկրի քաղաքական վիճակը և կազմակերպել ժողովուրդը։ Եթե հայ մտավորականները կարողացան լավագույնս գնահատել իրավիճակը, ապա չհասցրին իրականացնել ամբողջական կազմակերպումը։ Դեռևս 1914 թվականի օգոստոսի 3-ին Գրիգոր Չոհրապը իր անտիպ օրագրում պարմանալի հայտնատեսությամբ գրում էր.

«Այս միջոցին Եվրոպան տակն ու վրայ է. պատերազմին ո՞ր կողմին յաջող թուելու մասին դեռ ունե յայտարար նշան չի կայ։ Միս կողմէ Թուրքիոյ մէջ ալ կացութիւնը ծանր է։ Թուրքերը ներկայ խռովեալ վիճակէն օգտուիլ կ'ուզեն. Ոմանք՝ մեծ, խիստ մեծ, ոմանք պզտիկ, համեստ չափով։ Մաս մը կայ, որ Արշայելագոսի կղզիներուն վերստացումն ունի միայն մտքի առջև։ Մասն մըն ալ Ռուսիոյ, Ֆրանսիայի և Անգլիոյ վճարումովն կ'ուզէ վերահաստատուիլ տեսնել իսլամական մեծ կայսրութեան մը, որ Միջերկրականի հարաւային բոլոր ծովեկերքէն սկսելով պիտի երկարի դեպի Կովկաս, Սրիմըն ալ միասին առնելով պիտի 'հասնի մինչև Թուրքեստան ու թերևս Հնդկաստանի ու Չինաստանի իսլամութիւնն ալ պիտի կոլ տայ։ Ասոր փոխարեն բոլոր քրիստոնեայ տարրը մտահոգ է... Թուրքիոյ քրիստոնեայ տարրին աւելի կամ նուազ պաշտպան Եվրոպան՝ այսօր գոյութիւն ունենալէ դադրած է, չի կայ նաև Ռուսիոյ վախը։ Թուրք և իսլամ տարրը իր հակաքրիստոնեական ատելութեանց մէջ ոչ ոքէ վախու տեղ ունի»։ Ահա թե ինչու երիտթուրքերը նախ ժողովուրդը զրկեցին իր մտավորական տարրից։

Սեփական ժողովրդի հոգևոր և մտավոր ծառայության պահին նահատակվեցին ավելի քան 4000 հոգևորականներ՝ ոմանք ողջ-ողջ այրվելով։ Հայաստանյայց եկեղեցին գիտակից էր իր պատմական դերին և բաժանեց իր հոտի ճակատագիրը և՛ արհալիրքի ճամփաներին և՛ զենքը ձեռքին՝ միշտ մնալով աստնեջի վրա։ Հապարավոր կանգուն եկեղեցիներ քանդվեցին, ձեռագրեր ոչնչացվեցին, եկեղեցական հարուստ սպասք թալան-

վեց կամ փչացվեց: Առաջին համաշխարհային պատերազմը վաղուց է անցել, սակայն մինչև այսօր պայթեցման և ոչնչացման են ենթարկվում հայ մշակույթի բազմաթիվ արժեքներ:

Բայց հայ ոգին չընկրկեց և ժողովուրդը չկորցրեց իր ապրելու կամքն ու հարության հույսը: Նա նաև ոտքի կանգնեց պաշտպանելու սեփական տունն ու պատիվը, անհավասար գոռ մարտեր մղվեցին Վանում, Ուրֆայում, Հապին Գարահիսարում, Մուսա լեռան վրա, Սասունում, Ջեյթունում և բազում այլ վայրերում: Այդ մարտերը ճգնաժամային եղան և բազմապոհ, բայց 1918 թ. մայիսի 22-ից—26-ին պսակվեցին Սարդարապատի հաղթական փառքով, որտեղ ինչպես էդվարդաս Մեծեյաթիսն է ասում.

«Եվ նա, ով մահն էր բերում հայերի, Ինքը գալարվեց մահվան սև ճահճում»:

Սարդարապատով, ինչպես Ավարայրով, հայ ժողովուրդը իր կամքն ու գոյությունը պարտադրեց թշնամուն: Եվ այս էլ քանի-երորդ անգամ մոխիրից հառնեց Հայոց երկիրը, դարձավ պետություն և բռնեց վերելքի և ստեղծագործական ինքնանորոգման ուղին: Ավարտված էր Առաջին համաշխարհային պատերազմը և պատերազմի մասնակիցները կլոր սեղանի շուրջ շարունակում էին դիվանագիտական խաղերը, սակայն Թուրքիան չէր հրաժարվել իր նպատակներից և շարունակում էր ռազմական ճնշումը Հայաստանի վրա: Բայց 1920 թվականի նոյեմբերին Հայաստանը՝ իր մի բուռ արյունաքամ ժողովրդով և բռի մեջ սեղմվող տարածությամբ ռուս մեծ ժողովրդի օգնությամբ սովետականացավ և միանգամ ընդմիջտ ի դերն հանեց թշնամու ձգտումներն ու հույսերը:

Յուրաքանչյուր պատմական տարեթվի ոգեկոչում իմաստ կունենա միայն այն դեպքում, եթե ժողովուրդը կարողանա ընդհանրացումներ կատարել՝ գնահատել ու իր պատմական անցյալը և կանխորոշելու իր ապագան: Այսօր, այս սրբազան Աթոռի դարավոր կամարների տակ հավաքված ենք ոգեկոչելու մեր երկու միլիոն Կոհերի հիշատակը: Ի՛նչ ընդհանրացումներ կարելի է մակաբերել պատմական այդ իրավիճակից.

Ա. Ցեղասպանությունը ծրագրված ոճիր էր և իրագործվեց հետևողականորեն: Սակայն դա անհատի կամ մոլեռանդ մի խմբի մտազարություն չէր, այլ իրագործվեց զանգվածների կողմից, որոնց ներարկեցին ահավոր մի ատելություն հայ ստեղծարար ժողովրդի նկատմամբ: Վաղուց հայտնի ճշմարտություն է, որ «Յուրաքանչյուր ժողովուրդ

տերն է իրեն արժանի կառավարության»: Այնպես որ պատասխանատու է ոչ միայն այդ օրերի Թուրքիան, այլ նաև վաղվա Թուրքիան, քանի որ Երկրորդ համաշխարհային պատերազմի ժամանակ Թուրքիան ցույց տվեց, որ հայ ժողովրդի և Հայաստանի նկատմամբ իր թշնամանքն ու ձգտումները կենդանի են և նա չի փախցնելու ամենադուրյակ առիթը, հաշվեհարդար տեսնելու մնացյալ հայության և Հայաստանի հետ. Գորշ գայլը Ստալինգրադի անկմանն էր սպասում՝ իր վճռական ցատկը կատարելու համար:

Բ. Ուրեմն ըստ այնմ պետք է գնահատել մեր այսօրվա և վաղվա խնդիրները: Կա երկատված հայություն, հակընթաց կենսունակությամբ. եթե Խորհրդային Հայաստանի մեջ յուրաքանչյուր արևածագ իր հետ բերում է նորանոր նվաճումներ, այստեղ մենք իբրև ազգ և մշակույթ ինքնահաստատման ապահով ենք կոռում, ժամանակակից առաջընթաց արդյունաբերությամբ, հողային և կլիմայական դժվար պայմաններում հաջողապես իրագործվող գյուղատնտեսությամբ, ազգային ինքնատիպ արվեստով, առաջավորի և հարաճուն գիտությամբ՝ ակադեմիայով և բազմաթիվ գիտահետազոտական և բարձրագույն ուսումնական հաստատություններով, բարեկարգ և կենսախիստ քաղաքներով ու գյուղերով և վերջապես օրավոր աճող և լավատեսությամբ ու հավատքով ապագային նայող բնակչությամբ, ապա Սփյուռքի ողջ տարածքում ինքնակալման և ազգային հյուծման ընթացք է, և հայապահպանությունը դարձել է ամենամեծ հրամայականը: Բարեբախտաբար Սփյուռքը վաղուց թողափել է որբության և տնտեսական խեղճության վիճակը և այս նոր պայմաններում պետք է կարողանալ վերացնել այսպես կոչված «Ներքին», բայց ըստ էության «արտաքինից» թելադրվող երկպառակությունները, և աշխարհին ներկայանալ միասնական պահանջկոտությամբ: Ինչպես Վազգեն Ա Վեհափառ Հայրապետն է ընդգծում իր ապրիլյան սրբատառ Կոնդակում, այսօր ավելի քան երբեք մենք պետք է հանդես գանք «միակամ ու միամարտ գործակցությամբ՝ սուրբ պահելու նրանց հիշատակը և հավատարիմ մնալու նրանց ուխտին, նրանց երապանքին՝ հայ ազգը համայն մեկտեղված ու հայոց երկիրը ամբողջացած տեսնելու»: Սփյուռքի որոշ հոսանքներ այս օրերին հրապարակված որոշ կոչերում ժողովրդին դիմում են այնպես, կարծես չկա նորօրյան Հայաստանը՝ իր մոտ երեք ու կես միլիոն բնակչությամբ, զարգացած մշակույթով, առաջընթաց արդյունաբերությամբ, և, որ ամենակարևորն է, եղբայրական միապ-

նությամբ ամրապես ապահովված սահմաններով:

խորհրդային Հայաստանի գոյության փաստը պետք է ազգային վճռականության և համախմբման հիմք դառնա, անկախ գաղափարական տարամտությունից, որովհետև այստեղ, և միայն այստեղ մենք կարող ենք ամրակայել ազգային միասնականությունը՝ ապագա բոլոր հնարավոր բարեշրջություններին ի խնդիր: Մեր ժողովուրդը անհայրենիք չէ, թող թե կիսված և փոքրիկ: Առողջ և սթափ հայրենասիրությունը պահանջում է բարձրանալ հատվածական շահերից, ձգտել համահայկական, համազգային նպատակների, որոնց իրագործման կորիզը, օրինաչափորեն, պետք է դառնա խորհրդային Հայաստանը:

Որքան այժմեական են հնչում Ստեփան Ոսկանի դեռևս 1862 թվականին գրած բաները. «Հայ անուն, հայ սիրտ ունեցողը մեր եղբայրն է: Հայաստանը, իր հայրենիքը սիրողը մեր բարեկամն է, մեր դաշնակիցն է... Հայաստանը պիտի ըլլայ մեր միության կեդրոնը, Հայաստանը պիտի ըլլայ մեր բոլոր ուխտերուն նպատակը, մեր միակ փրկությունը»:

Բանախոսությունից հետո Ս. Թորգոմ վարդապետ Խարապյանը ընթերցում է Ապրիլյան եղեռնի 70-ամյակին նվիրված Վեհափառ Հայրապետի սրբատառ կոնդակը:

Կոնդակի ընթերցումից հետո Մայր Աթոռի դիվանապետ Ս. Ներսես եպս. Պոպապայանը ամբիոն է հրավիրում Վեհափառ Հայրապետին՝ ասելու Իր օրհնության խոսքը:

«Նոգեկան մեծ մխիթարություն է ինձ համար, և բոլորիս համար, կարծում եմ, որ Ապրիլյան ցեղասպանության 70-րդ տարելիցը մենք նշում ենք այստեղ՝ Հայաստանում, Ս. Էջմիածնում՝ խաղաղ, ապահով ու ազգային-հայրենասիրական շինարար առաջադիմության ճանապարհի վրա:

Ես հիշում եմ, որ անցյալում միշտ չէ, որ այսպես նշվել է այս տարեթիվը: Հիշում եմ Ռումինիայում իմ պատանեկության և երիտասարդության տարիներից՝ 50—55 տարի առաջ, հայերը Բուխարեստում հավաքվում էին եկեղեցի, ուր տեղի էր ունենում ս. պատարագ, հոգեհանգիստ, որից հետո փակվում էր եկեղեցու վարագույրը և սկսում էր սգո նիստը: Նիստում ելույթներ էին ունենում հասարակական գործիչներ՝ հայ, երբեմն էլ հրավիրվում էին օտար բանախոսներ՝ իրենց մխիթարական խոսքերն ասելու հայ ժողովրդին: Այդ օրերին ապրիլի 24-ը միայն ողբի և կոծի օր էր: Ես հիշում եմ, թե ինչպես ներկաներից շատերը՝ մանավանդ կանայք լաց էին լինում: Բնական էր այդ լացը՝ երկու պատճառով: Նախ, որով-

հետև շատ թարմ էր վիշտը և այդ լացողներից շատերը աքսորի սև տարիներին կորցրած հարազատներ ունեին և իրենք վերապրողներ էին: Երկրորդ, օտար երկնքի տակ այնքան էլ՝ ազգային տեսակետով մխիթարվելու հիմքեր, տվյալներ չունեին: Այդ տարիներին Հայաստանը հեռավոր, անծանոթ և գրեթե մոռացված երկիր էր: Համատարած հուսահատություն էր և ողբ:

Այսօր ապրիլի 24-ը, իհարկե ուրախության օր չէ, բայց, կարծում եմ, որ այլևս լացի ու կոծի օր չէ: Մեր օրերին, թե այստեղ, թե արտասահմանում բոլոր հայերի համար ապրիլի 24-ը ա՛յո, տխրության և ծանր հիշատակների վերապրումի օր է, բայց նաև մեր ժողովրդի իրական վերածնունդով մխիթարվելու օր է, մանավանդ մայր հայրենիքում ապրողներին համար: Ինչպես իմ կոնդակում ասել եմ, մեր այսօրվա վերածնված ու ծաղկող Մայր Հայաստանը երեք և ավելի միլիոն բնակչությամբ, բոլոր հայերին համար ամենամեծ և անփոխարինելի մխիթարությունն է և ամենաշքեղ ու մնայուն հուշարձանը՝ նվիրված նահատակների հիշատակին:

Ուրում եմ մեկ թարմ պարագա հիշել ձեր ներկայությամբ՝ խորհրդանշելու համար մեր վերածնունդի, լավատեսության և ինքնավստահության ապրումը: Ինչ-որ չար պատահարի հետևանքով հրկիպվեց Նրևանում նոր կառուցված համալիրը: Եվ, ինչպես գիտեք, մեր ժողովրդի վրա, մի տեսակ, ճշնշող տխրության պագցում իջավ: Բայց այդ կարճ տևեց, որովհետև մի քանի օր անց մեր հայրենի կառավարությունը որոշեց այդ համալիրը վերականգնել, վերաշինել, և մեր երկրի առաջին ղեկավարը հայտարարեց, որ կարճ ժամանակամիջոցում կվերականգնվի համալիրը՝ ավելի շքեղ, քան առաջ: Կարծում եմ, որ այս պարագան խորհրդանշում է այն իրողությունը, այն պագցումը, որի ձևսին ես խոսեցի: Եվ ես պիտի ավելացնեի, պատիվ մեր հայրենի կառավարության և շինարար ժողովրդին, որ այսպես է հարգում հիշատակը մեր բուրավոր նահատակների:

Մենք այս օրերին մխիթարված ենք նաև, որ մեր ժողովրդի զավակների հետ միասին, եղբայրական, բարեկամ ժողովուրդների ներկայացուցիչներ վշտակցում են մեզ հետ և ցավակից են լինում մեր անցյալի ողբերգություններին: Դա նույնպես մեզ համար մխիթարական է:

Եղեռնի յոթանասունամյակի առիթով քանի ամիս առաջ գրավոր կոչեր ուղարկեցի մի շարք եկեղեցիների պետերի՝ հրավիրելով, որ իրենք ևս՝ մասնակցեն մեր ազգի մեծ սուգին: Ստացա սքանչելի պատասխաններ, որոնցից ուրում եմ նշել երեք

պատասխանները՝ ա. Ռուս Պրավոսլավ Եկեղեցու պետ Պիմեն Սրբապան Պատրիարքից, բ. Քենթրբերիի Գերաշնորհ Արքեպիսկոպոսից, և գ. Հռոմի Սրբապան Պապից:

Ուրիշ երկրներում, նույնպես, մենք բազմաթիվ ալյապգի բարեկամներ ունենք՝ մտավորականներ և պետական պատասխանատու անձինք: Այդ շարքում առաջին տեղն է գրավում Ֆրանսիան: Հատկապես ուշույն է հիշել Ալֆորվիլ քաղաքի քաղաքապետ Ժոզեֆ Ֆրանչեսկին, որը պետք է հիմա այստեղ լիներ, բայց իր կամքից անկախ պատճառներով չկարողացավ գալ և իր փոխարեն եկել է իր տեղակալը՝ իր աջ բազուկը, հայապգի տիար Արման Նշանյանը:

Առանց չափապանցելու, կարծում եմ, որ Ալֆորվիլ քաղաքը ամբողջ երկրագունդի վրա՝ դեպի մեր երկիրն ու մեր ժողովուրդը ունեցած բարեկամական տեսակետից առանձին տեղ է գրավում: Ժոզեֆ Ֆրանչեսկին քսան տարի շարունակ Ալֆորվիլի քաղաքապետն է, շատ սիրված ու հարգված իր ժողովրդի կողմից: Ալֆորվիլը Փարիզի արվարձաններից է և ունի 40 հազար բնակչություն, որի 6—7 հազարը հայեր են: Պարոն Ժոզեֆ Ֆրանչեսկին իսկապես հայասեր մարդ է: Դրա վառ ապացույցներից մեկը այն է, որ իր քաղաքի մեջ չորս փողոցներից մեկը անվանել է «Արմենիա», մյուսը՝ «Կոմիտաս», երրորդը՝ «Ապրիլի 24», չորրորդ փողոցն էլ՝ «Վազգեն կաթողիկոս»:

Ապա Վեհափառ Հայրապետը հրավիրում է տիար Արման Նշանյանին՝ իր սրտի խոսքը ասելու օրվա առթիվ:

Վեհափառ Հայրապետի օրհնության խոսքից հետո ամբիոն է հրավիրվում հարգարժան տիար Արման Նշանյանը, որը դառնալով հավաքվածներին է հաղորդում Ալֆորվիլ քաղաքի քաղաքապետ մեծահարգ տիար Ժոզեֆ Ֆրանչեսկիի ողջույները: «Ժոզեֆ Ֆրանչեսկին, —ասում է տիար Ա. Նշանյանը, —շատ կցանկար այսօր այստեղ ըլլալ մեզ հետ աղոթելու համար մեր եղբայրներու ու քույրերու անմեղ հոգիներու հանգստության համար:

Առաջին այցելությունս է Հայաստան, և կվախնայի, որ հուսախաբ ըլլամ: Նախապաշարումս սխալ է. ես չափապանց ուրախ եմ ու խանդավառված: Խանդավառված՝ երբ կտեսնեմ հավատացյալներու բազմություն մը, որ հարգանքով ու վստահությամբ կը շրջապատեն Ձեզ, Վեհափառ Տեր: Խանդա-

վառված՝ երբ կտեսնեմ մեր պատմության հրաշալիքները կանգուն ու վերանորոգված: Խանդավառված՝ երբ կտեսնեմ, որ մեր ժողովուրդը այս հրաշալի և խաղաղած հողի վրա նոր կյանք կկառուցե: Խանդավառված՝ երբ կտեսնեմ տեղի հայության ջերմ ու անմիջական հյուրընկալությունը՝ հավատարիմ մեր հերոսներուն, հավատարիմ մեր մարտիրոսներուն, մեր անցյալին, կապրին՝ աչքերը դեպի ապագան հառած: Եթե 20 տարի զիս կհամարեի Ալֆորվիլի հայերու սպասարկող, այժմ զիս պարտական ու ծառան կզգամ մեր հավատքին և մեր ժողովուրդին: Կթվի, թե հիմա այլևս դուրին պիտի ըլլա Ֆրանսայի մեջ բոլոր հայերու հույսի բաները ըլլալ:

Երախտապարտ եմ, Վեհափառ Տեր, Ձեր այդքան անվստյան, ջերմ ու հայրական հյուրընկալության համար»:

Տիար Ա. Նշանյանի խոսքից հետո հայտարարվում է փոքրիկ դադար, որից հետո սկսվում է հանդիսության գեղարվեստական մասը:


Հոգևոր ճեմարանի ուսանողների խմբական արտասանությամբ սկսվում է հանդեսի համերգային ծրագիրը: Նրանք հատվածներ են արտասանում Պարույր Սևակի «Եռաձայն պատարագ» պոեմից:

Ներկաներին Կոմիտասյան անմահ երաժշտությամբ հիացնում է Հայաստանի վաստակավոր կոլեկտիվ Կոմիտասի անվան պետական լարային քառյակը: Ապա Հանրապետության ժողովրդական արտիստուհի, պետական մրցանակի դափնեկիր Վարդուհի Վարդերեսյանը արտասանում է Միամանթոյի «Հույսին համար» և Պարույր Սևակի «Մենք քիչ ենք, բայց հայ ենք» բանաստեղծությունները:

Մայր տաճարի երգչախմբի մեներգչուհի Արաքսյա Դավթյանը կատարում է Կոմիտաս վարդապետի «Կռունկ» և «Օրորոցային» տոհմիկ երգերը:

Հանդիսությունն ավարտվում է Մայր տաճարի քառաձայն երգչախմբի (գեղարվեստական ղեկավար Հայկական ՍՍՀ վաստակավոր արտիստ Խորեն Մելիսանջյան) ելույթով: Երգչախումբը կատարեց Ալ. Հարությունյանի «Գթա Տեր» և «Հայրենիքիս հետ» ստեղծագործությունները, Կոմիտաս վարդապետի «Սուրբ սուրբ»-ը:

ՀԱՆՈՒ ՍԱՐԿԱՎԱԳ ՄԱՐՏԻՐՈՍՅԱՆ



ՀԱՏՎԱԾՆԵՐ ՀՈՎՀԱՆՆԵՍ ԾԻՐԱԶԻ «ՀԱՅՈՑ ԴԱՆԹԵԱԿԱՆԸ» ՊՈՆՄԻՑ


Ով աստվածային դժոխքի Դանթե,
Թե թափառում ես դու դեռ դժոխքում,
Թե՛ հիանում ես դեռ մահով, կամ թե
Քավարանն ի վեր քո մեղքն ես քավում
Կամ թե լուսաթև քո Բեատրիչեն
Դեպի դրախտ է քեզ առաջնորդում
Եվ կամ նրա հետ ճախրում ես արդեն
Քո աստվածության կապույտ դրախտում,
Ուր էլ որ լինես, հորս հոգու պես,
Ուր էլ որ այժմ ճախրես դու անհոգ,
Իջիր մի վարկյան, պաղատում եմ քեզ,
Իջիր, քեզ տանեմ այնպիսի դժոխք,
Որ դու մոռանաս դժոխքը երգիդ,
Որ Աստծո ճակտին անեծք խարանես
Եվ մահից խնդրես բալասան վերքիդ,
Իջիր, թե ունես դեռ լացող աչքեր՝
Կիսելու վիշտը մի կիսված ապգի:
Պաղատում էի այսպես գիշերով
Մասիսի առջև, կարոտով նրա,
Երբ որ լուսաթև մի ամպ հուշերով
Անշուշտ իջավ իմ լեռան վրա
Եվ ինքը դանդաղ հավից վերստին՝
Իմ դեմ թողնելով Դանթեին անձայն:
Նա դափնեպսակ ուներ ճակատին
Եվ աչքերի մեջ ժպիտ հարցական,
Խոսքի հետքն անգամ չկար շրթունքին,
Բայց ես կարդացի հայացքն հայրական,
Երբ գրկեց գլուխս ու ապշեց լռին՝
Ճերմակ տեսնելով մանուկ մազերիս:
—Օ, գնանք, հայր իմ, բանամ քո առջև
Ճերմակ մազերիս գաղտնիքները սև,
Օ, գնանք, հայր իմ, որ աչքով տեսնես,
Ինչ որ չես տեսել Աստծո դժոխքում,
Մարդկային վշտի ձևերը պես-պես
Չարմանատեսիլ ու քրտմամբ:
Կտեսնես, որ քո դժոխքն էլ չունեն,
Անմեղ դժոխքն էլ քո աստվածաստեղծ:
Հայտնվեք և դուք, ով հայ անմահներ,

Իջեք, թե իրավ անմահ է հոգին,
Դու, արև Մաշտոց, գեթ ստվերդ բեր,
Քո ուրվականն էլ մահ է մողոգին,
Հայտնվիր և դու, մեծ Նարեկացի,
Ով աստվածապեղ, մռնչա և դու,
Դու, որ բուրվառն ես մեծ առեղծվածի,
Որ կշռում էիր մեղքերը մարդու,
Աստծո պես էիր Աստծո հետ խոսում,
Իջիր, որ ապգիդ վիշտն էլ կշռես
Կոտորածների լաբիրինթոսում,
Մեղքից վարհուրած՝ ոխդ բուրվառես՝
Ահեղ դատաստանն աշխարհ բերելով,
Ուր մեղքն անպատիժ ու դեռ վիշտն է ծով:
Լուռ պաղատեցի ես վերջին անգամ
Մասիսի առջև իմ պառնասպեռ:
Եվ իսկույն իջան մեր աստվածապարս
Հայոց մեծերի ոգիներն անմեռ՝
Վաթսուն անմահներն իմ Հայաստանի:
Եվ Դանթեն շիկնեց որպես պատանի,
Երբ Նարեկացին ասաց՝ «Իմ որդյակ,
Դժոխքն այնտեղ է, ուր պիտի գնանք,
Ուր այս մանուկը մեզ կառաջնորդե,
Ուր աչքեդ պիտի Հորդանան հորդե»:
Ու ճամփա ընկանք մենք ոգելոին
Դեպի եղեռնի դժոխքն ահարկու,
Ու լոկ աստղերը մեզ ճամփու դրին
Որպես աչքերը հայոց Աստծու:
Լիալուսինը Չանգըրի ձորի
Աչքերն էր թարթում որպես ահապանգ,
Երբ սուրբ անեծքով մեր հայոց խորին
Եղեռնադժոխք Դեր-Չորին հասանք:
Սարսափն էր սառել լուսնի աչքերին,
Նրանից, ինչ-որ մենք հետո տեսանք:
Ու գնում էինք մենք էլ ախ առած,
Հոգեհանձատի բուրվառներ դառած,
Ու ԿՈՄԻՏԱՍԸ ապշած աչքերով
Թարթիչների պես շուրթերը թարթում,
Տեղ ողորմյալի խոսքի խունկերով

Հոգեհանգիստ էր զոհերին կարդում:
 Եղևոն: Ի՞նչ Ապրիլ: Այս ի՞նչ գարուն է,
 Հայ ժողովրդի սիրտը արյուն է.
 Այս ի՞նչ արյուն է, Տեր իմ, ողորմյա,
 Մեղա աչքերիս, որ տեսա, մեղա,
 Տեսնելն էլ մեղք է, ուր մնաց գործել.
 Վաթսուն հազար գյուղ, թե՛ մանուկ, թե՛ ծեր,
 Մորթեցին: Աստծո սիրտն էլ կոտղա,
 Անձրևից անգամ արյուն կցողա:
 Ամպը Դեր-Չորի իմ հայ զոհերի
 Արյունն է խմել բերանով չարի,
 Արյուն կռաղե աշխարհի վրա
 Իմ արցունքի քույր անձրևն էլ նրա:
 Ու վարհուրաբի՞ք աչքերը թարթում,
 Հոգեհանգիստ էր զոհերին կարդում,
 Դանթեադժոխք մեր ողջ ճամփեքին

Կարծես շիրիմ էր դնում ողջ ազգին,
 Հոգեհանգիստ էր խնկարկում խոսքով
 Առանց բուրվառի և առանց խունկի,
 Աչքի բուրվառով, արցունքի խունկով
 Մերթ մի գանգի դեմ գալիս էր ծունկի,
 Մերթ մի դիակի առջև հառաչում,
 Մերթ ողբում ինչպես տաճարն ավերված,
 Մերթ մրմնջում էր, մերթ մռնչում,
 Տեսնելով մանուկ ուղեղներ ցրված.
 Կարծես ուղեղը մահիկ էր խրվում,
 Նրա քայլ առ քայլ միտքն էր խաթարվում,
 Կրծքի մազերն էր պոկում վայրագին,
 Աչքերը կարծես դուրս էին թռչում,
 Կարծես ուղեղը խարանում էին,
 Խելահեղվում էր, մերթ համր մռնչում,
 Գալիս էր ապշյալ աչքը զոհերին:





ՀԱՏՎԱԾ Վ. ԴԱՎԹՅԱՆԻ «ՌԵՔՎԻԵՄ» ՊՈԵՄԻՑ

Աջխարհում՝ անթիվ գերեզմանոցներ,
Անթիվ շիրիմներ՝ հողագունդն ի վար...
Եվ սակայն շիրիմն իմ ժողովրդի,
Իմ մի բուռ, փոքրիկ իմ ժողովրդի
Ամենամեծն է
Աջխարհում արար...

Դեր-Չորի քամին
Մանկան ոսկորից սրինգ էր սարքել
Եվ արջալույսի խաղաղության մեջ
Սուլում էր մահվան անմահ նվագներ:
Սուլում էր, հուշում,
Որ ավազի տակ
Մի կարմիր կանաչ
Ու մի կապուտակ
Երազ կա թաղված...
Եվ անապատը,
Որ հսկա ու փակ
Մեռյալի կոպ էր թվում իմ աչքին,
Շարժվում էր ասես
Ու այն կապուտակ,
Այն կարմիր կանաչ
Երազն էր ցուլում...

...Հետո գիշերը կանգնել էի ես
Եփրատի դաժան կամուրջի վրա:

Լուսինը ելավ:
Անապատային կարմիր մի լուսին:
Կարմիր լուսնի տակ
Եփրատը կարմիր ցուլանք էր տալիս,
Ու թվում էր ինձ,
Թե երակն է նա,
Բացված երակն է
Հայոց աշխարհիս:
Կանգնել էի ես:

Սպիտակ հագած մի բարակ աղջիկ
Եփրատի դաժան կամուրջի վրա
Եվ լուսնկայի անուրջի վրա

«Սուրբ-սուրբ» էր երգում:

«Սուրբ-սուրբ»-ը՝ սարսուռ,

«Սուրբ-սուրբ»-ը՝ ոգի,

«Սուրբ-սուրբ»-ը՝ լույսը

Անմահ մորմոքի,

«Սուրբ-սուրբ»-ը՝ կարոտ

Ու վերին թախիծ,

«Սուրբ-սուրբ»-ը՝ հյուսված

Կիրականալույսից ու մթնշաղից,

Հյուսված արցունքից

Ու խնկաբուրից,

Պոկված դեղձենուց,

Լեռան աղբյուրից,

Պոկված մայր հողի բացված երակից,

Ձգհասեղանի կապույտ կրակից,

Մեր անդունդների խորացումներից,

Մեր կատարների ցոլացումներից...

«Սուրբ-սուրբ» էր երգում:

Լսում էր, լսում Եփրատը լռած

Ու հետո ասես ինչ-որ բան հիշում

Ու հայերեն էր Եփրատը խշշում:

«Սուրբ-սուրբ» էր երգում...

Ու տիեզերքում

Լռություն էր խոր:

Ու «Սուրբ-սուրբ»-ի մեջ

Իմ հայրենիքն էր ցոլում հեռավոր:

Լեռները կապույտ

Ու թանձր կապույտ ալիքներ տալով,

Ծփում են, ծփում ու չեն քարանում,

Տիեզերական զննգուն ու զով

Մի լռություն է այդ վեհարանում:

Արարատ լեռը անհունին թիկնել,

Ցուքեր է նետում ձյան ու սառույցի,

Կատարի ամպը արևից շիկնել

Ու բաշ է դարձել քնած առյուծի:

Իսկ այնտեղ՝ ցածում,

Ապրիլ է նորից...

Ձնհալը լացել,

Խենթացել,

Անցել,

Հետքից թողել է փրփուրը ծաղկի...

Ցուլանքների մեջ արևածագի

Մեղվի

Ու ծաղկի

Ներդաշնակությունն է քաղցրորեն զննում,

Դաշտը ծայրեծայր այրվում է քնքուշ,


Դաշտը ծայրեծայր հեղեղ է ծաղկի,

Հրդեհ է ծաղկի,

Ծաղկի ծով է ծուփ,

Ծաղկի զրնգոց...

Ապրիլը դաշտից առել կայծ ու բոց,
 Լեռներն է ելել
 Ու լեռներն ի վեր
 Վառել մասրենու վայրենի թփեր,
 Վառել կակաչներ ու հորոտ-մորոտ,
 Չանգակածաղկի ծիծաղն արևոտ
 Եվ հրաշքներ է վառել անանուն,
 Իսկ հավերժության կապույտ սափմանում
 Վառել է ահա՝
 Հարության նման
 Հրեղեն ու բորբ
 Մի ցայգածաղիկ...
 Ախ, իմ հայրենիք,
 Անապատները նետեցին վրադ,
 Որ դու չծաղկես...
 Ու հիմա հեռվից,
 Այս անապատից
 Նայում եմ ես քեզ,
 Ես քեզ եմ նայում, իմ հին տառապանք,
 Ես քեզ եմ նայում, դարավոր իմ խաչ,
 Եվ մահվան մթին այս անապատում
 Ես ծնկաչոք եմ
 Քո ծաղկի առաջ...



ԷԴՈՒԱՐԴԱՍ ՄԵԺԵԼԱՅՏԻՍ

ՀԱՏՎԱԾ «ԱՐԱՐԱՏԻ ՀԱՆԴԵՊ» ՇԱՐՔԻ «ՔԱՐԸ» ԲԱՆԱՍՏԵՂԾՈՒԹՅՈՒՆԻՑ

Ես, որ քար էի,
Արյունոտվեցի,
Խաղացի մի դեր, որ ողջ աշխարհում
Դեռ չէր վիճակվել խաղալ ոչ մեկին:
Եվ հեղինակն այդ սև ողբերգության
Հանձարեղ էր, քան Չինգիսխանն ինքը...
Եվ հեղինակն այդ սև ողբերգության,
Որի անունն է «ցեղասպանություն»,
Սուպեր դահիճն էր,
Եվ նույն ժամանակ
Սուպերճորտն էր նա իր նյութած մահվան...
Եվ թող դարեդար անիծված լինի...

Եվ ես մնացի այդպես արյունոտ,
Եվ ես մնացի այդպես բզկտված,
Եվ ես մնացի այդպես ցիրուցան,
Սակայն մնացի,
Սակայն մնացի...

Չայնով մայրերի ու մանուկների,
Սերմնացանների, բանաստեղծների,
Ես անիծեցի ցեղասպաններին,
Ես առամներս սեղմեցի ամուր,


Ամուր, շատ ամուր ու դարձա ամուր,
Առավել ամուր, քան էի առաջ:
Եվ իմ քնարի քաղցր մեղեդին
Վերածվեց քարե ահեղ մեղեդու,
Ու երգում եմ ես.

Քար է ոգիս
Ու կամքս՝ քար,
Պիտի ապրեմ
Ես դարեդար...

Ողջ աշխարհում քիչ կան պատեր,
Որ նմանվեն ոգուս պատին,
Ես հույսով եմ նայում անվերջ
Իմ սրբազան Արարատին:

Թեև բախտն իմ շատ էր դաժան,
Բայց մնացել եմ ես անեղծ.
Քանզի քար եմ ես անսասան,
Քանզի քար եմ և բանաստեղծ...





ԲԱԲԿԵՆ ՍԻՄՈՆՅԱՆ

ԱՆԻԻ ԱՎԵՐԱԿՆԵՐԻ ԱՌՋԵՎ

Ես այսօր տեսա ավերակները,
Ավերակները մեր հին Անիի
Սիրտս ու հոգիս ավերակ դարձան,
Թրջվեցին աչքերս արցունքով աղի:


Ես այսօր տեսա արցունքոտ քարեր
Ու տեսա քարեր տառապանքով լի:
Ես տեսա արյուն, ես տեսա ավեր
Ու հեծկտում էր հողը Անիի:

Անին մոտ էր ինձ ու այնքան հեռու,
Անին՝ արցունքոտ, Անին՝ սգավոր,

Աչքով ես միայն գրկեցի Անին,
Շղթայված էին ճամփեքը բոլոր:

Անին վիրավոր կռուների նման,
Փռվել էր գետին, ողբում էր ասես,
Անին՝ մայր լքված ու անօգնական,
Որդոց աչքի մեջ, երկնի պես անհաս:


Իրիկնանում էր: Նիրհում էր Անին,
Նիրհում էր, ասես, հողը դարավոր,
Իսկ ես որբացած, իսկ ես վշտահար,
Աչք չէի կտրում հողից մենավոր...




ՄՇԱԿՈՒԹԱՅԻՆ ԵՂԵՌՆԸ



ԱՆԻՒ ՄԱՅՐ ԵԿԵՂԵՑԻ



ԽժԿՈՆՔԻ ՎԱՆՔԸ, 1905 թ.



ԽՇԿՈՆՔԻ ՎԱՆՔԸ, 1980 թ.

ԱՆՊԱՐՏԵԼԻ ԿԱՄՔՈՎ ԵՎ ԳՈՅԱՏԵՎԵԼՈՒ ՎՃՌԱԿԱՆՈՒԹՅԱՄԲ

70 տարի առաջ քաղաքակրթության դահիճները ձեռնամուխ եղան իր աստվածաշնչական հողում ծվարած մի հին, մի հաշտ ժողովրդի բնաջնջման հրեշավոր գործին: Առաջին համաշխարհային պատերազմը հայաստանի օրագիրն իրագործելու ամենահարմար միջազգային իրադրությունն էր ստեղծել բիրտ օսմանցիների համար:

ԺԹ դարի վերջին և Ի դարի սկզբին եվրոպական տերությունների խոստումները վարդապույն հույսեր էին հուշում դարեր շարունակ պատմության կեռնաններում դառնության բաժակը ցմրուր ըմպած հայ ժողովրդին: Սակայն մեծ տերությունները շատ շուտ մոռացան տրված խոստումները. նրանք իրենց հաշիվներն ունեին, ինչ փույթ, որ դրանց հորձանուտում կնահատակվեր ամբողջ մի ժողովուրդ, միակը, որ ոչ մի մեղք չուներ վերահաս պատերազմի սանձազերծման գործում:

Տերությունների հակասությունները հանգեցրին թեղանոթների որոտին, որը ճակատագրական դարձավ հայ ժողովրդի համար: Երկու մրցակից խմբակցությունների միջև 1914 թ. օգոստոսի 1-ին պայթեց համաշխարհային առաջին պատերազմը՝ աշխարհի վերաբաժանման, գաղութային թալանի, ժողովուրդների ստրկացման ու կեղեքման համար: Պատերազմի սանձազերծման գլխավոր հանցագործը կայսերական Գերմանիան էր: Մեղսակից էին նաև Անգլիան, Ֆրանսիան, ԱՄՆ-ը, ցարական Ռուսաստանը, ձապոնիան, Թուրքիան և ուրիշ երկրներ:

Պատերազմը պատ տարձակեց թուրք ղեկավարության ոճրապարտ ձեռքերը՝ հայ ժողովրդի հառաչը արյան ճապաղիքների մեջ խեղդելու համար: Ներկայացած առիթը ավելի քան հարմար էր: Անօգնական մնացած հայության ճիշդ խլացավ հրանոթների որոտից:

Սկսված համաշխարհային պատերազմը առարկայական հիմք դարձավ իրականաց-

նելու ժամանակակից ամենադժիճ ցեղապանությունը «քաղաքակիրթ» մարդկության անտարբեր աչքերի առաջ: Առարկայական հանգամանքները ծնունդ տվեցին և ոճրագործների՝ Թալեթ, Էնվեր, Ջամալ, Նապիմ բեյ:

Ահավոր այդ պոգադրումը՝ հանգեց 1915 թ. հայոց Մեծ եղեռնին: Դեռ շատ վաղուց թուրքերի գերիշխանության տակ գտնվող հայն անապահով էր իր պապենական դարավոր հարկի տակ: Արևմտահայության տառապանք կյանքում կոտորածներն առօրյա երեվոյթներ էին: Դրությունը սակայն առավել աղետալի դարձավ ԺԹ դարի վերջին և Ի դարի սկզբին՝ արյունախում Սուլթան Համիդի օրոք, որը հայության հանդեպ իր ունեցած ամենաանհեթեթ կասկածն անգամ փորձում էր փարատել կոտորածներով: Դրա պերճախոս վկայությունը Սասունի և Ադա-նայի կոտորածներն էին:

1890-ական թթ. կոտորածներ եղան նաև Պոլսում, Ուրֆայում, Կարինում, Շապին-Գարահիսարում, Ակնում, Մալաթիայում, Արաբկիրում, Սեբաստիայում, Մարաշում, Տիգրանակերտում, Այնթապում, և այլ քաղաքներում: Քաղաք-անունների այս թվարկումից իսկ պարզ է, որ ամբողջ Արևմտյան Հայաստանում և Թուրքիայում գրեթե չմնաց հայաբնակ և ոչ մի վայր, որտեղ չթափվեր անմեղ հայի արյունը: Այդ կոտորածներին կոհ գնաց մոտ 300 հազար հայ: Կսկիծը մեծ էր: Այստեղ մարտիրոսացած բանաստեղծի կարկամած ջրթունքները մրմնջում էին՝ «Կոտորած, կոտորած, կոտորած, քաղաքներեն ներս և քաղաքներեն դուրս»:

Արյունոտ Սուլթանի նպատակը պարզ էր՝ օսմանավարի, հրի ու սրի միջոցով լուծել հայկական հարցը: Անլուր կեղեքումներից և ի սպառ բնաջնջումից փրկվելու համար հայերը հաճախ ստիպված էին դիմել ինքնապաշտպանության: 1890-ական թվականներին ինքնապաշտպանության փայլուն օրի-



Սիմանթոն և Ավետիք Իսահակյանը

նակ տվեցին արծվաբույն Չեյթունի քաջարի բնակիչները: Ավելի քան երկու ամիս մի բոռ վեյթունցիներ դյուցազնական մարտեր մղեցին թուրքական տասնապատիկ ուժերի

դեմ, ամեն տեսակ կրկանքներ կրեցին, բայց մնացին անընկճելի. «եղեգները չխոնարհվեցին»:

Չեյթունի օրինակին հետևեց Վանը: Ինք-

նման վերածնունդ էր ու վերակենդանանում, հանուր աշխարհին ապարարելով գոյատևելու, ապրելու իր իրավունքը:

Վիկտոր Հյուգոն, նկարագրելով Հունաստանում 1821 թ. թուրք հրոսակների գործած ավերածությունները, «Հույն Մանուկը» բանաստեղծության առաջին տողում գրում է. «Թուրքն է անցել այստեղից», ամեն ինչ հասկանալի է. նշանակում է՝ իպոտ է այստեղ կյանքի նշույլ փնտրելը:

Այս բոլորը, սակայն, նսեմանում են 1915 թ. վարհուրելի եղեռնի առաջ, երբ սև ձյուն իջավ մեր Մասիսներին:

Համաշխարհային պատերազմի նախօրյակին Թուրքիայում իշխանության գլուխ անցած իթթիհատական երիտթուրքերը դժգոհ էին սուլթանական կարգերից: Նրանք դժգոհ էին համիդյան վարչակարգից ոչ թե նրա բռնակալական ոգու, այլ «մանր ջարդերով» սահմանափակվելու համար: Երիտթուրքերին չէին բավարարում մինչ այդ կազմակերպված պարբերական կոտորածները Արևմտյան Հայաստանում: Նրանք հղացան հայկական տարրը իսպառ բնաջնջելու դիպլին ծրագիրը: Սուլթանի մեծ վեպիրը դեռևս 1870-ական թթ. գրում էր. «Ուստի հայերի բնաջնջման սուրբ նպատակին հասնելու համար պետք է, և պետական իրավունքը պահանջում է, որ արևել կասկածելի տարր անհետ կորուստի մատնենք, որպեսզի ապագան ապահովվենք. ուրեմն այդ հայ ազգը պետք է վերացնել, անհետ անելու: Եվ այդ գլուխ բերելու համար մեզ ոչ մի բան չի պակսում. ամեն գործիք պատրաստ ունենք. կոտակալ, դատավոր, հարկահան, ոստիկան, վերջապես ամեն ինչ. կրոնական պատերազմ կհայտարարենք և դյուրին պատերազմ, այնպիսի մի ազգի դեմ, որ ոչ վենք ունի, ոչ փնվորություն»:

Սա պանթուրքիստական քաղաքականության նախերգանքներից մեկն էր:

Նույն ոճրապարտ մտքին հանգեցին իթթիհատական ղեկավարները 1915 թ. գումարած իրենց գաղտնի խորհրդակցությունում, որտեղ նրանց ղեկավարներից Նալիմ բեյը այդ ասպարեկում երիտթուրքերի վարելիք քաղաքականությունն ավելի որոշակի է ձևակերպել. «Եթե այս (իմա՝ հայերի) մաքրագործումը վերջնական և ընդհանուր պիտի չլինի, օգուտի տեղ վնաս է անալալման. ատեք է, որ հայ ազգը արմատախիլ լինի, մեր հողին վրա մի հոգի անգամ չմնա, հալ անունը մոռացվի: Հիմա պատերազմի մեջ ենք, արանհից հարմար առիթ չի գտնվի, մեծ անտույանեզ միջամտությունը և թերթեռու ռոտոքի ձայնը նկատելի հսկ չի կարող լինել: Եթե նույնիսկ լինի, հնդիրը կատարված իրողություն կդառնա և կփակվի»: Ոչ թուրք

ազգերի ինաջնջումը իթթիհատականները դիտում էին իբրև իրենց «նպատակը և ծրագիրը»:

1915 թ. ապրիլի 15-ին իթթիհատական կոմիտեն կազմեց հայերի զանգվածային տեղահանության ու ոչնչացման հետևյալ անդռք հրահանգը. «Որևէ հաշտության սեղանի վրա, որևէ ձևով հայկական հարցի դրվելը կանխելու համար, օգտվելով պատերազմի մեզ ընձեռած անկախությունից, որոշեցինք վերջնական հաշվեհարդարի ենթարկել այն, բնաջնջելով անհարապատ այդ տարրերը, թշվով նրանց դեպի Արաբիայի անապատները, համաձայն տրված մեր գաղտնի հրահանգի»:

Պակաս վարհուրելի չէր այդ հրահանգի շարունակությունը, որը հայրենիքի և կրոնի թշնամի էր համարում և գերագույն պատիժ սահմանում այն բոլոր թուրքերին, որոնք կխուսափեն հրամանը կատարելուց և թեկույ մի հայի պաշտպանելու կամ պատսպարելու փորձ կանեն: Իթթիհատական եռյակի ստորագրությունը կրող այս սև հրահանգը անձնական բնույթի գրություն չէր, այլ պետական օրենքի ուժ ունեցող պաշտոնական կարգադրություն, հայ ժողովրդի ցեղաջնջումը նախապատրաստող նողկալի մի փաստաթուղթ:

Այս հրահանգից հետո սև եռյակը կազմում է անմիջական գործողության որոշակի ծրագիր, որի էությունը հետևյալն էր.

1) Փակել բոլոր հայ ընկերակցությունները, ձերբակալել նրանց ղեկավարներին և աքսորել Մուսուլի ու Բաղդադի շրջանները և ոչնչացնել ճանապարհին:

2) Որևէ դիմադրություն անհնարին դարձնելու համար նախապես հայերի մոտից հավաքել բոլոր տեսակի զենքերը:

3) Թուրք բնակչության մեջ բորբոքել խլամի մոլուցքը:

4) Բնաջնջել 50 տարեկանից ցած հայ տղամարդկանց, իսկ երեխաներին պահել՝ իսլամացնելու համար:

5) Տարբեր պատրվակներով պետական բոլոր պաշտոններից հեռացնել հայ պաշտոնյաներին:

6) Թուրքական բանակում գտնվող հայերին ոչնչացնել:

7) Գործողություններն սկսել ամենուրեք միաժամանակ, որպեսզի հայերին հնարավորություն չտրվի ինքնապաշտպանության դիմելու:

8) Գործողությունների այս ծրագիրը պահել խիստ գաղտնի:

Սև-մութ ամպեր էին կուտակվում հայոց երկնակամարում: 1915 թ. ապրիլի 24: Գարնան կեսին ձյուն մաղվեց հայերի գլխին: «Գարուն ա, ձուն ա արել»:

սկսեց իր նախճիրը: Գործի դրված պետական ահավոր մեքենան որոշել էր բոլոր միջոցներով սկզբից ևեթ անգլուխ թողնել արևմտահայությանը: Միայն պոլսահայ գաղութը զրկվեց ավելի քան 600 հայ մտավորականներից: Դահճի մոլեգնությանը զոհ գնաց Դանիել Վարուժանի, Սիամանթյոյի, Ռուբեն Սևակի, Թվկատինցու, Նրուխանի, Ռուբեն Չարդարյանի քանքարը: Հարվածի ահագնությունը չդիմացավ Կոմիտասյան հանձարը և... խախտվեց: Նույնիսկ երեսփոխանական անձեռնմխելիության իրավունքը չփրկեց Գրիգոր Չոխրապին, դոկտոր Տաղավարյանին, Վարդգեսին և մյուսներին:

Հայ մշակույթի այս ականավոր ներկայացուցիչներին թուրք ոստիկանները տարբեր ուղղություններով քշեցին աքսոր: Ճանապարհին նրանց գազանաբար հոշոտեցին: Այդ օրերին քաղաքների հրապարակները կախաղանների անտառի վերածեցին:

Ապրիլի 24-ը աղետների սկիզբն էր միայն: Դրանով բացվում էր սարսափների այն ամբողջ շղթան, որ իթթիհատականները շուտով շղթայապնդեցին: Երբ արդեն արևմտահայությունը գլխատված էր, զրկված իր ղեկավարներից, թուրք կառավարողները ձեռնամուխ եղան հայերի բնաջնջման հիմնական գործին, որի կարևորագույն օղակը հայերի տեղահանությունն էր և աքսորումը իրենց պապենական երկրից: Տեղահանությունն սկսելուց առաջ երիտթուրքերը անհրաժեշտ համարեցին հայերի մոտ եղած բոլոր տեսակի վեճերը հավաքել, հավանական որևէ դիմադրություն կանխելու համար: Այս գործողությունները ևս թուրք կառավարողները իրագործեցին անլուր խոշտանգումների միջոցով:

Արևմտահայության տեղահանության առերևույթ պատրվակը՝ Թուրքիայի սահմանամերձ գոտիներից հայկական տարրը հեռացնելն էր, իսկ դրա պաշտոնական նպատակ հայտարարվեց՝ Բաղդադի երկաթգծի կառուցման շրջանը բնակչությամբ և աշխատող ձեռքերով ապահովելը: Հայաբնակ բոլոր վայրերը համարվեցին սահմանամերձ... Տեղահանված հայերը չհասան Բաղդադի երկաթգծի կառուցման շրջանը, քանի որ Թալեթը իր ստորադրյալներին և բոլոր պաշտոնյաներին հրամայել էր. «Հայերի համար Թուրքիայի հողի վրա ապրելու և աշխատելու իրավունքը ամբողջովին ջնջված է: Կառավարությունը, ստանձնելով ամբողջ պատասխանատվությունը, հրամայում է՝ չխնայել նույնիսկ օրորոցի մանուկներին»:

Իրենց բնակավայրերից տեղահանվեցին և խումբ առ խումբ դեպի արաբական անապատները քշվեցին ավելի քան երկու միլիոն հայ: Տեղահանվածները ճանապարհին են-

թարկվում էին քստմանի խոշտանգումների: Պակասը լրացնում էին քաղցը, ծարավն ու հիվանդությունները, հնձելով տառապալիներին, որոնց փոքր մասը միայն հասավ Դեր-Չորի կիպիչ անապատները՝ այնտեղ իր անթաղ գերեզմանը գտնելու համար: Եղեմական հայրենի Եփրատն ու Տիգրիսը ծածկվեցին անմեղ հայերի դիակներով:

Համաշխարհային պատմությանը մինչ այդ հայտնի բոլոր խժոժությունները՝ Սարգոսից մինչև Չինգիս խան ու Լենկթեմուր, խունանում են Իդարի վանդալների կատարած ոճրագործությունների առաջ: Այդ ճշմարտությունը նշել է նաև պատերազմի տարիներին Թուրքիայում ամերիկյան դեսպան Հենրի Մորգենթաուն. «Ես համոզված եմ, որ տիեզերական պատմության մեջ ավելի վարիտների դրվագ չկա, քան հայկական ջարդերը: Անցյալ ժամանակների մեծ հալածանքները գրեթե աննշան են թվում այն տառապանքների մոտ, որ հայ ազգը կրեց 1915 թվականին»:

Աղետն ահավոր կլինեք, եթե հայ ժողովուրդը Գողգոթայի և մարտիրոսության այդ օրերը պատմությանը հանձնեք միայն ողբ ու լացով: Երբ արդեն դանակը ոսկորին էր հասել և իր ամբողջ ահավորությամբ Կայի առաջ ծառացավ լինել-չլինելու հարցը, Ավարայրով անցած մեր ժողովուրդը, որը քաջ գիտեր, թե ինչպե՞ս մահը անհաղթություն է, արդարացի ընդվզումի պոռթկումներ ունեցավ: Վերջնական բնաջնջման դեմ հանդիման, մի շարք քաղաքներում և գյուղերում հայերը դիմեցին պինված ինքնապաշտպանության: Սա կենսական անհրաժեշտություն էր, գոյամարտ, մաքառում ցեղաջնջման դեմ:

Առաջինը շարժվեց Վասպուրականը, Վան քաղաքով: Այստեղ հայերը մոռանալով իրենց կուսակցական տարաձայնությունները, միավորվեցին և ստեղծեցին ինքնապաշտպանության կոմիտե և պինվորական մարմին: Վանը վերածվեց ռազմական ճամբարի: Տղամարդիկ, կանայք, երեխաներ մի մարդու պես կենաց և մահու կռվի դուրս եկան անարգ թջնամու դեմ:

Ամբողջ մի ամիս Վանի կուսակալ Ջևդեդ փաշան բազմահազար զորքով կատաղի գրոհներ ձեռնարկեց Վանը պաշտպանողների վրա, բայց քաջարի վանեցիները, տուկալով ամեն տեսակի զրկանքներին, ոչ մի թիպ հող չպիչեցին թշնամուն: Միաժամանակ ինքնապաշտպանական ուժեղ մարտեր տեղի ունեցան Շատախում, Արճեշում, Հայոց Չոռում և այլուր: Վանի հերոսական պաշտպանությունը պսակվեց փայլուն հաղթանակով: Ջևդեդ փաշան խայտառակ պարտություն կրեց և փախավ Բիթլիս: Մարտի 19-ին ռուսական զորքերը և Կայ կամավորական խմբ-

բերը մտան Վան: Վանի և Վասպուրականի հայերը փրկված էին:

Վանի ինքնապաշտպանությունը տասպալեց Վասպուրականի հայերին տեղահանելու և կոտորելու երիտթուրքերի ծրագրերը: Դա ոգեշնչեց և պայքարի հանեց արևմտահայ մյուս հատվածներին:

Ամբողջ 7 ամիս ինքնապաշտպանական մարտեր մղեց Տարոնի հայությունը: Քաջարի մշեցիներն ու սասունցիները կռվեցին մինչև վերջին ջունջը:

Ուրթի կանգնեց հերոս Անդրանիկի ծննդավայր Շապին-Գարահիսարը իր մի բուռ քաջերով: Կռիվն անհավասար էր: 27 օրվա հերոսական մարտերից հետո ընկավ Շապին-Գարահիսարը, որի պաշտպաններն, ասում էին. «Մեռնելու երկու ձև կա, պատվով և անպատվով: Թող աշխարհն ասի, թե շապին-գարահիսարցիք պատվով մեռան»:

Ինքնապաշտպանության փայլուն օրինակ ցույց տվեց Ուրֆան, մեն-մենակ ծառանալով դահիճների դեմ, դյուցապետաբար ցույց տվեց սերունդներին, թե մարդկանց համար պարհուրելի չէ թիվը, եթե նրանց հոգում բռնկվել է սրբապան խենթությունը՝ անձնվեր հայրենասիրությունը:

Ինքնապաշտպանական այս կռիվներին արձագանքեց հայրենիքից կտրված, Միջերկրականի ավերին գտնվող Սվեդիան՝ Մուսա լեռը: Ֆրանց Վերֆելի գրիչը ամբողջ քաղաքակիրթ աշխարհի առաջ հռչակեց մի բուռ սվեդիացիների 40-օրյա դյուցապետամարտը: 40 օր նրանք կռիվ մղեցին գերազանց ուժերի դեմ, մինչև որ ֆրանսիական ռազմա-նավերը նրանց Պորտ Սահլ փոխադրեցին, և Մուսա լեռը պատմության գիրկն անցավ իբրև մեկն այն հպարտություններից, որոնցով ոգևորվում են սերունդները, ամուր կառչելու համար հայրենի սրբություններին:

Արյունից չհագեցած թշնամին փորձեց ասորիյան մի նոր եղեռնի ճապաղիքներում վերջնականապես խեղդել հայության վերջին մնացորդացը՝ արևելահայությունը:

Ամեն կողմ նորից արյուն, նորից կոտորած, թշվառություն, մահ, բայց և մաքառելու, ապրելու և հավերժելու վճռականություն. Սարդարապատի հերոսամարտը՝ կասեցրեց ահեղ թշնամու առաջխաղացքը և ձախողեց նրա նպատակը: «Ընդ եղեգան փող բոց ելաներ»: Ու ծնվեց նոր Վահագնը մեր արյան ծովից, մեր նահատակության բոցերից հուր հեր և «արեգակ աչկունք» ունեցող նորամանուկը՝ Սովետական Հայաստանը:

Այդ ծանր, օրհասական պահին եղբայրական օգնության ձեռք մեկնեց ռուս մեծ ժողովուրդը: Դանդաղ, բայց աստիճանաբար պայծառացավ հայոց երկինքը: Ի հեճուկս

բոլոր ջարդարարների, սկիպը դրվեց մեր ազգային վերածնունդին: Փարատվեց մղդձավանջը և բացվեց հուսալից լուսաբացը հայոց աշխարհում՝ խաղաղության, ապահովության, առաջադիմության լուսաբացը:

Հայ ժողովուրդը նոր կյանքի կոչվեց իր ծվատված հայրենիքում. ծիծեռնակը վերաշինեց իր բոյնը հայրենի կոտորի տակ, կռունկները տուն դարձան, և կատարվեց մեծ հրաշքը: «Որբի ու ողբի» հայրենիքը փոխակերպվեց հույսի ու լույսի հայրենիքի, որն ահա 65 տարի է, ինչ փարոսի նման դեպի իրեն է ձգում աշխարհասփյուռ հայությանը:

Այս կարճ ժամանակամիջոցում Հայաստանը ավերի երկրից դարձել է հրաշքների երկիր, որին ի տես ամերիկացի նկարիչը բացականչում է. «Եթե ինձ հարցնեին, թե մեր մոլորակի վրա որտե՞ղ կարելի է առավել շատ հրաշքների հանդիպել, ես առաջինը կտայի Հայաստանի անունը»:

Եթե մեր հաջողություններն անկեղծորեն ուրախացնում են աշխարհի բոլոր աչնիվ մարդկանց, ապա իթթիհատականների հետ-նորդներին դրանք այսօր ավելի են կատա-ղեցնում: Նրանք տեսնելով, որ բիրտ ուժը անկոր եղավ աշխարհից ջնջելու համար հայ անունը, այժմ արդեն դիմում են հոգևոր պենքի: Թուրքական պատմագրությունն այժմ ձեռք է մեկնել մեր պատմությանը և փորձում է խեղաթուրել այն, սկսած հնագույն ժամանակներից մինչև մեր օրերը:

Մեր կարևոր խնդիրներից է անխնա մերկացնել թուրք պատմագրության այդ տեսա-կետները որտե՞ղ և ի՞նչ բնույթով էլ որ դըրանք երևան գան:

Մեր երկրում ձեռք բերված նվաճումները յուրաքանչյուր հայ մարդու սիրտը հիրավի լցնում են ազգային հպարտության զգացումով:

Այսօր, եղեռնից 70 տարի անց, պայծառ է վերածնված մեր ժողովրդի ներկան, էլ ավելի պայծառ է ուրվագծվում նրա ապագան:

Այսօր, մեր նորոգ հայրենիքում յուրաքանչյուրիս ազգօգուտ աշխատանքը մի հակահարված է արյունաբերու համաձուլարարներին և իրականացումը մեր նահատակների երապանքի, հանուն որի նրանք մարտիրոսացան:

Այո, իպուր չի անցել Ապրիլյան եղեռնի պոհերի թափած սուրբ արյունը: Հայ ժողովրդի համար նվիրական է միշտ մեր նահատակների խնկելի հիշատակը երեկ, այսօր և վաղը:

Հավերժ հիշատակ մեր բյուր-բյուրավոր նահատակներին:

Ա. ԿՐԿՅԱՇԱՐՅԱՆ



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ
ԳԵՐԱԾՆՈՐՀ Տ. ԳՆԷԼ ԵՊԻՍԿՈՊՈՍ ԾԵՐԵԾՅԱՆԻՆ
ԱՐՔՈՒԹՅԱՆ ՊԱՏԻՎ ԾՆՈՐՀԵԼՈՒ ՄԱՍԻՆ

ԳԵՐԱԾՆՈՐՀ Տ. ԳՆԷԼ ԵՊԻՍԿՈՊՈՍ ՃԵՐԷՃԵԱՆԻՆ
ԲԱՐԵՋԱՆ ՔԱՐՈՋԻՉԻՆ ՍՈՒՐԲ ԳԵՈՐԳ ԵԿԵՂԵՑԻՈՅ
ՀԱՐԱՋԱՏ ՈՐԴԻՈՅ ՄԱՅՐ ԱԹՈՒՈՅ ՍՐԲՈՅ ԷՋՄԱԾՆԻ
ՈՂՋՈՅՆ ՀԱՅՐԱԿԱՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

ՊԵՂՈՒՄ

Քարին Աստուած Իր լուսապսակ հովանիին տակ ջեն ու պայծառ կը պա-
հէ մեր եկեղեցիները, որոնք մշտապէս Սուրբ Հոգւոյ կենարար շնորհները կը
բաշխեն իրենց սուրբ Սեղաններէն մեր հաւատացեալ ժողովուրդին ի Հայաս-
տան և ի սփիռն աշխարհի:

Մենք հոգեպէս մխթարուած ենք, որ մեր եկեղեցիները, հայ հաւատա-
ցեալ ժողովուրդի ծոցին մէջ իրենց այս առաքելութիւնը ի կատար կ'ածեն,
մանաւանդ նուիրեալ հոգեջէն վերատեսչութեանը ներքև մեր բարձրաստիճան
եկեղեցական սպասաւորներուն:

Սիրելի Սրբապան, Դուք ևս կը պատկանիք մեր եկեղեցւոյ նուիրեալնե-
րու հոյլին, շուրջ կէտարեայ Ձեր եկեղեցանուէր ու մանկավարժական կրթա-
կան գործունէութեամբ, մշտանորոգ եռանդով և անվարան հաւատարմութեամբ
Մայր Աթոռիս հանդէպ, գնահատուած և սիրուած տեղւոյդ Սուրբ Գեորգ եկե-
ղեցւոյ համայնքի, ինչպէս և համայն մեր հաւատացեալ ժողովուրդին կողմէ:

Արդ, Ձեր ծննդեան եօթնամյակամեակի առթիւ, ջերմապէս գնահատելով բազում տարիներու Ձերդ Սրբազնութեան հոգեջէն ու ազգանուէր ծառայութիւնները, այլև ընդառաջելով Սուրբ Գեորգ եկեղեցւոյ յարգարժան թաղականութեան խնդրանքին, սոյն Մեր հայրապետական կոնդակով Ձեզի կը շնորհենք ԱՐԺՈՒԹԵԱՆ պատիւ, սրտեռանդ աղօթքով, որ Տէրը Ձեզի շնորհէ ևս բազում տարիներ քաջառողջութեամբ, ջարտնակելու համար Ձեր առաքելութիւնը մեր հաւատաւոր ժողովուրդի ծոցին մէջ, Ձեզի յատուկ խանդավառ սըրտով և ոգեջնչումով:

«Հսկեցէք, հաստատուն կացէք ի հաւատս, ժրացարուք, կօրացարուք: Ամենայն ինչ ձեր սիրով եղիցի» (Ա Կորնթ. ԺԶ 13): Ամէն:

Կարգիս

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ կոնդակս ի 29 Յունուարի
1985 Փրկչական ամի,
եւ ի տունարիս Հայոց ՌՆԴ
ի մայրավանս Սրբոյ Էջմիածնի:
Հմր. 1342





ՎԵՀԱՓԱՌ ՀԱՅՐԱՊԵՏԻ ԾԵՈՐՀԱՎՈՐԱԿԱՆ ՀԵՌԱԳԻՐԸ
ՌՈՒՄԻՆԱՀԱՅ ՆԿԱՐԻՉ ՀՐԱՆԴ ԱՎԱԳՅԱՆԻՆ՝
ԾՆՆԴՅԱՆ ՈՒԹՍՈՒՆՀԻՆԳԱՄՅԱԿԻ ԱՌԹԻՎ

ՀՐԱՆԴ ԱՎԱԳՅԱՆ*

Բուխարեստ, Ռումինիա

Սրտանց կշնորհավորենք Ձեր կյանքի ութսունևհինգ տարիները և Ձեզի կյանքին Մեր ամենաջերմ գնահատանքն ու օրհնությունը Ձեր վաստակին՝ նվիրված նկարչական արվեստին: Տասնամյակներ շարունակ վրձինը Ձեր մաքուր ձեռքին ստեղծեցիք գույներու ինքնուրույն նոր աշխարհի մը, Ձեր աշխարհը՝ արտահայտությունը Ձեր ներաշխարհին, Ձեր հույսերուն, Ձեր հոգևույն բարի ու խաղաղ պատկերին:

Սուրբ Էջմիածին Ձեր նվիրած բազմաթիվ գեղանկարները Մեր օրերուն և գալիք ժամանակներուն բոլորին պիտի բաշխեն Ձեր գույներուն լույսերը, թովչությունը և երազները: Ձեզի, վարպետ Հրանդ, կմաղթեմ կենաց նոր եռանդ, նոր ներշնչանք՝ շարունակելու գեղեցիկին ծառայելու Ձեր ապնիվ առաքելությունը:


Մեր օրհնությունը Ձեզի և Ձեր անպուգական քրոջ՝ օրիորդ Բեաթրիսին, պահապան հրեջտակը Ձեր կյանքին:

«Ողջ լերուք պօրացեալ Սուրբ Հոգով»: Ամեն:

Վ Ա Ջ Գ Ե Ն Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Էջմիածին,
26 մարտ 1985 թ.

* Հրանդ Միրանի Ավագյանը ծնվել է Միրանի Հալեպ քաղաքում, 1900 թ. մարտի 29-ին: Նախնական կրթությունը ստացել է տեղվույն Ներսեսյան վարժարանում և գերմանական լիցեյում: 1920 թ. տեղափոխվել է Ռումինիա և մշտական բնակություն հաստատել Բուխարեստում: Այստեղ նա պարարտ հող գտավ զարգացնելու իր նկարչական կարողությունները, և հատկապես աշակերտելով մեծանուն նկարիչ և ակադեմիկոս Ժ. Ա. Ստերիադին՝ աճեց իբրև ինքնուրույն գունային զգացողություն, հարուստ ներաշխարհի և խորունկ մտածողություն ունեցող տաղանդավոր նկարիչ: Մի քանի անգամ եղել է Հայաստանում և ունեցել երկու անհատական ցուցահանդես: Հայաստանում նույնպես ստեղծել է հայկական բնաշխարհի գողտրիկ նկարներ: Մեծ է Հրանդ Ավագյանի վաստակը նաև ռումինական հին նկարների վերականգնման ջնտրակալ աշխատանքում:



ՎԵՀԱՓԱՌ ՀԱՅՐԱՊԵՏԻ ՈՒՂԵՎՈՐՈՒԹՅՈՒՆԸ ՓԱՐԻՋ

Սույն թվականի փետրվարի 22-ից մինչև մարտի 9-ը Նորին Սուրբ Օծություն Ս. Տ. Վապգեն Ա Ամենայն Հայոց Վեհափառ Հայրապետը ոչ պաշտոնական այցով եղավ Փարիզում: Այս առթիվ Հայոց Հայրապետին ուղեկցում էին Արարատյան հայրապետական թեմի առաջնորդական փոխանորդ Ս. Գարեգին եպիսկոպոս Ներսիսյանը և Մայր Աթոռի միաբան Ս. Ասողիկ արքեպսկոպոսը:

Փարիզի հայոց առաջնորդարանում Ամենայն Հայոց կաթողիկոսը հանդիպում ունեցավ Փարիզի հայոց Կրոնական Ընկերակցության և Ներկայացուցչական Ժողովի մի շարք պատասխանատու անդամների հետ՝ գլխավորությամբ Փարիզի հայոց առաջնորդ Ս. Գյուտ եպիսկոպոս Նազգաշյանի: Հանդիպման ընթացքում տեղի ունեցավ մտքերի փոխանակություն ֆրանսահայ թեմը նոր կանոնադրությամբ օժտելու հարցի շուրջ: Առավել հստակվեցին ֆրանսահայ թեմի վերակազմակերպման, նրա ղեկավարման սկզբունքների հետ կապված որոշ հարցեր: Թեմական նոր կանոնադրության նախագծի կապակցությունն ընթացքի մեջ է: Կանոնադրության պատրաստման համար ստեղծված է հատուկ ինստիտուտ, որի մեջ ընդգրկված են ֆրանսահայ մի շարք իրավագետ ապգայիներ:

Վերոհիշյալ հարցի շուրջ հանդիպում և խորհրդակցություն տեղի ունեցավ նաև Վեհափառ Հայրապետի և Լիոնի շրջանի հայ եկեղեցական վարչության անդամների միջև, որոնք Փարիզ էին ժամանել՝ գլխավորությամբ Ս. Նորվան եպիսկոպոս Չաքարյանի:

Ամենայն Հայոց Հայրապետը հնարավորություն ունեցավ նաև զբաղվելու Փարիզում «Չայն Եկեղեցվո» անունով Հայ Առաքելական Եկեղեցու կրոնական մի պարբերաթերթ հրատարակելու ծրագրի իրականացման հարցով: Այդ նպատակով կազմված հանձնաժողովի անդամները, Ս. Գյուտ եպիսկոպոսի գլխավորությամբ, խորհրդակցական մի հանդիպում ունեցան Վեհափառ Հայրապետի հետ:

Փետրվարի 28-ին Փարիզում Հայոց Հայրապետը ընդունեց այցելությունը Վենետիկի Մխիթարյան Միաբանության ներկայացուցիչների, որոնք Ամենայն Հայոց կաթողիկոսին հանձնեցին միաբանության Ընդհանուր Աթոռակալ Հայր Բարսեղ վարդապետ Չեպիճյանի ընդարձակ գեկուցագիրը Ս. Ղազար վանքի տնտեսական ներկա տազնապալի վիճակի մասին: Այս մարտի 7-ին Վեհափառ Հայրապետին այցելեցին Մխիթարյան Միաբանության «Օժանդակ Մարմնի» մի շարք անդամներ՝ գլխավորությամբ Հայր Ռաֆայել վարդապետի և «Օժանդակ Մարմնի» նախագահ պր. Վահե Յազմատարյանի, որոնք Հայոց Հայրապետին մանրամասն տեղեկություններ հաղորդեցին ֆինանսական այն ծանր կացության մասին, որին ենթարկված է այժմ միաբանությունը: Այս առիթով Մխիթարյան Միաբանության և «Օժանդակ Մարմնի» ներկայացուցիչները խնդրեցին Ամենայն Հայոց Հայրապետին, որ իր բարձր հեղինակությամբ իր բարոյական նպաստը բերի ստեղծված տնտեսական տազնապի բարվոք լուծմանը: Նորին Սրբությունը, բաժանելով միաբանության վիշտը, պատրաստակամություն հայտնեց հնարավորության սահմաններում օգտակար լինելու:

Մարտի 3-ին, կիրակի օրը, Վեհափառ Հայրապետը Փարիզի հայոց Ս. Հովհաննես Մկրտիչ Մայր եկեղեցում ներկա եղավ սուրբ պատարագի արարողությանը և արտասանեց հոգեշնչեմ մի քարոզ ի մխիթարություն եկեղեցում հավաքված խումբներում հայ հավատացյալների:


Փարիզում գտնվելու օրերին Հայոց Հայրապետը հանդիպումներ և տեսակցություններ ունեցավ հայ եկեղեցական համայնքների, հասարակական գործիչների, ինչպես նաև «Յառաջ» օրաթերթի խմբագիր Արփիկ Միսաքյանի և «Աշխարհ» թերթի ներկայացուցիչ Արտավազդ Պերպերյանի հետ:

Փետրվարի 28-ին Վեհափառ Հայրապետը ընդունեց այցելությունը Լոնդոնից ժամանած Անգլիայի հայոց թեմակալ առաջնորդ Տ. Եղիշե եպիսկոպոս Կիպիրյանի՝ և Լոնդոնի հայոց Ս. Սարգիս եկեղեցու Խնամակալության նախագահ ձորձ Քյուրքճյանի և զրույց ունեցավ նրանց հետ եկեղեցական ընթացիկ հարցերի շուրջ:

Մարտի 2-ին Վեհափառ Հայրապետը ընդունեց նաև այցելությունը Նյու Յորքից իստուկ ժամանած Տիկին Լուիզ Սիմոնի, իսկ մարտի 4-ին՝ Բոմբեյի հայ համայնքի ներկայացուցիչ Տիկին Նվարդ Մեղայի:

Մարտի 11-ին Նորին Սրբությունը վերադարձավ Մայր Աթոռ:






ԱՍՏՎԱԾԱՇՆՉԱԿԱՆ ԸՆԿԵՐՈՒԹՅԱՆ ՆԵՐԿԱՅԱՑՈՒՑԻՉՆԵՐԸ ՄԱՅՐ ԱԹՈՌՈՒՄ


Մարտի 25-ից մինչև ապրիլի 2-ը Հին Կտակարանի արևելահայերեն թարգմանության աշխատանքների ընթացքին ծանոթանալու համար Մայր Աթոռ էին հրավիրվել Աստվածաշնչական Ընկերության Եվրոպական երկրների ներկայացուցիչ դոկտ. Յան Վաարդը, Աստվածաշնչական Ընկերության Մերձավոր Արևելքի ներկայացուցիչ վերապատվելի դոկտ. Մանվել Զինբաշյանը և Աստվածաշնչական Ընկերության Կենտրոնի աշխատակից Սամվել Եղնապարը:

Նրանք այդ մեկ շաբաթվա ընթացքում Աստվածաշնչի թարգմանական արվեստի վերաբերյալ գործնական խորհրդակցություններ ունեցան թարգմանիչների հետ: Նայվեցին և տեղում համեմատական ուսումնասիրության

ենթարկվեցին որոշ հատվածներ՝ թարգմանիչների անմիջական մասնակցությամբ: Մտքերի փոխանակությունը, հաճախ մեկ բառի խորագույն վերլուծությունը օգտակար դարձան՝ թարգմանիչների հետագա աշխատանքը ավելի արդյունավետ դարձնելու համար: Թարգմանությունը ավելի կատարյալ և անվրեպ տեսնելու համար՝ մշակվեցին որոշակի սկզբունքներ, որոնց Պիմնական նպատակն է հնարավոր չափով միասնականություն և ժամանակակից հնչեղություն հաղորդել նոր թարգմանությանը:

Նման հաճագործակցությունը անպայմանորեն կապահովի ցանկալի և որակյալ թարգմանություն:





ԱՎԱԳ ՇԱԲԱԹԸ ԵՎ ՓՐԿՉԻ ՀՐԱՇԱՓԱՌ
ՀԱՐՈՒԹՅԱՆ ՏՈՆԱԿԱՏԱՐՈՒԹՅՈՒՆԸ
ՄԱՅՐ ԱԹՈՒՌԻՄ

Քրիստոս յարեալ ի մեռելոց,
Մահուամբ զմահ կոխեաց,
Եւ Յարութեամբն Իւրով,
Մեզ զկեանս պարգեւեաց,
Նմա փառք յալիտեանս, ամէն:

Գարնանային կենսապարզ արեգակի շողերը առաջնորդեցին մեզ դեպի Իջման ա. սեղան՝ ուռնալու ուստերով, օվսաննաներով ու օրհներգություններով դիմավորելու մեր Տիրոջը և Փրկչին:

Քառասնօրյա պահքի, տրտմության և ապաշխարության օրերին փոխարինելու էր եկել ուրախությունը. ալելուիա, օվսաննա Բարձրյալին:

Հրեա ժողովրդի նման հայ ժողովուրդը, Ծաղկապարդի առավոտյան, խոնավել էր հայոց Երուսաղեմի՝ Միածնաէջ տաճարի շուրջը:

Մինչև երեկո տևող այդ ցնծությունը Ավագ շաբաթը խոկումներով, աղոթքներով ու սաղմոսերգություններով անցկացնելու երաշխիք է դառնում:

Ապրիլի 4-ին, Ավագ հինգշաբթի.—Յիշատակ ընթերցեց Տեառն մերոյ Յիսուսի Քրիստոսի:

Այսօր Մայր տաճարի Ավագ ա. սեղանի վրա ա. պատարագ է մատուցում Տ. Շնորհք արքեպիսկոպոս Բաղդասարյանը:

«Հայր մեր»-ից առաջ Տ. Հուսիկ արքեպիսկոպոս Սանթրույանը ընթերցում է Ս. Բարսեղ Կե-

սարացու աղոթքի աշխարհաբար թարգմանությունը:

Երեկոյան հանդիսավոր ժամերգությունից հետո բացվում է Ավագ ա. սեղանի վարագույրը և սկսվում է Ոսկավայի Քրիստոսահաստատ արարողությունը՝ ձեռամբ Մայր Աթոռի դիվանապետ Տ. Ներսես եպս. Պոպապալյանի:

Ծնրադիր սրբազանը մեկ առ մեկ լվանում և օծում է պայծառ հայացքներով իրեն մոտեցող տղաների ուսքերը:

Պահն այնքան է խորհրդավոր, որ ա. սեղանից լսվում է դարերի խորքից հնչող Աստվածորդու հորդորն Իր աշակերտներին. «Գիտե՛ք զինչ արարից ձեզ. Դուք կոչե՛ք զիս Վարդապետ և Տեր, եւ բարոք ասե՛ք, քանզի եմ իսկ: Իսկ արդ, եթե ես լուացի զոտս ձեր, Տերս եւ Վարդապետս, եւ դուք պարտիք զմիմեանց ոտս լուանալ: Չի օրինակ մի ետու ձեզ, զի որպէս ես ձեզ արարի, եւ դուք առնիջիք»:

Ոսկավայի արարողությանը ներկա էր Վեհափառ Հայրապետը:

Այդ օրվա խորհուրդը ավելի հուպիչ է դարձնում Տիրոջ Մատնության և Չարչա-

րանքների արարողության կարգը, որը ավարտվում է խավարման խորհրդանշական պահի կատարումով:

Հիտու խաչի վրա է՝ շուրջը հեթանոսներ, խաչված ավազակներ: Իր երկրային տառապանքների գազաթնակետի՝ խաչի վրա անգամ, բարության Իր գերմարդկային հոգով, աղոթում և ներում է հայցում երկնավոր Հորից՝ Իր երկու կողմում խաչված ավազակների համար:

Խաչված Աստվածորդին Իր աստվածային փառքի հետ վերջին վայրկյանին՝ ցույց է տալիս նաև Իր մարդկային բնության հատկանիշները:

Բնության տարրերը ողբում են իրենց Արարչի տառապանքները:

Խավարում է աշխարհը: Այդ պահին խավարի մեջ էին նաև մարդկանց հոգիները: Եկեղեցին ընկղմված էր թանձր խավարի մեջ: Ս. սեղանից, խորհրդավոր, հնչում է Տ. Հայկազանի վրդ. Նաջարյանի ձայնը.

«Էի, էի, լամա սաբաթանի. այսինքն է՝ Աստված իմ, Աստված իմ, ընդէ՛ր թողեր քիս (Մատթեոս ԻԷ 46):

Ամբողջ Ավետարանի պատմությունը, մի տեսակ, առաջաբան է Ավագ շաբաթի համար, իսկ Ավագ շաբաթը՝ հավատացյալին տանում է դեպի Հիտուի խաչելությունը և հարությունը:

Տակավին մի քանի օրեր առաջ, Ծաղկապարդի տոնին, օվսաննաներով, օրհներգություններով և պելուփաներով ողջունում էին Հիտուի Երուսաղեմ մուտքը: Եվ Երուսաղեմի փողոցներում դեռ արձագանքում էին այդ ողջույնի ձայները: Հիտու Պատեքը՝ Իր վերջին ընթրիքը, ուտում է Իր աշակերտների հետ միասին, և նրանց միջոց է տալիս, որպեսզի երբ մարմնով վերանա նրանցից, անպայման լինի նրանց հետ՝ հիմնելով պատարագի սուրբ խորհուրդը: Պատարագից հետո Հիտու Իր աշակերտներին տալիս է նաև խոնարհության դասը, որ այսօր երեկոյան տեսաք Ռոնվալի արարողությամբ: Հիտու Ինքը՝ Տերը և Վարդապետը, խոնարհվեց և լվաց Իր աշակերտների ոտքերը: Մի խոնարհություն, որը մի քիչ անց Իր կյանքով և մարմնով իսկ պիտի փաստեր համայն մարդկությանը: Ամեն ինչ արված էր, ամեն ինչ ասված էր արդեն: Եվ Հիտու Իր աշակերտներով առանձնանում է Գեթսեմանիի պարտեզը՝ աղոթելու և խոկալու: Հիտու ցանկանում էր նախապատրաստել Իր աշակերտներին զայիք դեպքերին: Բայց աշակերտները մի կողմից անկողի լինելով հասկանալու կատարվող դեպքերը, մյուս կողմից հոգնած լինելով օրվա աշխատանքից, անկողի դիմադրելու մարմնի տկարությանը, թուլանում են և քնում: Սակայն Հիտու աղոթքի էր կանգ-

նած Իր հոգու հետ, Աստուծո հետ, որովհետև պետք է պորացներ մարմինը: Եվ աղոթում էր Աստծուն ասելով. «Տեր անցկացրու այս բաժանկն ինձանից, բայց ոչ այնպես, ինչպես ես եմ ուզում, այլ ըն կամքի համաձայն»: Որովհետև, թեև հոգին հոժար էր, բայց տկար էր մարմինը: Մինչև արևածագ աղոթելով Հիտու կարողանում է պորացնել և պատրաստել Իր մարմինը: Եվ արևածագին արդեն ամեն ինչ վճռված և որոշված էր: Եվ Հուդան գալիս է փարիսեցիների, քահանայապետների և դպիրների խմբով մատնելու և ձերբակալելու իր Տիրոջը: Սակայն Հիտու Ինքն է ընդառաջ ելնում բռնողներին, կամովին Իրեն հանձնելով քահանայապետներին ասելով. «Ավազակ բռնելո՛ւ եք եկել, որ պենք ու պահիլ եք գալիս: Միշտ ձեզ հետ էի տաճարում, ինչո՞ւ Ինձ այնտեղ չձերբակալեցիք»: Աշակերտներից ոմանք փորձում են պաշտպանել իրենց Տիրոջը, սակայն Նա թույլ չի տալիս Իր աշակերտներին ասելով. «Չե՛ր սուրը դրեք պատյան, որովհետև սուր վերցնողը սրով կընկնի»:


Ճշմարտության, լույսի և արդարության, գերագույն այս իրողությունների համար պայքարողը չէր կարող պենքով պայքարել: Բայց սրից, նետից, պենքից ավելի ուժեղ մի պենք գոյություն ունի. դա խոնարհությունն ու համբերությունն է: Հիտուի խոնարհության այդ օրինակը ներջնադ ուժ է մեզ համար: Հիտու Ինքն Իրեն կառավրին է հանձնում հրեաներին: Նրան տանում են դատելու: Կարծեք դերերը փոխվել էին: Պատկերացրեք մի դատարան, որտեղ գողերն ու ավազակները ստանձնում են դատավորի պաշտոնը և դատում են դատավորին: Ճիշտ այդ պատկերն էր այնտեղ: Եվ դատելու կարիք էլ չկար, որովհետև նրանք նախօրոք որոշել էին դատավճիռը: Մահ և ուրիշ ոչինչ:

Եվ անօրինակ այս որոշումը մի կերպ խրդարացնելու համար Հիտուին տարան Երուսաղեմի հռոմեացի կառավարիչ Պիղատոսի մոտ, որպեսզի նա տա վերջնական որոշումը: Պիղատոսը ուզեց խմանալ, թե հրեաները ինչո՞ւ են այսքան կամենում այս մարդու մահը, մոտիկից ծանոթանալով գործին պզու՛մ է, որ Հիտուին մահվան դատապարտելու համար ոչ մի հիմնավոր պատճառ չկա: Եվ կարծեք նույնիսկ փորձում է Նրան ազատել. ծեծել է տալիս, փշե պսակ է դնում գլխին, ծիրանի է հագցնում և ծաղրում է, որպեսզի հրեաները կարողանային ասել, որ ոչ, մենք Նրա մահը չենք ցանկանում: Նույնիսկ առաջարկում է մի ավազակի փոխարեն Նրան ազատ արձակել: Սակայն, ով մարդկային ողբերգություն: Նույն ամբոխը, որ օրեր առաջ օվսաննաներով էր դիմավորում Հիտուին, իրենց ղեկավարների առաջ-



ՕՐՀՆՈՒԹՅՈՒՆ ԺՈՂՈՎՐԴԻՆ

(Մայիս Կրոն, 7 ապրիլի 1985 թ.)



«ՀԱՐՅԱԿ Ի ՄԵՌԵԼՈՑ»

(Մայր Աթոռ, 7 ապրիլի 1985 թ.)

նորոգությամբ գոռում էին. «Խաչ հանիր Նրան, խաչ հանիր»:

Այո: Պետք է կատարվեր այն, ինչ որ վիճակված էր: Հին կոտակարանում մարգարեների բերանով ասվել էր այս բոլորը, և բաժակը պետք էր ըմպել մինչև մրուր: Եվ Հիսուս ուսին դրած խաչը զանդաղ բարձրանում էր Գողգոթայի բարձունքը: Հանկարծ այնտեղ խաչի վրա իրական խավար է տիրում: Այդ խավարն ավելի ահարկու էր նրանով, որ խավարեցնում էր մարդկանց հոգիները: Նրանք չէին տեսնում այն, ինչ կատարվում էր: Խաչելով Հիսուսին նրանք կարծում էին, որ այդ ձևով հնարավոր կլինի սպանել լույսը, ճշմարտությունը և արդարությունը:

Սակայն Հիսուսի խաչվելով վերջ չգտան ճշմարտությունն ու արդարությունը:

Հայ ժողովուրդը, 1915 թ., ամենանեղ պահին, եթե հավատք ու հույս չունենար, թե կարող է ապրել, պետք է որ մահացած լիներ արդեն: Հայրենական պատերազմին նույնպես. եթե մեր երկրի ժողովուրդները չհավատային իրենց կամքին, իրենց գործի արդարությանը, արդեն պարտված և ոչնչացած կլինեին:

Հիսուս խաչի վրա ավելի պորավոր ու ամուր էր, քան երբեք: Երկնքում փայլատակող կայծակը լուսավորում էր խաչը: Պատկերացրեք այդ հրաշալի տեսարանը, երբ խավարի մեջ խաչից լույսն էր արձակվում: Այո: Եվ այդ լույսն ընկնում էր ոչ թե հրեաների վրա, այլ խաչափայտի կողքին կանգնած հեթանոս հարյուրապետի վրա, որ ասում է. «Իսկապես այս մարդն Աստուծո Որդին է»: Սրանից ավելի մեծ հայտարարություն և ճշմարտության ճանաչում այլևս չէր կարող պատահել: Խաչից ելնող լույսը պիտի տարածվեր դատարկ գերեզմանից, պիտի հասներ իր աշակերտներին մինչև Համբարձում և Հոգեգալուստ: Բայց այն աշակերտները, որոնք թողել-գնացել էին, այդ խաչից ճառագող լույսից ոգևորված, այդ խաչից հեռացած առաքյալները իրենց կյանքը պիտի տային այդ խաչի համար:

Այս խավարի և տրտմության պահին, խաչից ճառագող լույսը թող մեզ ուղենիշ լինի, որպեսզի խավարի մեջ չմնա մեր հոգին, և ոչ միայն այս պահին, այլ նաև մեր բոլոր խավար պահերին: Որովհետև, ինչպես Պոդոս առաքյալն է ասում՝ «Եթե մենք քրիստոնյա ենք, ուրեմն մեր մարմնի վրա կարող ենք կրել Քրիստոսի չարչարանքները, եթե քրիստոնյա ենք, ուրեմն կարող ենք խաչվել, որովհետև մենք հավատում ենք, որ խաչելությունից հետո մեզ լուսավորելու է Հարությունը»:

Թող խաչյալ Քրիստոսի խաչից ճառագայթող շնորհները մեր մեջ լինեն, այժմ և հավիտյան հավիտենից, ամեն»:

Վարագույրի ետևից, խորհրդավոր մթության մեջ, լսվում է Հիսուսի կողմից Աստվածամորն ուղղված աղերսագին խոսքերի սրտատոջոր երգը. «Ո՛ր ես մայր իմ»: Այդ բոլոր տառապանքներից հետո «Յիսուս արձակեաց ձայն մեծ և եհան զոգի»:

Ապրիլի 5-ին, Ավագ ուրբաթ.—Յիշատակ չարչարանաց և խաչելութեան Տեառն մերոյ Յիսուսի Քրիստոսի:

Այսօր, միջօրեին, Տ. Ներսես սրբապանի նախագահությամբ, կատարվում է «Խաչելութեան կարգն ըստ Տօնացոյցի», իսկ երեկոյան ժամերգությունից հետո՝ թաղման կարգն ու թափոռի հանդիսավոր արարողությունը:

Ապրիլի 6-ին, Ավագ շաբաթ.—Ճրագալույց Չատկի:

Երկնակամարը արևաճառագայթներից ուրախության ծիրանի էր հագել, և Մասիաց լեռնապարը ողողվել էր վառ կարմիրի տոնական գույներով:

Ուխտավորները շարան-շարան լցնում էին Մայրավանքի Ս. Աստվածածին եկեղեցին ու բակը:

Հավարավոր հավատավոր հոգիներ պահոց շրջանի տխուր օրերի ընթացքում միշտ ունեցել են Հարության բերկրալի ավետիսը լսելու երջանիկ սպասումը:

Երեկոյան ժամը 20-ին, ճաշու հանդիսավոր ժամերգությունից հետո, սարկավազն իր «Օրհնեա Տէր»-ով ավետում է ժողովուրդին սուրբ և անմահ պատարագի սկիզբը:

Օրվա պատարագից և Տ. Արսեն եպս. Բերբերյանը: Լուսավոր շահերի և բոցկլտացող կանթեղների պայծառ լույսի տակ պատարագից սրբապան հայրը ժողովուրդին բաշխում է երկնային խաղաղությունը, իսկ դպրաց դասը, տաճարի սրբապան կամարների տակ, ի լուր ամենքի, տարածում է Փրկչի հրաշափառ Հարության ավետիսը՝ «Քրիստոս յարեալ ի մեռելոց»: Ավետիս աշխարհին, ավետիս՝ խաղաղության, ճշմարտության և արդարության կարոտ հոգիներին: Ավետիս աշխարհի չորս ծագերին. հարություն առավ խաղաղության, լույսի և ճշմարտության Արքան՝ աշխարհի Արարիչն ու մարդկության Փրկիչը:

Ողջույնի պահին ալիքվում է ժողովուրդը, և սրբապան համբույրի հետ բոլորի սրտերին դրոշմվում է Հարության ցնծալի ավետիսը:

Ս. պատարագի վերջում եկեղեցական թափորը առաջնորդում է Վեհափառ Հայրապետին դեպի Վեհարան, ուր մեկ անգամ ևս

միմյանց հաղորդելով Քրիստոսի Հարության ավետիսը՝ աջահամբույրով շնորհավորում են Վեհափառ Հայրապետի Հարության տոնը:

Ապրիլի 7-ին, կիրակի.—Չատիկ: Յարութիւն Տեառն մերոյ Յիսուսի Քրիստոսի եւ Աւետումն Ս. Աստուածածնի:

Բարի լույս, ավետավոր լույս, իմաստալից ու սիրո լույս է ծագել Հայաստան աշխարհի վրա՝ ոչ ամենօրյա, սովորական լույսի նման, այլ տոնական ու հաղթական:

Լույս, բարի լույս: Թռչունների երգի հետ խոխոջում են Վաղարշապատի առվակները, լույսի և արեգակի հետ խաղում են մարդկանց՝ տասնյակ հազարավոր ուխտավորների աչքերը, որոնք նայում են Մայր տաճար Ս. Էջմիածնի պանգակատանը, որտեղից ծիծեռնակների ճախրի միջից լսվում է Փրկչի Սուրբ Հարության ս. պատարագին ներկա գտնվելու հրավերի պանգակների ձայնը:

Ուրախ են բոլորը՝ թե՛ ծեր, թե՛ մանուկ:

Ամենուրեք լսվում են ուրախաբեր ողջույները. «Քրիստոս յարեալ ի մեռելոց»: Եվ միաբերան թնդացող պատասխանները լըցնում են վանքը. «Օրհնեալ է Յարութիւն Քրիստոսի»:

Օրվա պատարագին է Մայր Աթոռի դիվանապետ Տ. Ներսես եպս. Պոպապայանը: Հրաշափառի երգեցողությամբ սրբազանը առաջնորդվում է դեպի ատյան:

Նորից լսվում է դարաց դասի ցնծագին ավետիսը. «Քրիստոս յարեալ ի մեռելոց»: Ցնծում է ժողովուրդը, երգվում են օվսաննաներ, ալելուիաներ, օրհներգություններ, քանկի.


«Այսօր յարեալ ի մեռելոց,
Փեսան անառի եւ երկնաւոր,
Քեզ աւետիք խնդութեան,
Հարսն ի յերկրէ եկեղեցի.
Օրհնեալ ի ձայն ցնծութեան,
վԱստուած Քո Սիօն»:

«Հայր մեր»-ից առաջ քարոզ է խոսում Նորին Սրբություն Վեհափառ Հայրապետը (տես էջ 3):

Հավարտ ս. պատարագի եկեղեցական թափորը Վեհափառ Հայրապետին առաջնորդում է Վեհարան:

ՀԱՆՈՒ ՍԱՐԿԱՎԱԳ ՄԱՐՏԻՐՈՍՅԱՆ





ՄԱՍՆԱՎՈՐ ՎԱՐԴԱՊԵՏԱԿԱՆ ԱՍՏԻՃԱՆԻ ՏՎԶՈՒԹՅՈՒՆ

«Սկիզբն իմաստութեան երկուդ Տեառն:
Իմաստութիւն յեւ ճանապարհաց գովի,
եւ ի հրապարակս համարձակութիւն բե-
րէ: Ձի պսակ շնորհաց ընկալցի գլուխ
քո, եւ մանեակ ոսկի ի պարանոցի
քում» (Առակաց Ա 7, 9, 20):

Սույն թվականի ապրիլի 1-ին հոգևոր ձե-
մարանի հանդիսությունների դահլիճում,
Մայր Աթոռի դիվանապետ Ս. Ներսես եպս.
Պոպապայանի նախագահությամբ, տեղի ու-
նեցավ Ս. Թորգոմ արեղա խարապյանի վար-
դապետական թեպի բանավոր պաշտպանու-
թյունը:

Արդեն ավանդություն դարձած այս պաշտ-
պանությանը ներկա էին Մայր Աթոռի միա-
բանությունն ու պաշտոնեությունը, հոգևոր
ձեմարանի դասախոսական կազմն ու ուսա-
նողությունը, ինչպես նաև հայր սուրբի հա-
րապատներն ու այլ հյուրեր:

Հայր Թորգոմի ներկայացրած «Ս. Էջմիած-
նի հարաբերությունները ցարական արքու-
նիքի հետ սկզբից մինչև 19-րդ դարի սկիզբը»
խորագիրը կրող աշխատանքը քննելու հա-
մար, Վեհափառ Հայրապետի հանձնարարու-
թյամբ կազմվել էր մի հանձնաժողով. նա-
խագահ՝ Մայր Աթոռի դիվանապետ գերա-
շնորհ Ս. Ներսես եպս. Պոպապայան, ան-
դամներ՝ Մայր Աթոռի Միջեկեղեցական հա-
րաբերությունների ընդհանուր քարտուղար,
հոգևոր ձեմարանի վաստակավոր դասախոս
տիար Պարզև Շահբապյան և «Էջմիածին»
ամսագրի խմբագիր, հոգևոր ձեմարանի դա-
սախոս տիար Երվանդ Մելքոնյան:

Պաշտպանությունը բացման խոսքով սկը-
սում է Ս. Ներսես եպս. Պոպապայանը, որից
հետո հանձնաժողովի անդամ տիար Պ.

Շահբապյանը ունկնդիրներին է ներկայաց-
նում աշխատանքի վերաբերյալ հանձնաժո-
ղովի որոշումը:

«Թորգոմ արեղա խարապյանի վարդապե-
տական աշխատանքը նվիրված է «Ս. Էջ-
միածնի և ցարական արքունիքի հարաբե-
րություններին», որոնց ուսումնասիրությունը
կարևոր է հայ ժողովրդի պատմության հա-
մար ընդհանրապես և Հայ Եկեղեցու պատ-
մության համար մասնավորապես:

Աշխատությունը բաղկացած է ներածու-
թյունից և վեց գլուխներից: Ներածության
մեջ խոսում է հայ և ռուս ժողովուրդների
կապերի մասին ընդհանրապես, նկարագրում
դրանց ուսումնասիրման վիճակը պատմա-
գիտության մեջ, ապա ընդգծում իր աշխա-
տության նպատակը՝ առանձնացնելու Էջ-
միածնի Մայր Աթոռի հարաբերությունները՝
մի կողմից ցարական արքունիքի, մյուս կող-
մից Ռուս Եկեղեցու հետ:

Ապա գլուխ առ գլուխ նկարագրում է
Անդրկովկասի հայության սոցիալ-տնտեսա-
կան և քաղաքական վիճակը 18-րդ դարում,
պարսկական, ապա և թուրքական ահավոր
ճնշումը հայ ժողովրդի վրա և ազգային-ա-
պատագրական շարժման սկզբնավորումը:
Հետո մասնավորվում են Ս. Էջմիածնի վաղե-
մի կապերը Ռուսաստանի հետ՝ սկսած 17-րդ
դարի վերջերից՝ Հակոբ Ջուղայեցու «Ան-
հաղթ կայսրին» նամակ-դիմումից: Հատուկ

գլուխ է նվիրված Էջմիածին-Ռուսաստան հարաբերություններին՝ Հակոբ Շամախեցի և Սիմեոն Երևանցի կաթողիկոսների օրոք, որոնք հայ ժողովրդի ապստամբության հարցը անմիջականորեն կապեցին ռուսական արքունիքի ռազմական օժանդակության հետ և որոշ հաջողություն ձեռք բերեցին: Այս մասնավորվում են Եկատերինա Ի-ի՝ հայերի նկատմամբ վարած դրական քաղաքականությունն ու Հովսեփ Արղությանի դերը կապերի սերտացման գործում: Հաջորդ գլխում նկարագրվում են հայ-ռուս փոխհարաբերությունները Ղուկաս կաթողիկոսի ժամանակ, երբ հարաբերությունները մնում էին դիվանագիտական մակարդակի վրա՝ համագործակցության հիմքով: Վերջին գլխում արդեն խոսվում է այն մասին, որ Ղուկաս կաթողիկոսի մահից հետո ռուսաց արքունիքը անցնում է Էջմիածնի գործերին ուղղակիորեն միջամտելու քաղաքականության՝ ջանալով Արղությանին կաթողիկոսացնել: Այս տրվում է օգտագործված գրականության ցանկ:

Հանձնաժողովը, քննելով աշխատությունը, եկավ այն ընդհանուր եզրակացության, որ իրագործված է կարևոր աշխատանք, որն ունի հետևյալ գլխավոր արժանիքները.

1. Աշխատանքը՝ համեմատաբար ամբողջական ընդգրկում ունի և լավ պատկերացում է տալիս հայ ժողովրդի 17—18-րդ դարերի պայտմության մասին:

2. Հեղինակը որդեգրել է կարևոր սկզբունք՝ պատմական դեպքերը նախ նկարագրել չեզոք մոտեցումով, ինչպես դրանք տեղի են ունեցել, և ապա միայն ցուցաբերել իր վերաբերմունքը այս կամ այն հարցի առթիվ:

3. Կարողացել է լավապես օգտվել այդ մասին եղած գրականությունից՝ քաղելով այն, ինչ առնչվում է Մայր Աթոռի պատմությանը:

4. Հեղինակը ուսումնասիրությունը կատարել է հայ եկեղեցականի և հավատավոր էջմիածնականի հայեցակետով՝ ճշտորեն գնահատելով դեպքերը և ռուսական արքունիքի կեցվածքը տարբեր շրջաններում:

5. Աշխատությունը գրված է սահուն, լավ հայերենով՝ եթե նկատի չունենանք առանձին վրիպումներ:

Աշխատությունը ավելի կատարյալ տեսնելու ձգտումով՝ հանձնաժողովն ունի հետևյալ դիտողությունները.

1. Առավելագույն չափով խուսափել օտար բառերի անհարկի օգտագործումից, որոնք եթե մի դեպքում կարող են արդարանալ հեղինակի օգտագործած աղբյուրներով, ապա ոչնչով չեն արդարանում հեղինակի շարադրանքում. օրինակ՝ Էտապ, օրինենտացիա,

դոգմա, պետական ապարատ և այլն: Կան նաև որոշ լեզվական անհարթություններ:

2. Ներածության մեջ սահմանվում է, որ «աշխատանքը մի փորձ է՝ վեր հանելու Մայր Աթոռի հարաբերությունները ռուսական արքունիքի հետ 18-րդ դարում», մինչդեռ վերնագրում նշված է «Սկզբից մինչև 19-րդ դարի սկիզբը»: Սա հակասություն է, որ անհրաժեշտ է վերացնել:

3. Լավ կլիներ մեջբերել «Հայ-ռուսական դաշինքի» հայոց կողմից կապված նախագիծը (Արղության-Լապարյան), որպեսզի ընթերցողը հնարավորություն ունենար սեփական դիտումով եզրակացություն անելու և ստիպված չլիներ ընդունելու այս կամ այն ուսումնասիրողի հնարավոր անընդունելի հաստատումը:

4. Ղուկաս կաթողիկոսի ծայրահեղ պոռնակությունը դժվար թե ճկուն դիվանագիտության ապացույց լինի, դիվանագիտությունը ծայրահեղ պոռնակության վրա հիմնելը կարող է և սխալ հետևանքների տանել, ինչպես այս դեպքում:

Այս բոլորով հանդերձ Թորգոմ արեղա Ռսարապյանի վերոհիշյալ աշխատությունը ունի պատշաճ գիտական մակարդակ և հիմք է տալիս հանձնաժողովին թույլատրել հեղինակին հանդես գալու իր աշխատության բանավոր պաշտպանությամբ:

Հայր Թորգոմը նախ իր գոհունակությունն ու ջնորհակալությունն է հայտնում Վեհափառ Հայրապետին՝ հայրական հոգատար վերաբերմունքի և ուշադրության համար, ապա ներկաներին ծանոթացնում իր կատարած աշխատանքի ընթացքին, պատասխանում և որոշ բացատրություններ տալիս հանձնաժողովի կատարած դիտողություններին:

Այնուհետև հանձնաժողովը հայր Թորգոմին հարցումներ անելուց և բավարար պատասխաններ ստանալուց հետո, աշխատանքի հեղինակին հարց ուղղելու իրավունք է տալիս հոգևոր ձեմարանի դասախոս, պատմական գիտությունների դոկտոր պարոն Սիմոն Գրքաշարյանին: Պարոն Գրքաշարյանի հարցին հայր Թորգոմի գոհացուցիչ պատասխանով վերջանում են հարցումները:

Փոքրիկ դադարից հետո հանձնաժողովը հայտնում է իր որոշումը՝ ասելով, որ հայր Թորգոմի աշխատանքը գնահատվում է բավարար:

Տ. Ներսես եպս. Պոպապայանը ջնորհավորանքի և քաջալերանքի խոսքեր է ուղղում հայր Թորգոմին՝ ցանկանալով նրան բեղուն և եռանդով եկեղեցական գործունեություն՝ ի շահ Հայ Եկեղեցու և ժողովրդի:

Խմբովին երգված «Հայր մեր»-ով ավարտ-

վում է մասնավոր վարդապետական աստիճանի ստանալու համար հայր Թորգոմի ներկայացրած աշխատանքի բանավոր պաշտպանությունը:

Ապրիլի 3-ին, առավոտյան ժամերգությունից հետո, Մայր տաճարի Իջման ս. սեղանի առաջ, ձեռամբ Մայր Աթոռի դիվանապետ Տ. Ներսես եպս. Պոպապայանի, կատարվում է մասնավոր վարդապետական չորս աստիճանների տվչության հանդիսավոր և հոգեպարար արարողությունը:

Ներսես սրբապանը պգեստավորված, մոմակիրների, վարդապետների, քահանաների և սարկավագների ուղեկցությամբ ավանդատնից առաջնորդվում է Իջման ս. սեղան:

Դարավոր, սրբապան ու խնկաբույր կամարների տակ նորից հնչում է աստվածաբույս շարականների հոգեզվալ երգեցողությունը՝ հույզելով ներկաներին և ավելի խորհրդավոր ու հանդիսավոր դարձնելով պահը: Եկեղեցու չորս կողմերում սրբապան հայրը ծնրադիր հայր Թորգոմին է տալիս վարդապետական գավապանը և աղոթում Սուրբ Հոգուն, որպեսզի Նա Իր աստվածային շնորհները առատապես բաշխի հայր սուրբին՝ դարձնելով նրան լուսավոր և իմաստուն հոգի. «Առ չորրորդ աստիճան մասնաւոր վարդապետութեան ի ձեռաց Հոգւոյն Սրբոյ և երթ և քարոզեալ պատեարանն սուրբ և պարկաւ առաքելոց և Բարգարէից, և պատուէր օրինադրեաց Հարցն Սրբոց՝ ողջամիտ վարդապետութեամբ՝ ըստ Հայաստանեայց Եկեղեցւոյ, առանց աշառանաց և երկիւղի ուսոյ և խրատեա՛, սաստեա՛, յանդիմանեա՛, և դարձեալ մխիթարեա՛ ըստ առաքելոցն բանի: Եւ դու եղիցիս առաջի Տեառն մշակ առանց ամօթոյ ծառայ ակնուական, գրելով պանուն քո ի դպրութեան կենաց ընդ երջանիկ դասս սուրբ վարդապետաց:

Տուր՝ Տէր՝ ծառայիս քում պնդորիս քարուկելոյ ի լուր ժողովրդեան, պնդաւորսն սըրբել, պնդորեայսն դարձուցանել, պոգեստն իմաստնացուցանել, պատահական կշտամբել, և պարիսն հաստատել, և հրաւիրել պիտատացեալ հօտս քո բանաւոր յարքայութիւն քո և ի փառս ամենապօր տէրութեանդ յաւիտեան յաւիտենից, ամէն»:

Տվչության արարողության ավարտին սըրբապան հայրը շնորհավորանքի, հորդորների ու բարեմաղթությունների իր խոսքն է ուղղում մասնավոր վարդապետական չորս աստիճաններ ստացած հայր Թորգոմին. «Սիրելի հայր սուրբ, այստեղ հավաքված քահանաները, սարկավագները և դպիրները, ինչպես նաև ներկա հավատացյալ ժողովուրդը, վստահ եմ, որ բոլորը սրտանց շնորհավորում են ձեզ մասնավոր վարդապետական

աստիճանի ստանալու առթիվ: Մոտ ապագային դուք գնալու եք հովվական ծառայության և միաժամանակ, եթե առիթ գտնեք, շարունակեք նաև ձեր ուսումը: Մաղթում եմ ձեզ հաջողություններ կյանքում, և ինչ էլ որ կարողանաք կյանքում կատարել հոգևոր-ազգային, շինարար աշխատանքի բնագավառում, կատարեցեք, և ինչ-որ կարող եք առնել, գիտության իմաստով ձեր պաշարն ավելացնելու՝ առեք: Եվ մի օր՝ լցված, բեռնավորված հոգևոր աշխատանքի փորձառությամբ և նաև կրթության պտուղներով վերադառնաք այստեղ՝ ծառայելու համար Աստուծո անդաստանի մեջ: Շնորհավորում և մաղթում եմ ձեզ առողջություն և երկար-երկար տարիների կյանք և հոգևոր ծառայության ասպարեկում՝ Աստուծո օգնականություն»:

Տ. Թորգոմ վարդապետ Խարապյան

Ծնվել է 1958 թ. Սիրիայի Հալեպ քաղաքում: Ավագանի անունով՝ Խաչիկ: 1964 թ. ծնողների հետ Լիբանանից ներգաղթել է Սովետական Հայաստան և բնակություն հաստատել Լենինական քաղաքում: Նույն թվականին հաճախել է Լենինականի Միքայել Նալբանդյանի անվան միջնակարգ դպրոց, որի ուսման լրիվ դասընթացն ավարտել է 1973 թ.:

Նույն թվականի սեպտեմբերին ընդունվել է Մայր Աթոռ Ս. Էջմիածնի հոգևոր ձեռնարան:

1978 թ. մայիսի 27-ին Մայր տաճարում, ձեռամբ Տ. Հուսիկ արքեպս. Սանթրույանի, ձեռնադրվել է սարկավագ:

1979 թ. հաջողությամբ ավարտել է հոգևոր ձեռնարանի ուսումնառության վեցամյա ջրջանը և անմիջապես նշանակվել Մայր Աթոռի դիվանատանը որպես քարտուղարության աշխատակից:

1980 թ. ապրիլին հոգևոր ձեռնարանի հարկի տակ տեղի է ունեցել նրա «Հառիճա վանքը» ավարտաճանի բանավոր պաշտպանությունը, որի համար նա արժանացել է «գերապանց» գնահատականի և հոգևոր ձեռնարանի դիպլոմի:

1980—1981 թթ. աշխատել է Վեհարանում որպես քարտուղար:

1981—1982 թթ. տարեշրջանում, որպես ազատ ունկնդիր, հետևել է Չագորսկի վանքի հոգևոր ակադեմիայի դասընթացներին՝ միաժամանակ ծառայելով Մոսկվայի հայոց եկեղեցում:

Չագորսկից վերադառնալուց հետո նորից աշխատել է Վեհարանում:

1983 թ. հոկտեմբերի 16-ին Ս. Էջմիածնի

Մայր տաճարում ձեռնադրվել է կուսակրոն քահանա՝ ձեռամբ Տ. Ներսես եպս. Պոպապայանի:


1984 թ. ապրիլից նշանակվել է Մայր Աթոռի «Ալեք և Մարի Մանուկյան զանձատան» տնօրեն, ուր աշխատում է մինչև այսօր:


Տ. Թորգոմ վարդապետը, օծված լինելով լավ ձայնով և ծիսագիտական հարուստ գիտելիքներով, իր եռանդուն մասնակցությունն է բերում եկեղեցական արարողություններին:

*
* *

«Էջմիածին» ամսագրի խմբագրությունը սրտանց ջնորհավորում է Տ. Թորգոմ վարդապետը խարապյանին այս ուրախ առիթով և ջանկանում նրան եկեղեցա-ազգային անձանձրույթ գործունեություն, որպեսզի նա դառնա «հովիտ քաջ» և «մշակ առանց ամօթի»:

ՀԱԿՈԲ ՍԱՐԿԱՎԱԳ ՄԱՐՏԻՐՈՍՅԱՆ





ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 17-ին, կիրակի.—Քառասնորդական Պահոց (Դատաւորին):

Այսօր Մայր տաճարի Ավագ ս. սեղանի վրա ս. պատարագ է մատուցում Տ. Թորգոմ արքեպիսկոպոսը:

«Հայր մեր»-ից առաջ քարոզ է խոսում Տ. Եզնիկ քին. Պետրոսյանը «Պարտ է յամենայն ժամ կալ յաղօթս և մի ձանձրանալ» (Ղուկաս ԺԸ 1) բնաբանով:

Իր խոսքի ընթացքում տեր հայրն ասում է. «Քրիստոս՝ Աստծու Որդին, խոսեց երկրների արքայության և դեպի այդ արքայությունը տանող ուղիների մասին: Քրիստոս մատնանշում է այդ ուղիներից աղոթքը: Աղոթքը հանդիսանում է ամեն մի քրիստոնյայի հիմնական պարտականություններից մեկը»:

Այնուհետև քարոզիչ տեր հայրը վերապատմում է Դատավորի առակի բովանդակությունը և շարունակում. «Այս առակից հետո, սիրելի հավատացյալներ, Քրիստոս եզրակացնում է ասելով. «Լսեք, ժողովուրդ, եթե այս անպզամ մարդը տեղի տվեց այրի կնոջ հարատև թախանձանքին», ապա մեր բոլորի երկնավոր Հայրը՝ Աստված, որ անգութ, անհրավ ու անտարբեր չէ մարդկանց նկատմամբ, որքան առավել ևս տեղի կտա մեր աղոթքներին, մեր թախանձանքներին,

եթե նրանք լինեն հարատև, անկեղծ ու ազնիվ»:

Հիսուս մեզ թելադրում է հարատևություն, որովհետև մենք չգիտենք այն ժամը, որ Աստված պիտի հատուցի մեր խնդրանքները: Դրա համար պետք է աղոթել հարատև գիշեր ու ցերեկ:

Մենք, գտնվելով Պահոց շրջանում, այս մտորումներով քայլ առ քայլ գնանք դեպի Քրիստոսի հրաշափառ Հարությունը:

Տեր հայրն ավարտում է իր քարոզը հավատացյալներին ուղղված բարեմաղթություններով:

Ս. պատարագին ներկա էր Վեհափառ Հայրապետը:

*
* *

Մարտի 20-ին, չորեքշաբթի.—Այսօր Վեհարանի ընդունելությունների սրահում տեղի է ունենում հերթական միաբանական հավաքույթ:

Քարոզչությունից հետո Վեհափառ Հայրապետն ունկնդիրներին պատմում է սույն թվականի փետրվարի 20-ից մինչև մարտի 11-ը Ֆրանսիա կատարած իր այցելության և որոշ հանդիպումների մասին:

Մարտի 23-ին, շաբաթ.—Տուն է Սրբոյն Գրիգորի Լուսաւորչին մերոյ սոսկալի չար-չարանացն և մտին ի Վիրապն:

Այսօր Մայր տաճարի Իջնան ա. սեղանի վրա ա. պատարագ է մատուցում Տ. Արտակ ձին. Սիմոնյանը:

Մարտի 24-ին, կիրակի.—Քառասնորդական Պահոց (Գալստեան):

Այսօր Մայր տաճարի Ավագ ա. սեղանի վրա ա. պատարագ է մատուցում Տ. Նարեկ քին. Մատարյանը:

«Հայր մեր»-ից առաջ քարոզ է խոսում Մայր Աթոռի դիվանապետ Տ. Ներսես եպս. Պոպապայանը «Որ սխորհուրդ Քո գալըստեան յառաջագոյն գուշակեցեր մարգարէիք Իսրայելի» (Շարական) բնաբանով:

«Այսօր, սիրելի հավատացյալներ, Մեծի պահոց վեցերորդ կիրակին է, և այս կիրակին մեր հայրապետները կոչել են Գալըստեան կիրակի:

Երբ ասում ենք Գալստեան կիրակի, հավատացյալների մտքերը ակամայից բեռնվում են Քրիստոսի երկրորդ գալստյան գաղափարին: Աստված Իր Որդուն ուղարկեց աշխարհ մարդկության փրկության համար, մարդկությանը դեպի Աստվածություն՝ երկինք բարձրացնելու համար:

Քրիստոս սերը բերեց աշխարհ և այդ սերը ավելի հզոր և ուժեղ էր, քան աշխարհի որևէ ուժ կամ հզորություն: Աստվածային սիրո Ուժը, որ հորդում է մարդու հոգու մեջ և արտահայտվում սիրո, զոհողության, մարդասիրության միջոցներով, զոհվեց մեզ համար, և երեք օր հետո Իր գերեզմանից հարություն առավ: Հարությանը հաջորդեց պայծառակերպ Համբարձումը, և Հիսուս խոստացավ Իր աշակերտներին, որ նորից կգա աշխարհ՝ դատելու համար չարն ու բարին:

Գալստեան կիրակին խորհրդանշում է մարդու սպասումը Հիսուս Քրիստոսի երկրորդ անգամ աշխարհ գալուն՝ դատելու համար արդարներին և մեղավորներին:

Գրեթե իր լրումին է հասնում Պահեցողության ջրջանը: Նրանք, ովքեր կարողացան այս ընթացքում բարեգործությամբ և մարդասիրությամբ մաքրել իրենց հոգիները, ուրեմն Տերը իսկապես կգա և ի դեմս նրանց կգտնի մաքուր տաճարներ: Նա մեր ներաշխարհը պետք է մաքրված տեսնի, ինչպես զարնան լուսաշող առավոտ, որպեսզի կարողանա բնակվել այնտեղ:

Այս մտքերով աստիճանաբար մոտենանք Չատկական Խրաշալի օրերին, որպեսզի Տերը կարողանա հարություն առնել նաև մեր ներաշխարհի մեջ՝ պայծառացնելու համար մեր հոգիները»:

Մարտի 27-ին, չորեքշաբթի.—Այսօր Վեհարանի ընդունելությունների սրահում տեղի է ունենում հերթական միաբանական հավաքույթը:

Հավաքույթի ընթացքում Արարատյան թեմի առաջնորդական փոխանորդ գերաշնորհ Տ. Գարեգին եպս. Ներսիսյանը միաբաններին է ներկայացնում Տ. Սուքիաս վրդ. Պարոնյանի «Քաղկեդոնեան ժողով և Հայաստանեայց Եկեղեցի» գիրքը:

Սրբազան հայրը ներկայացնում է գրքի բովանդակությունը. հեղինակը անդրադառնում է մինչև Քաղկեդոնի ժողովը տեղի ունեցած երեք տիեզերական ժողովներին և մանրամասն քննարկում Քաղկեդոնի ժողովի որոշ հարցեր, որոնք անմիջականորեն առնչվում են Հայ Եկեղեցու դավանանքի հետ:

Վերջում տեղի է ունենում կարծիքների աշխույժ փոխանակում:

Մարտի 31-ին, կիրակի.—Ծաղկապարդ.

Այսօր Մայր տաճարի Ավագ ա. սեղանի վրա ա. պատարագ է մատուցում Մայր Աթոռի դիվանապետ գերաշնորհ Տ. Ներսես եպս. Պոպապայանը:

«Հայր մեր»-ից առաջ սրբազան հայրը խոսնեմամբ հավատացյալներին քարոզում է «Ծերք ուտովք ձիթենեօք եւ տղայք ուտովք արմաւենեօք եւ երամ-երամ դասուք աղաղակէին. օրինեալ որ գայ յանուն Տեառն» բնաբանով:

«Ծաղկապարդի առավոտյան Հիսուս Իր աշակերտներից երկուսին ուղարկում է մոտակա գյուղը՝ այնտեղից Իր համար ավանակ բերելու, որպեսզի Բեթանիայից դրանով ուխտի գնա Երուսաղեմի սուրբ տաճարին: Հիսուս նստած ավանակին, Իր աշակերտների ուղեկցությամբ, ուղղություն է բռնում դեպի Երուսաղեմ: Ճանապարհին կանգնած ժողովուրդը, որը մեծ կարոտով ու ակնկալությամբ սպասում էր Մեսիային, այն Մեսիային, որը բերելու էր իրենց ցանկալի և երջանիկ կյանքը, փառավորում և մեծարում էին Աստվածորդուն ասելով. «Օվսաննա, օրինյալ է այն, որ գալիս է Տիրոջ անունով, օրհնություն Դավթի որդուն»: Եվ ձեռներին

բռնած արմավենու և ձիթենու ճյուղեր, իրենց հագուստներն էին փռում ճանապարհին, ցնծում և ուրախանում էին բոլորը:

Հիսուս փառքով է մտնում Երուսաղեմ, իմանալով, սակայն, որ այդ փառքը անցավոր է: Այդ փառքից մի քանի օր հետո ժողովուրդը կանգնելու է հրապարակներում և աղաղակելու է՝ «Ի իսաչ հան զդա»: Երուսաղեմ մտնելուն պես տաճարը մաքրում է առևտրականներից, որով ուզեց ցույց տալ, որ ամեն մի մարդ իր կյանքի ընթացքում պետք է մաքրի իր ներսի տաճարը, ուր եթե մաքուր լինի, կբնակվի Աստված:

Սիրելի հավատացյալներ, իր ավարտին է մոտենում Քառասնորդական պահոց շրջանը: Եկող շաբաթ Ավագ շաբաթն է՝ Հիսուսի չարչարանքների շաբաթը: Մենք քայլ առ քայլ պետք է հետևենք և մասնակից դառնանք նրա չարչարանքներին և դիմալուրենք նրա հաղթական հարությունը:

Սիրելի հավատացյալներ, այսօր Ծաղկավարդ է, Հիսուսի վերջին անգամ Երուսաղեմ գալու հիշատակը: Մենք վստահ ենք, որ դուք ձեր բարի գործերով այս ս. տաճարի մեջ դիմավորում եք հիմա Նրա գալուստը: Ոչ, ոչ թե տաճարից ներս, այլ մեր հոգիներից ներս: Եվ եթե մենք կարողացանք իրագործել այդ ամենը, ուրեմն երանի է մեզ, թող գա մեր Փրկիչը բնակվելու համար մեր մեջ և իր գալուստով թող բերի աշխարհին խաղաղություն, մարդկանց մեջ հասկացողություն, հսկա պետությունների մեջ համերաշխություն և հաշտություն, որպեսզի հանկարծ այս գեղեցիկ աշխարհը չբռնկվի միջուկային պենքով և ոչնչանա:

Այս սրբապան պահին մեր բոլորիս աղոթքն այն է, որ Փրկիչը աշխարհ գա և տա խաղաղություն և մարդկանց մեջ հաճություն, այժմ և հավիտյանս, հավիտենից, ամեն»:

*
* *

Նույն օրը, երեկոյան, հանդիսավոր ժամերգությունից հետո, Մայր տաճարի Ավագ ս. սեղանի վրա տեղի է ունենում Դռնբացքի հանդիսավոր և հոգեպարար արարողությունը:

*
* *

Ապրիլի 8-ին, երկուշաբթի.—Յիշատակ մենեղը:

Այսօր Մայր տաճարի Ավագ ս. սեղանի վրա ս. պատարագ է մատուցում Տ. Եղիշե քեն. Բաղրամյանը:

Հավարտ ս. պատարագի կատարվում է «Հոգեհանգիստ վասն համօրեն ննջեցեցոց»:

*
* *

Ապրիլի 14-ին, կիրակի.—Կրկնապատիկ (Նոր Կիսակէ):

Այսօր Մայր տաճարի Ավագ ս. սեղանի վրա ս. պատարագ է մատուցում Տ. Հայկապուն վրդ. Նաջարյանը:

«Հայր մեր»-ից առաջ հայր սուրբը քարոզ է խոսում «Ձի խնդրեք պկենդանին ընդ մեռեալս. չէ աստ, այլ յարեալ» (Ղուկաս ԻԴ 5—6) բնաբանով:

Ս. պատարագին ներկա էր Վեհափառ Հայրապետը:

*
* *

Ապրիլի 19-ին Մայր Աթոռ Ս. Էջմիածին են ժամանում Միավորված Ազգերի Կապմակերպության «Ատոմային ուժերը խաղաղ նպատակներով օգտագործելու համար» հանձնաժողովի տարբեր երկրների շուրջ 70 անդամներ՝ Ռուսական ակումբի ղեկավարի գլխավորությամբ:

Հյուրերը հանդիպում են ունենում Մայր Աթոռի դիվանապետ գերաշնորհ Տ. Ներսես եպս. Պոպապայանի հետ, որը հյուրերին ծանոթացնում է Ս. Էջմիածնի պատմական անցյալին, Ս. Գրիգոր Լուսավորչի գործունեությանը, հայ ժողովրդի պատմության անցյալի և նորագույն ժամանակների պատմական առանձնակի դեպքերին և Հայ Եկեղեցու դերին ու նշանակությանը: Սրբապան հայրն ընդգծում է, որ հանձնաժողովի կատարած աշխատանքը ներկա ժամանակաշրջանի համար ունի շատ կարևոր նշանակություն: Ատոմային ուժը «մի ուժ է,—ասում է Ներսես սրբապանը,—որը եթե չօգտագործվի ի նպաստ խաղաղության, ապա կարող է մարդկային կյանքի կործանման պատճառ դառնալ»:

Հանդիպման վերջում սրբապան հայրը հույս է հայտնում, որ հանձնաժողովի ներկայացուցիչները կկարողանան հասնել առաջադրված նպատակին, որպեսզի ատոմային ուժը միշտ օգտագործվի խաղաղ և ստեղծարար նպատակների իրագործման համար:

Այդ օրը հյուրերն այցելում են Մայր տաճար, Վեհարան և «Ալեք և Մարի Մանուկյան» գանձատուն:

*
* *

Ապրիլի 21-ին, կիրակի.—Աշխարհամատն (Կանաչ Կիսակէ):

Այսօր Մայր տաճարի Ավագ ս. սեղանի վրա ս. պատարագ է մատուցում և քարոզում ուխտավորաբար Մայր Աթոռում գտնվող Ամերիկայի Միացյալ Նահանգների

հայոց Արևելյան թեմի Դետրոյտ քաղաքի Ս. Հովհաննես Մկրտիչ եկեղեցու հոգևոր հովիվ հոգեջնորդի Ս. Փառեն վրդ. Ավետիքյանը:

*
* *

Ապրիլի 28-ին, կիրակի.—Կարմիր Կիրակի:

Այսօր Մայր տաճարի Ավագ ս. սեղանի վրա ս. պատարագ է մատուցում Ս. Շնորհք արքեպիսկոպոսը:

«Հայր մեր»-ից առաջ պատարագից հայր սուրբը քարոզ է խոսում «Քրիստոս յարեալի մեռելոց, մահուամբ վճահ կոխեաց և յարությանմբն իրով մեզ վկեանս պարգեւեաց» (Շարական) բնաբանով:

Իր քարոզի մեջ հայր սուրբն ասում է. «Սիրելի հավատացյալներ, այսօր Հինանց չորրորդ կիրակին է:

Այս կիրակին ունի հատուկ անվանում. այն կոչվում է Կարմիր կիրակի: Կարմիր գույնը փոխաբերական իմաստով կարող ենք ընդունել որպես մեր Տիրոջ՝ Հիսուսի Քրիստոսի Հարության խորհրդանիշ: Սակայն կարմիր գույնն ունի նաև այլ խորհրդանշական մեկնություններ: Այն խորհրդանշում է արյուն և նահատակություն, ինչպես նաև պայքար և հաղթանակ:

Բոլոր Հինանց կիրակիները կապվում են մեկը մյուսի շարունակությունը, իմաստային կապի տեսակետից նույնպես: Քրիստոսի Եկեղեցին տարածվեց, բայց ունեցավ նաև հա-

լածանքների, տառապանքների ու փորձությունների ջրջան, որի խորհրդանիշն է համարվում այսօրվա Կարմիր կիրակին:

Մարտիրոսների սրբազան արյամբ օծվել է նաև իողը Հայկական՝ նահատակությամբ Թաղետոս և Բարթողիմեոս սուրբ առաքյալների»:

Այնուհետև հայր սուրբն անդրադառնում է հայ ժողովրդի արյունալի անցյալին՝ կապելով այն օրվա խորհրդին և Ապրիլյան եղեռնի նահատակների հիշատակությանը: 1915 թվականի ցեղասպանությանն առնչվող որոշ խորհրդածություններից հետո հայր սուրբն ասում է. «Սարգսրապատի ճակատամարտով Արևելյան Հայաստանը բռնեց փրկության ուղին, և այսօր, սիրելի հավատացյալներ, մեր մայր հայրենիքն իր նորօրյա կենցաղով, գիտությունների ակադեմիայով ու նախնիների խոսքը պեղող իր Մատենադարանով, համալսարանով, տիեզերքի անհունը քննող իր Բյուրականով և, վերջապես, համայն հայության փարոս Ս. Էջմիածնով, իր նոր խոսքն է ասում աշխարհին:

Փառք մեր վերածնված մայր հայրենիքին, փառք մեր հարուցյալ ժողովրդին և երիցս օրհնություն Եղեռնի մեր նահատակներին, ամեն»:

Ս. պատարագին ներկա էին Վեհափառ Հայրապետը, Ալֆորվիլ քաղաքի քաղաքապետի անմիջական տեղակալ տիար Արման Նշանյանն ու սփյուռքահայ այլ ուխտավորներ:



ՔԱՐՈՋ

«Յանուն Հօր եւ Որդոյ եւ Հոգւոյն Սըրբոյ. ամէն»

«Երանի սգաւորաց, զի նոցա է արքայութիւն երկնից» (Մատթէոս Ե 4):

Սիրելի հավատացյալներ, ինչպէս գիտենք, մեր Տէր Հիսուս Քրիստոս Իր երկրային կյանքում պանապան առակների միջոցով խոսեց ճշմարիտ և առաքինի բարոյականին հասնելու մասին:

Նրա կարևոր քարոյներից մեկն է «Լեռան քարոյ»-ը, որ Փրկիչն արտասանեց քրիստոնյաների կողմից «Երանությանց լեռ» կոչված բարձունքի վրա: Հիսուս այդ քարոյը ուղղեց տասներկու նորընտիր աշակերտներին և Կոզմոր ծարավով տոչորվող հավատացյալ ժողովրդին: Քրիստոս հաստատեց, որ Ինքը կորացնում է բարոյականության և առաքինության ներքին հիմքերը և ոչ թե արտաքին և աշխարհային ձիրքերը: Ներքին հպոր բարոյական հիմք ունեցողներին «Երանի» է տալիս, իսկ արտաքին առավելությունների ձգտողներին՝ «վա՛յ» էր կարդում: Այդ երանիներից մեկն էլ ուղղված է սգավորներին. «Երանի սգավորներին, որովհետև նրանցն է երկնքի արքայությունը»:

Մարդն իր ծննդից մինչև մահ ունենում է ուրախության և սգո բազում օրեր: Ուրախ օրերին՝ վայելելով երկրային բարիքները կարող է չափապանցնել դրանք, ինքնամոռացությամբ մղվել մոլության և տուրք տալ կործանարար կրքին: Մոռանում և անտեսում է իր իսկ տենչած բարիքներն ստեղծողին ու արարողին: Իսկ տրտմության և սգո օրերին մարդը սկսում է հոխորտալ ու բողոքել ընդդէմ աշխարհն ստեղծողին և նրան մեղադրել անարդարության և անգթության մեջ: Սակայն մեղավոր մարդու տրտմուքն ու ինքնաարդարացման փորձերը միշտ էլ անհիմն են եղել: Նա անխուսափելիորեն պատժվել է՝ մոլոր օրերին գործած մեղքերի համար:

Մարդկության պատմության առաջին պա-

տիժը մարդու դրախտից արտաքսվելն էր: Սա նաև երկրային կյանքի առաջին սուգն էր: Եղեմից վռնդված մարդը գիտակցեց իր մեղքը և սգաց ոչ թե դրախտում վարած բարվոք կյանքի կորուստը, այլ սգաց Աստուծո կորուստը:

Ապա մարդաշատ փողոցում մորը կորցրած մանուկի պես՝ մարդն սկսեց փնտրել Աստծուն դարեր շարունակ, մինչդեռ բարեգութ Աստված միշտ մարդու կողքին է:

Եթե հետադարձ հայացք գցենք փնտրողի այդ ճանապարհին, կտեսնենք, թե մարդը հոգեկան այդ սուգը փարատելու և մխիթարվելու համար նյութական չաստվածներ է ստեղծել, ապավինել նրանց, երկրպագել ու պաշտել: Սակայն մարդու հոգին մնացել է սին ու դատարկ:

Մարդը չի դադարում Աստված փնտրելուց: Գիտակցության ավելի բարձր մակարդակում նա դիմում է իմաստության: Գիտության տարբեր բնագավառներում Աստծուն փնտրելու և գտնելու բազում փորձեր են արվում, սակայն զուր ջանքեր են գործադրվում, որովհետև փոխանակ իրենց իմաստություն տվողին պաշտեն, իմաստությունն են պաշտում: Կարծես այսպիսիների մասին է Ժողովողն ասում, «Ես իմ սիրտը իմաստությունը ճանաչելու և խնդությունը գտնելու տվի, քանի որ շատ իմաստության մեջ շատ տրտմություն կա. ու իր գիտությունն ավելացնողը իր փիշտն է ավելացնում» (Ժողովող Ա 17—18):

Չէ՞ որ մարդիկ այս երկինքն ու երկիրը ստեղծող Տէր ունեն, և մարդու գոյության իմաստը Արարչի փառաբանումը պիտի լինի, այլապես ի՞նչ իմաստ ունի գալ աշխարհ, աննպատակ ապրել և սգալ: Մի՞թե մարդն աշխարհ գալով միայն պիտի սգա և ըմպի դառնության բաժակը: Չէ՞ որ Աստված մարդու համար ստեղծեց երկիրը և ամենայն բարիք, որ նրա վրա է, ապա ինչո՞ւ պիտի մարդը սգա:

Ահա այս հակասական վիճակն էր տիրում մարդու ծարավից ճաքճքված հոգում, երբ գթառատ Աստված մարդուն կարկառեց իր բազուկները, և Աստուծո Որդին ջանաց օգնել նրան՝ ըմպելու կենաց աղբյուրը: Փրկիչն իր երկրային կյանքում սգաց ու տանջվեց մարդու համար և ցույց տվեց Աստծուն գրտնելու միակ ուղին: Աստվածորդին իր արյամբ հատուցեց մարդու մեղքերից փրկությունն ու հոգեկան ազատությունը:

Այսօր մարդկությունը ավելի քան երբևէ կարիք ունի սգալու, քանզի ստորանալով, ապրելով երկրային հեշտանքներով լի կյանքով՝ բթացնում է իր հոգու զգայարանները և տուրք է տալիս մարմնի կարիքներին: Ավելին, ատամ ենք կրճտացնում միմյանց դեմ, փոխանակ հետևելու Աստվածատուր պատվիրանին՝ սիրելու մեր ընկերոջը մեր անձի պես:

Այսօր հայ ժողովուրդը սգում է իր պատմության մեծագույն ողբերգությունը՝ Եղեռնի 70-ամյակը: 1915 թվականին Թուրքիան նույնպես՝ Աստծուն որոնելու համար իր արյան ծարավը հագեցրեց հայ ժողովրդի դեմ իրագործած սպանդով: Մի՞թե սա հոգու սուլ

չէ: Ինչո՞ւ ենք մոռանում մարդկության փորձություններով լի ողբերգական ճանապարհը: Չէ՞ որ մեղքի հատուցումը պատիժն է, ուրեմն ինչո՞ւ է մարդն այսքան հպարտացել իր կարողությամբ և գիտությամբ և չի անսում Աստուծո ձայնին: Մի՞թե կարիք կա մի նոր Սողոմ-Գոմորի կամ մի նոր Եղեռնի: Ուրեմն իբրև ժողովուրդ սգանք մեր նահատակ եղբայրների արդար արյունը և ձգտենք Աստվածային բերկրանքին՝ երկնից արքայության:


Քանզի միակ սպեղանին, որ կարող է բուժել մարդու սգավոր հոգին՝ Աստուծո ճըշմարիտ ճանապարհին հետևելն է:


Հետևաբար՝ «Երանի սգավորներին, որովհետև նրանք պիտի մխիթարվեն»: Եվ «Վայ ձեզ, որ այժմ ծիծաղում եք, որովհետև պիտի սգաք ու պիտի լաք» (Ղուկ. 2 25):

«Շնորհք, սէր եւ խաղաղութիւն Տեառն մերոյ Յիսուսի Քրիստոսի եղիցին ընդ ձեզ, ընդ ամենեսեանդ, ամէն»:

ՀԱՅԿ ՍԱՐԿԱՎԱԳ ՉՈՒԼՉՅԱՆ

Հոգևոր ձեմարանի Ե լսարանի ուսանող





ՀԱՆԳԻՍՏ Տ. ԶԻՆՈՎԻ ՄԻՏՐՈՊՈԼԻՏ ՄԱԺՈՒԳԱՅԻ
(1896—1985)

Մարտի 8-ին, կյանքի 89-րդ տարում, ի Տեր հանգյալ Թբիլիսի Ալեքսանդր Նևսկի ռուսաց տաճարի վանահայր Տեորիցխարոյի միտրոպոլիտ Գերաշնորն Տ. Զինովի Մաժուգան:

Հայոց Հայրապետը և Ս. Էջմիածնի ողջ միաբանությունը ճանաչում էին Տ. Զինովի միտրոպոլիտին որպես սրբակյաց, բարեհոգի և ջերմեռանդ բարի հայր: Նա Հայոց Հայրապետի և Ս. Էջմիածնի մեծ բարեկամն էր:

Տ. Զինովի միտրոպոլիտը, ավազանի անունով՝ Զախարի Աթմովիչ Մաժուգա, ծնվել է 1896 թվականի սեպտեմբերի 14-ին Ռուրախիայի Գյուխովե քաղաքում, բանվորի ընտանիքում: Մանուկ հասակում պրկվում է ծնողներից: Նա սովորում և ավարտում է տեղի եկեղեցու ծխական ուսումնարանը: 1912 թվականին ընդունվում է Ծմունդ Սուրբ Աստվածածնի անվան Գլինսկի Անապատի վանք՝ Սումսկի մարզում, ուր ունկնդրում է վանական տարբեր դասընթացներ: 1916 թ. պինակոչվում և մասնակցում է առաջին համաշխարհային պատերազմին: 1921 թվականին, պորացրվելուց հետո, վերադառնում է իր նախկին վանք և կուսակրոն է դառնում՝ վերանվանվելով Զինովի:

1922 թվականին գալիս է Կովկաս և ըն-

դունվում Դրանդովսկու Ուսպենսկի (Վերափոխման) վանք, Սուխումի քաղաքի մոտ, ուր և ձեռնադրվում է կիսասարկավագ, իսկ 1925 թվականին՝ արեղա: 1925—1930 թթ. ծառայում է Սուխումի քաղաքի Ս. Նիկողայոս տաճարում, իսկ 1936 թվականին՝ Դոնի Ռոստով քաղաքի Ս. Սոֆիա եկեղեցում: 1936—1942 թթ. հիվանդության պատճառով ժամանակավորապես չի ծառայում: 1942—1945 թթ. հոգևոր ծառայություն է կատարում Թբիլիսիի Ս. Սիոն Մայր տաճարում և Մլըխեթայի Օլգինսկի վանքում, 1945—1947 թթ.՝ Հայաստանի Կիրովո գյուղի Ս. Նիկողայոս եկեղեցու վանահայր, 1947—1950 թթ.՝ Բաթումի Սվյատո-Դովսովսկի եկեղեցու վանահայր, իսկ 1950 թվականից մինչև իր կյանքի վերջը ծառայել է Թբիլիսիի Ալեքսանդր Նևսկի ռուսաց եկեղեցում, որպես վանահայր:

Առ ի գնահատումս իր հոգևոր անբասիր աշխատանքների, Զինովի միտրոպոլիտը իր երկարամյա ծառայությունների ընթացքում ստացել է հոգևոր բազմաթիվ շնորհաբաշխություններ, հոգևոր պարգևատրություններ և շքանշաններ ունա, վրաց և արտասահմանյան ուղղափառ եկեղեցիների պետերի կողմից:

Մարտի 14-ն է: Թբիլիսիի Ալեքսանդր Նևսկի եկեղեցին լեցուն է հավատացյալնե-

րի խոռոներամ բազմությամբ: Հանգուցյալի հիշատակը հարգելու են եկել նաև Վրացական ՍՍՀ Մինիստրների խորհրդին առընթեր կրոնական գործերի լիազոր պրն. Անզոր Ցիկլատրին իր աշխատակիցներով:

Առավոտյան ժամը 10-ին սկսվում է ս. պատարագը: Պատարագին ներկա են Համայն Վրաց կաթողիկոս-Պատրիարք Իլիա Բ-ը, Վրաց Ուղղափառ Եկեղեցու Ս. Սիմոնի բարձրաստիճան հոգևորականները, Սիմֆերոպոլի և Ղրիմի արքեպիսկոպոս Լեոնտին:

Ամենայն Հայոց կաթողիկոսի անունից սույն սրբապան պատարագին է մասնակցում Վիրահայոց թեմի առաջնորդ Ս. Գևորգ եպիսկոպոս Սերայդարյանը՝ Ս. Դավիթ քահանա Ձելվեյանի հետ: Վիրահայոց թեմի առաջնորդը այս տխուր առթիվ Համայն Վրաստանի կաթողիկոսին է ներկայացնում Ամենայն Հայոց Ս. Ս. Վազգեն Ա կաթողիկոսի ցավակցական հեռագիրը:

Ս. պատարագից հետո, հոգեհանգստյան պաշտամունքի դամբանականից առաջ, Նորին Սրբություն Իլիա Բ-ը ի լուր ժողովրդյան ընթերցում է Հայոց Հայրապետի հեռագիրը:

ԳԵՎՈՐԳ ԵՊԻՍԿՈՊՈՍ ՍԵՐԱՅԴԱՐՅԱՆԻՆ

Թբիլիսի, Հայոց Եկեղեցի

Խոր վշտով ընդունեցինք միտրոպոլիտ Ձինովի մահվան լուրը: Այս առիթով ցավում ենք հատկապես, քանի որ կյանքից հեռա-

ցավ հոգևոր դասի ևս մի անհիմ ու իր կոչմանը արժանի ներկայացուցիչ, որն իր ողջ կյանքը նվիրեց ծառայելու Ռուս Պրավոսլավ Եկեղեցուն ու նրա հավատացյալ ժողովրդին: Ի Տեր հանգուցյալ Նորին Սրբապետություն Ձինովիի հիշատակը միշտ կմնա մեր սրտերում:

Ս. Էջմիածնում ջերմորեն աղոթում ենք Բարձրալին՝ հանգուցյալի հոգու հանգրստյան համար, որպեսզի նրա հոգին արժանանա Երկնից Արքայությանը:

«Երանի այնոցիկ, որ սուրբ են սրտիք, և ինքա վԱստուած տեսցեն» (Մատթ. Ե 8):

ՎԱԶԳԵՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
13 մարտ 1985 թ.

Հեռագրի ընթերցումից հետո, Համայն Վրաստանի կաթողիկոս-Պատրիարք Իլիա Բ-ը մեծ հարգանքով և եղբայրական սիրով ու կարոտով խորին ջնդրակալություն է հայտնում Ամենայն Հայոց Ս. Ս. Վազգեն Ա կաթողիկոսին ցավակցության համար:

Հանգուցյալ Ս. Ձինովի միտրոպոլիտի դիակը ամփոփվում է նույն եկեղեցու աջակողմյան գավթում: Վերջում տրվում է հոգեճաշ:

Հիշատակն արդարոց օրհնությամբ եղիցի:





Մ. ՀԱՆՈՐՅԱՆ

ՄԱՅՐ ՀԱՅԱՍՏԱՆԻ ԳԱՂԱՓԱՐԸ ՀԱՅ ԱԶԱՏԱՍԻՐԱԿԱՆ ՄՏՔԻ ՈԼՈՐՏՆԵՐՈՒՄ

Դժվար է ճշգրիտ ասել, երբ է Մայր Հայաստանի գաղափարը իբրև խորհրդանիշ շնչավորվել, տեսանելի կերպարանք ստացել հայ հասարակական մտքի խաչոտիներում: Բայց աներկբայելի է, որ դեռ մեր թվագրությունից առաջ, հեռավոր դարերում, Հայաստանի գաղափարն արդեն իրական կերպարանք է առել, հյուսվել և մարմնացել ժողովրդի ստեղծագործ մտքի ու հոգու թելերից, հարատևել առ այսօր և կատարել այն դերը, որ կատարել է Հայրենիքի գաղափարը մյուս ժողովուրդների պատմական կյանքում:

Հայաստանի խորհրդանշական գաղափարի նյութական արտահայտության առայժմ հայտնի նմուշները վերաբերում են առաջին երկրորդ կարերին: Հռոմեական տիրապետության ժամանակաշրջանին վերաբերող շքադրամներն են դրանք. հռոմեացի տիրակալ Տրայանոսի ժամանակ թողարկված և շրջանառության մեջ մտած արծաթյա, ինքնակալի դիմադրոշմով շքադրամ: Եվ նույն դրամին՝ գլխիկոր, գետնին նստած կին, շուրջը ցիրուցան սրեր ու վահաններ և լատինատառ դրոշմվածք՝ «ARMENIA»: Պարտված Հայաստանի խորհրդանիշն է դա՝ կնոջ կերպարանքով, սգավոր, հնազանդ ու փինա-

թափ: Մի այլ շքադրամի վրա դարձյալ Հայաստանն է՝ թագավորի, պարտված կնոջ պատկերով: Տասնամյակներ հետո Հռոմում կտրված ոսկյա և արծաթյա շքադրամներին, որոնք ի հայտ են եկել պեղումներից, դարձյալ նույնն է: Դրամի մի երեսին Հայաստանին տիրած Մարկոս Ավրելիոս կայսեր կիսանդրիի դրոշմվածքն է, հակառակ երեսին՝ նույն սգակիր կինը, որի թիկունքին պարտության մատնված լինելու խորհրդանիշերը՝ ցցահանված պենքեր և մակագրություն՝ «ARMEN»¹: Անիրավացի չէ արևմտահայ հմուտ բանասերը, երբ նկատում է, թե «Մայր Հայաստանի արդի ընտանեցած պատկերը իր նախատիպը կառնե Հռոմեացի պորավարներու փորագրություններեն և դրամներեն, որոնք Հայաստանը կներկայացնեն կապված և պարտված»²: Ս. Երեմյանն իր հերթին նկատում է, թե «տխրանույշ պատկերը... ընդօրինակություն է խալ բանաստեղծներեն... սգավոր Մայր Իտա-

¹ Հայ ժողովրդի պատմություն, հ. 1, Երևան, 1971, էջ 820—821:

² Հ. Օշական, Հայ գրականություն, Երուսաղեմ, 1942, էջ 135:

լիպին պես՝ սզավոր Մայր Հայաստանը գեղեցիկ է, ունի մահացու վերքեր, խոր քունի մեջ: Իտալ և հայ բանաստեղծները՝ կհարցնեն, թե ե՞րբ պիտի արթնա մայր հայրենիքը³:

Մայր Հայաստանի գեղարվեստական վերարտադրությունն է նաև մեր պատմահոր՝ Խորենացու Ողբը: Ընդամենը մի քանի էջում պատմահայրը խտացրել է տառապանք, սեր և աղի արցունք, վեհություն և վիշտ ու կոծ, բայց նաև հայրենասիրության՝ հայաստանասիրության մղում:

Խորենացուց սկսած, ողբն ու ողբասացությունը հագեցել են բարձր մղումներով, օծովել ոչ միայն կորստի ցավն արտահայտելու, այլև կրկին ու վերստին հայրենասիրաբար ապրելու և արարելու կոչով: Այդպես ողբասացությունը միահյուսվել է հայրենասիրությանը: Այդ պատճառով էլ դրանք շատ են մեր պատմության ու գրականության մեջ: Ողբասացությունը թաթախված էր լավատեսությամբ, կորցրածը վերագտնելու հավատով: Ծնվում էր և ապրելու տենչը, ամեն ինչ հաղթահարելու ուժը՝ գերբնական ու աստվածատուր:

Հետաքրքրական է Ստեփանոս Օրբելյանի Ողբը Էջմիածնի մասին. Կաթողիկեն պատկերվում է իբրև Արքայտիկ—մայր թագուհի: Նա «ավաղական ողբով» պատմում է, որ «Էջ Միածինը» և հայոց երկիրը դարձել են «կոխան չորքտանտյոն», իսկ ինքը՝ Մայր արքայտիկն, մնացել է «միայն այրի» և կոչ է անում զավակներին.

Ո՛րք էք, որդի՛քդ իմ սրբածին,
Եկայք առ մայրըս ձեր նախկին,
Որպես օրենն է պառակին,
Տանել խնամ ձեր ծնողին

Թողո՛ւմք զողբանքս ցաւագին,
Առնե՛մք աւարտ լաւեաց բանին.
Յուսահատիլ չէ պարտ բնարին:

Նոր վարդարե փառօքն հին
Եւ առստել քան զոր էին՝:

ԺԷ—ԺԸ դարերի հայ ապատագրական պայքարի հիմքում Մայր Հայաստանն էր: Հավանաբար ազգային-ապատագրական պայքարի բովում մարմնավորվեց Մայր Հայաստանի պատկերը 1773 թվականին Մադրասում լույս ընծայված Մովսես Բաղրամյանի «Հորդորակ»-ում:

³ Ս. Երեմյան, Ազգային դեմքեր, Գրազետ հայեր, Վենետիկ, 1914, էջ 217:

⁴ Ստեփանոս Օրբելյան, Ողբ ի Ս. Կաթողիկեն, Թիֆլիս, 1885, էջ 40, 47, 48:

Իր գրքով Բաղրամյանը նպատակ ուներ սթափեցնել «երիտասարդացն և մանկանց Հայկապանց ի վեհերոտեալ և ի հեղգացեալ թմրութենէ քնոյ»՝ հայ ժողովրդի ապագան կապելով նրա ներքին ուժերի ու հնարավորությունների հետ:

Իր խոսքն ապրեցիկ դարձնելու համար Բաղրամյանը ոգեկոչում է հայոց սրբությունները՝ Հայկին, Արամին, Տրդատին, և Մայր Հայաստանի սրտառու խոսքով ասում իր ժողովրդին.

Ո՛հ թե որպիսի էի մերթ բազմածնունդ
սերնդովք ծաւալեալ ի մէջ համապիտռ
տանց.

Եւ այժմ քան զամենայն նեղեալ՝ և անձկացեալ անկեալ եմ ի մէջ անել տառապանաց.

Որ երբեմն էի ծիրանազգեաց Մայր՝ և Թագուհի չքնաղ քան զամենայն Հայոց ազգի.

Եւ այժմ քրձազգեաց լեալ՝ եղէ իբրև վայրի անմխիթար ի լկելոյ այլասեռիցն ազգի ազգի...⁵:

Ողբ ու Մայր Հայաստան դարձել են մի էություն ու այդպես արձանացել ժողովրդի մտապատկերում: Պատահական չէր ողբն ու Հայաստանի փառքի ոգեկոչման շարքը մեր գրականության մեջ՝ Հարություն Շնավոյանի «Ողբ Հայաստանայաց», Հովհան Վանանդեցու «Արփիական Հայաստան», Ալիշանի, Գամառ Քաթիպայի, Պեշիկթաշյանի հայրենաշունչ բանաստեղծություններն ու Խ. Աբովյանի «Վերք Հայաստանի կամ Ողբ Հայրենասիրի» դարակապմկի վեպը: Ազգաշեն ավանդներից Չմյուռնիայում ծնունդ առան հայերեն երկու օրաթերթերը՝ չափազանց բնորոշ ու խորհրդանշական անվանումներով՝ «Արշալույս արարատյան» (1840—1846) և «Հայրենասեր» (1843—1846), Թադիսյանի «Ազգասեր»-ը (1845—1848), «Ազգասեր արարատյան»-ը (1848—1852):

1840-ական թվականներին էլ Մայր Հայաստանի գաղափարը, այսպես ասած, առարկայացել, տեսանելի է դարձել և որպես բընաշխարհի հետ կապված պատկերացումների մարմնավորում ինչեղություն ստացել թե՛ գրականության և թե՛ հրապարակագրության մեջ, հանդիսությունների ժամանակ:

«Բազմավեպ»-ը 1844 թ. սեպտեմբերին հրատարակել է անստորագիր, բայց երիտասարդ Ղևոնդ Ալիշանին պատկանող «Ոգին Հայաստանեայց» խորագրով ծավալուն չափածոն, որ արտասանվել էր Թարգմանչաց

⁵ Մովսես Բաղրամյան, Նոր տեսության որ կոչի Հորդակ, Մադրաս, 1773, էջ 10:

THE HISTORY OF THE
LIFE OF THE
LORD OF THE
MOUNTAINS



նվիրված հանդիսության ժամանակ: Ընչավորվել, կենդանություն է ստացել Մայր Հայաստանի «ոգին վեհափառ»: Նրա ուրվագիծը նկարագրված է տեսանելի ու շոշափելի:

Նրստի լրոշիկ Հայաստանեայց վեհ Ոգին. Ձեռն ի ծնոտ, յեց արմըկամբն ի տապան, Թաալ ի գոգս իր ունելով հին մատենան...

Նրա շուրջը՝ գավազան, դրոշներ՝ արծվանշան դրոշմով, կնիք⁶:

50-ական թվականներին հայոց ավերակները և Մայր Հայաստանի խորհրդանշական կերպարները հաճախ ու հաճախ են կենդանանում, խիստ ապոկեփի ու գործոն դառնում մամուլում և առօրյա պատգամներում:

1857 թ. հունվարի 31-ին «Մեղու»-ի Ժ համարում լույս տեսավ «Հայաստան Մայր» այլաբանական պատկեր-ակնարկը: Պատմող-հեղինակը դիտում է վերջալույսի շողերի տակ սփռված քաղաքամայր Անիի «լուռ և տխուր» ավերակները: Շուտով արևը թաքնվում է Ախուրյանի այն կողմում. տիրում է խավար: Մոտեցող ջրախմբի առջևից ընթանում է «սևազգեստ, բարձրահասակ, գանգրահեր, սքանչելի կին մը»: «Այս կինն ո՛վ է» հարցումին հետևում է պատասխանը.

«—Ազնիվ գավակս, ես ձեր մայրն եմ, ես եմ ձեր ճշմարիտ մայրը, ես եմ որդյակ՝ Հայաստան Մայր...»: Նա իր գավակին ցույց է տալիս երբեմնի «երկրավոր դրախտի»՝ Անիի նվիրական ավերակները, պատմում, թե ինչպիսին էր Անին: Երանելի այն ժամանակներում ամենքն իրար հետ էին, միաբան ու միակամ:

Հեղինակն ընթերցողին է թողնում իրեն պաշարած խոհերի շուրջ մտորելը՝ հուսալով արտահայտած գաղափարների հետագա ծարձակումը: Բնական է. Թուրքիայի պայմաններում նա ավելին ասել, առավել ևս ցույց տալ չէր կարող:

Արմենակ Հայկունու այս արձակ բանաստեղծությունը նշանավորում է այն սկիզբը, երբ Մայր Հայաստանի գաղափարը ստանում է որոշակի ազատասիրական իմաստ:

1862-ին Հ. Սրվաճյանը «1862 և սկիզբ վեցերորդ շրջանին Մեղու»-ի հոդվածում հղոր թափով և արդեն ուղղակիորեն հնչեցրեց Հայաստան Մոր ձայնը. «Մենք սթափեցանք մեր թնրութենէն և սկսանք որոնել մեր հայրենիքը», «Իրավ մեր հայրենյաց մեծ մասին տերը Օսմանյան կայսրությունն է եղած, բայց ան չէ տերը»:

Եվ Սրվաճյանը Մայր Հայաստանի գաղափարը փոխակցում է հայրենասիրություն և հայրենիք գաղափարների հետ. «հայրենի-

քը՝ հայրենի հողը «օտարին հանձնելը օտարին գերի ընչալ է»: Այստեղից էլ նրա կոչը՝ ով ուզում է ապրել և «ապրեցնել իր որդիքը», պետք է «տեր ըլլա այն հողին, որ իր նախնիքը ստացեր են իրեն համար»:

«Հայրենասիրություն, հայե՛ր, հայրենասիրություն. հոգ տանի՜ք մեր հայրենյաց, եթե կուզենք ապրիլ և մա՛րդ ապրիլ», ասում է Սրվաճյանը:

1860-ին Մայր Հայաստանի գաղափարը ավելի առարկայացավ: Փարիզում տպարան հաստատած Նիկոմիդիացի ձանիկ Արամյանը (1820—1879) այդ թվականին հրատարակեց իր կազմած չափազանց ինքնատիպ «Դասարան Հայկազնան մանկանց» դասագիրքը: Ծավալով ոչ մեծ, բայց ճոխ կերպով ու առատորեն պատկերավարված և հիանալի տպագրված այդ դասագրքում Արամյանը պետեղել է նաև երկու նկար, որոնք ուղղակի առնչություն ունեն Մայր Հայաստանի գաղափարի հետ: Դրանցից մեկը՝ «Արդեան վիճակ Հայաստանի» (էջ 94), պատկերում է հայոց ավերակները, տխրաթախիծ, բայց «լուսավառ աջօք» մի հայուհի, որ հոգնաբեկ ու անհույս նստած է ավերակների վրա և մտամոխրի խորհում է:

Մյուս նկարը, որ արդեն գրավում է ամբողջ էջը, «Ոգի Հայաստանեայց» մակագրությունն է կրում (էջ 96). հերարձակ, ուտաբոբիկ, տխրադեմ հայուհին ընթանում է անապատացած երկրով՝ ավերակված ու անշնչացած Հայաստանով: Իբրև լուսցում այդ երկու պատկերների, Արամյանը նրանց միջև տեղավորել է պատմական Հայաստանի քարտեզը՝ դարձյալ ամբողջ էջով:

ձ. Արամյանը Մայր Հայաստանի գաղափարը առարկայացնելով, այն ամբողջ ազգի համար տեսանելի և ընկալելի դարձրեց:

Շատ չանցած՝ 1861-ին Արամյանը վերակերտեց Մայր Հայաստանի պատկերը՝ իր մտահղացման հենքի վրա՝ միաձուլելով հիշատակված երկու նկարները: Նա մեծ ծավալով, արդեն առանձին և տպագրական լավագույն մակարդակով Փարիզում տպագրեց Մայր Հայաստան պատկեր-պլակատը, որ մինչև օրս էլ գտնվում է շրջանառության մեջ: Դա հանրածանոթ այն նկարն է, որ ժողովուրդն անվանում է «Անիի ավերակներ» կամ «Մայր Հայաստան»:

«Ավերակաց վրա նստողն է գեղեցիկն Արմենիա կամ Ոգի Հայաստանյայց,—բացատրում է Արամյանը:— Եվ անոր ձախակողմի հեռիեն տեսնված լեռներն են Մասիս և Այրարատ: Մասյաց ստորոտին երևցած ջուրն է Երասխ գետը...»⁷: Ապա նշվում են

⁷ «Արջալույս արարատյան», 23 սեպտեմբերի 1861, № 658:

⁶ «Բավմակ», 1844, № 17, էջ 271—272:

պատկերի մյուս մանրամասները, կրոնական խորհրդանիշները, հիշատակված քաղաքները՝ Վաղարշապատ, Սիս, Տիգրանակերտ, Մուշ, Կարին, Վան, Անի, Դվին, Արմավիր, Նախիջևան, Արտաշատ, Կարս՝ դրոշմված ավերակների բեկորների վրա: Նկարում մեծ տեղ են գրավում հայոց աստվածուհի Անահիտը, Վահագնի մեհյանը, Բելի պահը, Տիգրանի ու Տրդատի թագերը, Արշակունիների գետնատարած, արծվանիշ դրոշակը: «Կանգուն պան մոտիկ, — շարունակում է Արամյան իր բացատրությունը, — ավերակաց մեջն ղուրս ելած լուսասփյուռ ձեռքը նշան է Սահմանադրության և հայրենասիրության»: Խորհրդանշական իմաստ են արտահայտում պատերազմի դաշտը և պատկերված վենքերը, որոնք «վավեր օրինակներ են կարված» են:

Արամյանը ձգտել է իր նկար-պլակատում խտացնել հայոց ամբողջ պատմությունը՝ հեթանոսական ժամանակներից մինչև իր օրերը, երբ առաջին վավերացմամբ կյանքի էր կոչվել արևմտահայության Ազգային Սահմանադրությունը՝ երկարատև պայքարից ու բախումներից հետո, Սահմանադրություն, որ դիտվում էր իբրև ազգային վերածնության ազդանշան:

Պատկերի գեղարվեստական արժեքը մեծ է թերևս: Բայց Արամյանը կարողացել է Մայր Հայաստանի գաղափարն առարկայացնել ու տեսանելի դարձնել նրանով շնչող ժողովրդի համար: Պատկերը բոլորքում էր հայրենասիրության բոցը, որ անշեջ է մնացել ու սրտեր ջերմացրել տասնյակ ու տասնյակ տարիներ, նաև հայախավաքի, հայրենիքի վերաջինման, հայոց Նախնի փառքը վերականգնելու կոչ արել:

Բայց «Ոգի Հայաստանի»-ն նաև մեղադրանք է, անողորմությամբ դրոշմված դատակնիք նրանց ճակատին, ովքեր դարեր շարունակ ասպատակել են Հայաստան երկիրը, ավերել նրա շեն քաղաքները, ամառայության մատնել հայոց դրախտավայրը:

Չարմանալիորեն պարզ ու եզակիորեն խորիմաստ «Ոգի Հայաստանի»-ն իր ժամանակին արտակարգ տարածվեց: Նկարը տպագրվել էր երկու չափի՝ փոքր և բավական մեծ՝ չինական առաջնակարգ թղթի վրա: Փարիզից բացի նկարը վաճառվում էր Կ. Պոլսում, Ջնյուտնիայում և այլուր: Հաջորդ տարում՝ 1862-ին, ավելի լայնորեն տարածելու համար, Արամյանը «Ոգի Հայաստանի» պատկերը տպագրեց «ամեն վիճակի ազգայնոց քսակին դյուրամատույց» գնով՝ էժանագին:

Դեռ առաջին ազդարարության ժամանակ «Փարիզ» թերթը «գեղեցիկ և խորհրդավոր պատկերի» մասին նշել էր, որ «անշուշտ

ամեն հայ, որ հայրենասիրություն ունի, պիտի բաղձա ստանալ այս խորհրդավոր պատկերն և լուր սենյակին ընտիր պարդարանք մը ընել»⁸: Նույն համոզմունքն է հայտնել «Մեղու»-ն. «Այս գեղեցիկ պատկերը, — գրել է նա, — որ ամեն հայրենասեր հայերու քաղցր տխրություն մը կպատճառե... պետք է գտնվի ամեն սրահներու մեջ՝ օտար ազգաց փառավոր հիշատակները ներկայացնող պատկերներու քով»⁹:

Կան հաստատուն տեղեկություններ այն մասին, որ պատկերը եղել է հասարակական սրահների պարզը, արագորեն հասել է Մոսկվա, մինչև անգամ Ալեքսանդրապոլ և, իհարկե, շատ ու շատ հայաբնակ կենտրոններ:

Ջնյուտնիայում, «Վասպուրական» թատրոնի բեմադրությունների ժամանակ, ազգային-հայրենասիրական բուռն ոգևորության պահին, 1863 թ., ինչպես հաղորդում է «Արշալույս արարատյանը», բեմադարթակի՝ տեսարանին ճիշտ դեմն եղած օթյակեն «Հայաստանի վերա Ավերակացն» պատկերը կախված էր»¹⁰:

Պատկերի իրական մուտքը հայ թատրոն տեղի պիտի ունենա գրեթե մի տասնամյակ հետո, 1871 թ., երբ կբեմադրվի Պ. Դուրյանի «Սև հողեր» պիեսի վերջաբանը և բեմում կհայտնվի Հայաստանի այլաբանական կերպարը՝ շղթայակալ և փշե պսակը գլխին, նստած ավերակների վրա, իբրև Հայաստանի վիճակի խորհրդանշական ցուցադրում¹¹:

1865 թ. Ալեքսանդրապոլի թատրոնում, առաջին հայերեն բեմադրությունից սկսած, վարագույրի վրա յուղաներկով ու մարդաչափ մեծությամբ նկարված էր «Ոգի Հայաստանի»-ն... թագը, սուրը, վահանը, նիզակը, վենքերը, գրված էին հայոց պատմական քաղաքների անունները¹²:

1865-ին Մայր Հայաստանը խորհրդանշող պատկերն արդեն տարածում էր գտել նաև Մոսկվայում:

Բավական իշխող և ամենուր նկատվող երևույթ էր դա, որ կարելի է բացատրել հայրենասիրության բուռն պողոթնումով և ապատասիրական գաղափարների վերելքով՝ մանավանդ Ջեյթունի 1862 թ. հերոսական կռիվներից հետո, առաջադիմական գաղա-

⁸ «Փարիզ», 16 օգոստոսի 1861, № 52:

⁹ «Մեղու», 20 նոյեմբերի 1861, № 146:

¹⁰ «Արշալույս արարատյան», 29 հունիսի 1863, № 704:

¹¹ Վ. Թերզիբաշյան, Պետրոս Դուրյան, Երևան, 1959, էջ 18:

¹² «Ախուրյան», 1 մարտի 1908, № 16, «Հայկական լեզվաբանի կոռուկ», 1865, № 6, էջ 182—184:

փարախոսության և ազգային-ազատագրական երազանքի կիպակետում Մայր Հայաստանի գաղափարն էր:

«Հայաստանի ավերակներու համար» գործելու կոչ անելիս Ստեփան Ոսկանյանը համոզված էր, որ հայության փրկության միակ ու կայուն խարխսը բուն Հայաստանն է, որ հայ ժողովուրդը պետք է ամփոփվի «մեկ հողի վրա ու մեկ երկնքի ներքև»:

«Հայ անուն, հայ սիրտ ունեցողը մեր եղբայրն է: Հայաստանը, իր հայրենիքը սիրողը մեր բարեկամն է, մեր դաշնակիցն է... Հայաստանը պիտի ըլլա մեր միության կեդրոնը, Հայաստանը պիտի ըլլա մեր բոլոր ուխտերուն նպատակը, մեր միակ փրկությունը՝ հոն պիտի ըլլա»¹³:

Ոսկանյանը Մայր Հայաստանի շուրթերով աշխարհասփյուռ հայությանն ասում է.

«—Չավակներս, ահա ձեր մոր վիճակը: Նայեցեք ի՞նչ աստիճան հասեր եմ և ի՞նչ սև օրերու մեջ կապրիմ. խոսելու ժամանակը անցավ, վերքերը վիս կկրծեն և թշվառությունը վիս կկոտեն... ո՞ր կողմը դառնամ ավեր, ո՞ր նստիմ փռչի, ո՞ր մտնեմ մշուշ: Ես հողես չեմ կրնար պատվիլ և կողակցիս փռչվո վրա կհսկեմ լավ սեպելով իրեն քով մեռնիլ քան թե իրմե հեռու ապրիլ»:

Այդպես Մայր Հայաստանը դառնում է գործող ու գործի մղող, հայահավաքի ու հայրենիքում մեկտեղվելու կոչ անող:

Մայր կամ Ոգի Հայաստանի գաղափարը գործնական դերի մեջ դնելու հաջող փորձ է արել 1862 թ. Ձմրանիայում հրատարակվող «Գարուն Հայաստանի» հանդեսի հմուտ խմբագիր Գրիգոր Պարտիպանյանը: Թերևս հենց նա է մեկ հետաքրքրող հոդվածի հեղինակը՝ «Ոգին Հայաստանյայց առ համորեն Հայկապունս», որ լույս է տեսել անստորագիր, իբրև խմբագրական՝ հանդեսի երեք համարներում և հավանաբար պետք է շարունակվեր, եթե պարբերականը չդադարեցվեր¹⁴:

Դիմելով «սիրելի Արամյանք»-ին, Մայր Հայաստանն ամենայն սթափությամբ ասում է. «Ես Հայաստանյայց Ոգին, երբեք Հայաստանի սահմաններեն բաժնվելու վատությունը պիտի չունենամ: Որովհետև Հայաստանը, հետևաբար անորմե սերյալ հայ ազգը ինձի սիրելի է և հավիտյան սիրելի պիտի

մնա, թեպետ թշվառ վիճակի մեջ կգտնվի այժմ»:

Շեղիսակը նպատակ ունի հին սերնդի օրինակով բորբոքել հայրենասիրություն և ազգասիրություն, ընդհանուր միաբանության և առաջադիմության կոչ անել:

Սհա այդպես 1860-ական թվականներից Մայր Հայաստանի գաղափարը միաձուլվել է «Ոգի Հայաստանի» պատկերի հետ և լայնորեն ներթափանցել ազատասիրական գաղափարախոսության մեջ:

Հայ ժողովրդի պատմության խաչոտիներում ներկա է Մայր Հայաստանի գաղափարը, Հայաստանի Ոգին: Ապրել է բուն իսկ ժողովրդի ճակատագիրը, ստացել նորանոր հնչումներ, մարմին առել ամեն նոր սերնդի հետ:

Գաղափարը բազմերանգ ընկալումներով մտքից միտք, ձեռքից ձեռք է անցել, դրվել ամեն ձևի մեջ, որ կարող էր անցնել հնարագետ վարպետի մտքով. վերակերտվել է կտավի ու գորգի վրա, ձեռագործներում, դարձել է վզնոցի վարդանախշ, դաշվել փայտի վրա, պատկերվել բնակարանի պատերին, տարածվել որպես հուշադրոշմանիշ, տպագրվել հապար ու մի հրատարակություններում, նրանց կապմերին, նույնիսկ երգվել, ցուցադրվել:

Այդպես Մայր Հայաստանը դառնալով պատկեր՝ «Ոգի Հայաստանի», ուղղակիորեն նպաստում էր ազգային ինքնագիտակցության ու պարթոնքին, շոշափելի դարձնում ազգապահպանության ու հայահավաքի, ազգային վերածննդի ու ազատագրության գաղափարը, տոգորում էր բուն հայրենասիրությամբ:

1881-ի սկզբներին սուլթանական Բարձրագույն Դուռը հատուկ ցուցում տվեց գավառապետներին՝ «արմատախիլ անել ազգային գրգռման արմատները» և մասնավորապես շեշտեց Վարդան Կորաձարի և «Հայաստանի ավերակների վրա» սգացող կնոջ պատկերը բռնագրավելու և ոչնչացնելու անհրաժեշտությունը¹⁵:

Այդ թվականներից սկսած Թուրքիայի ամբողջ տարածքում, առավել ևս 90-ական թվականներին և Մեծ եղեռնի սև տարիներին Մայր Հայաստանի գաղափարի ամեն մի դրսևորում հետապնդվել և հալածվել է, բայց, ինչպես դա լինում է սովորաբար, հալածանքներն ավելի կենսունակություն են հաղորդել Մայր Հայաստանի գաղափարին:

Պատկերն ու նրա գաղափարը հավատի ու կենսունակության աղբյուր դարձան, ամեն

¹³ Ս. Ոսկանյանի պարբերականներից մեջբերված քաղվածքներն ու տեղեկությունները տես «Արևմուտք», 1859, № 7, էջ 55, № 17, էջ 132, № 20, էջ 155—156, № 23, էջ 177, № 24, էջ 196: «Արևելք», 1885, № 4, էջ 118, № 11, էջ 332, 1856, № 14, էջ 438:

¹⁴ «Գարուն Հայաստանի», 1862, № 13, էջ 97—99, № 15, էջ 113—115, № 17, էջ 129—133:

¹⁵ Ռ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենայաց» կազմակերպությունը, Երևան, 1965, էջ 342:

մի նոր սերունդ մայրական կաթի հետ սընվեց նաև Մայր Հայաստանի գաղափարով, որն արձագանքվեց Պատկանյանի ու Րաֆֆու, Հովհաննիսյանի ու Իսահակյանի, Տերյանի ու Թումանյանի, Չարենցի ու Սևակի ստեղծագործությունների մեջ՝ «Դեպի Հայաստան» և «Հանուն Հայաստանի»: Դարավոր մշտնջիգ հառնած և հոգևոր Հայաստանով ջնջավորված գաղափարը հանգրվան գտավ

Նաիրյան երկրի երազային մտապատկերում և մարմին առավ իրական երկրով՝ Սովետական Հայաստանով, որ փոխարինեց, Վահան Տերյանի բնորոշմամբ՝ «մեր կիսամեռ հոգեվոր հայրենիքին, մեր ավերվող ու անդարձ անհետացող հոգևոր Հայաստանին»¹⁶:

¹⁶ Վ. Տերյան, ԵԺ, հ. 2, Երևան, 1961, էջ 319:



ՈՒՂՂՈՒՄ

«Էջմիածին» ամսագրի 1985 թ. Բ—Գ միացյալ համարի էջ 54-ում թյուրիմացաբար այլ նկար (Ս. Խորվիրապ) է տպվել:

ԽՄԲ.

«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(АПРЕЛЬ 1985 г.)

1. Пасхальная проповедь Католикоса всех армян Вазгена I, произнесенная в Кафедральном соборе св. Эчмиадзина, 7 апреля 1985 г. (стр. 3—5).
2. Обмен приветственными телеграммами и посланиями между Католикосом всех армян Вазгеном I и духовными главами сестёр-церквей по случаю чудесного праздника Воскресения Христова (стр. 6—8).
3. Поздравительное послание Католикоса всех армян Вазгена I трем иерархическим престолом Армянской Церкви, всем епархиальным предстоятелям и церковным общинам, по случаю чудесного праздника Воскресения Христова (стр. 9).
4. Энциклика Католикоса всех армян Вазгена I памяти жертвам геноцида армян, 24 апреля 1985 г. № 1343 (стр. 10—12).
5. Послание Католикоса всех армян Вазгена I Всемирному Совету Церквей и сестрам-церквам по случаю 70-летия геноцида армян, 18 января 1985 г. (стр. 13—14).
6. Ответ главы Римско-Католической Церкви Его Святейшества Папы Иоанн—Павла II Католикосу всех армян Вазгену I по случаю 70-летия геноцида армян, 16 марта 1985 г. (стр. 15—16).
7. Ответ Патриарха Московского и всея Руси Пимена Католикосу всех армян Вазгену I по случаю 70-летия геноцида армян, 10 апреля 1985 г. (стр. 17—18).
8. Ответ архиепископа Афины и всей Эллады Серафима Католикосу всех армян Вазгену I по случаю 70-летия геноцида армян (стр. 19).
9. Ответ архиепископа Кентрберийского и всей Англии Его Высокопреосвященства Роберта Рэнси Католикосу всех армян Вазгену I по поводу 70-летия геноцида армян, 22 февраля 1985 г. (стр. 20).
10. Ответ Патриарха Антиохии и всего Востока Антуана Пьер Хорейша Католикосу всех армян Вазгену I по случаю 70-летия геноцида армян, 2 марта 1985 г. (стр. 21—22).
11. Сообщение Канцелярии Эчмиадзинского Католикосата о посланиях и энцикликах Католикоса всех армян Вазгена I, направленные: Его Превосходительству королю Гусейну II (Иордания), высокопочтимому председателю Хафез Асаду (Сирия), высокопочтимому председателю Амин Джемаялю (Ливан), высокопочтимому председателю Саттам Гусейну (Ирак) об оказанном гуманном отношении к армянскому народу в дни геноцида (стр. 23—24).
12. Редакционная—Назло темным силам (по поводу 70-летия геноцида армян)—(стр. 25—26).
13. Диакон Акоп Мартиросян—Упоминание 70-летия великого геноцида в первопрестольном Эчмиадзине, 25 апреля 1985 г. (стр. 27—35).
14. Ованес Шираз—Отрывок из поэмы «Айон Дантеакан» (по мотивам книги Данте Алигьерни «Ад»)—(стр. 36—37).
15. В. Давтян—Отрывок из поэмы «Реквием» (стр. 38—39).
16. Эдуардас Межелайтис—Отрывок из стихотворения «Камень» из серии «Напротив Арарата» (стр. 41).
17. Бабкен Симонян—Перед развалинами Ани (стихотворение)—(стр. 42).
18. А. Кряжарян—Непобедимой волей и решимостью существовать (статья)—(стр. 43—48).
19. Энциклика Католикоса всех армян Вазгена I о присуждении титула «архиепископ» епископу Гнелу Джереджяну, 29 января 1985 г. (стр. 49—50).
20. Поздравительная телеграмма Католикоса всех армян Вазгена I художнику Гранту Авакяну из Румынии по случаю 85-летия со дня рождения, 26 марта 1985 г. (стр. 51).
21. Посещение г. Парижа Католикосом всех армян Вазгеном I с 22 февраля до 9 марта (стр. 52—53).
22. Представители Библейского Товарищества в первопрестольном Эчмиадзине с 25 марта до 2 апреля (стр. 54).
23. Диакон Акоп Мартиросян—Страстная Неделя и торжество Воскресения Христова в первопрестольном Эчмиадзине, 4—7 апреля 1985 г. (стр. 55—58).
24. Диакон Акоп Мартиросян—Архимандритская хиротонизация, 1—3 апреля 1985 г. (стр. 59—62).
25. Церковная хроника в первопрестольном Эчмиадзине за апрель месяц (стр. 63—66).
26. Диакон Айк Чулджян—Проповедничество (стр. 67—68).
27. Кончина митрополита Зиновия Мажугая (стр. 69—70).
28. М. Акопян—Понятие Мать-Армения в сферах армянской освободительной мысли (исследование)—(стр. 71—76).

"ETCHMIADZIN"
OFFICIAL JOURNAL OF HOLY ETCHMIADZIN
(APRIL 1985)

1. The sermon of His Holiness Vasken I, the Catholicos of All Armenians, given in the cathedral of Holy Etchmiadzin, during the feast of Easter, 7th April 1985 (pages 3—5).

2. The cables and letters of greeting exchanged between His Holiness Vasken I, the Supreme Patriarch and Catholicos of All Armenians, and the spiritual heads of the Sister Churches, on the occasion of the feast of Holy Resurrection (pages 6—8).

3. The congratulatory letters of His Holiness to the three hierarchical Sees of the Armenian Church, all the diocesan primates and church communities, on the occasion of the feast of Holy Resurrection (page 9).

4. The encyclical of His Holiness about the evocation of the 70th anniversary of 1915 genocide, 24th April 1985, No 1343 (pages 10—12).

5. The letter of His Holiness to the World Council of Churches and the sister churches, on the occasion of the 70th anniversary of the evocation of 1915 genocide, 18th January 1985 (pages 13—14).

6. The answer of His Holiness John-Paul II, the chief of the Roman Catholic Church, to His Holiness Vasken I, 16th March 1985 (pages 15—16).

7. The answer of His Holiness Pimen, the Patriarch of Moscow and of All Russia, to His Holiness Vasken I, 10th April 1985 (pages 17—18).

8. The answer of His Beatitude Seraphim, the Archbishop of Athens and Primate of All Greece, to His Holiness Vasken I (page 19).

9. The answer of His Grace Robert Runcie, the Archbishop and Metropolitan of Canterbury and Primate of England, to His Holiness Vasken I, 22nd February 1985 (page 20).

10. The answer of His Beatitude Antoine Pierre Khoratche, the Maronite Patriarch of Antioch and of All the East, to His Holiness Vasken I, 2nd March (pages 21—22).

11. The communiqué of the Holy See's Chancery, about the messages of His Holiness Vasken I, dated 20th February 1985, sent to His Majesty Hussein II, the King of Jordan, His Excellency Hafez Assad, the President of Syrian Arab Republic, His Excellency Amin Gemael, the President of the Republic of Lebanon, and His Excellency Saddam Hussein, the President of the Republic of Iraq, for the humanitarian regard shown by these countries to the Armenian people during the period of 1915 genocide (pages 23—24).

12. Editorial—In spite of the forces of evil (on the occasion of the 70th anniversary of April genocide)—(pages 25—26).

13. Deacon Hagop Martirossian—The commemoration of the Great Genocide's 70th anniversary in the Holy See, 25th April 1985 (pages 27—35).

14. An extract from the poem of Hovhannes Shiraz (pages 36—37).

15. V. Davtian—An extract from the poem of „Requiem“ (pages 38—40).

16. Edwardas Mejelaydis—An extract from the poetry „The Stone“ (from the series of „In front of Ararat“) —(page 41).

17. Babgen Simonian—„In front of Ani's ruins“ (poetry)—(page 42).

18. A. Kerkyasharian —„With an invincible will and permanent existence“ (article)—(pages 43—48).

19. The encyclical of His Holiness Vasken I about the granting of Archbishop's title to the Rt. Reverend Bishop Gnel Djeredjian, 29th January 1985 (pages 49—50).

20. The congratulatory cable of His Holiness to the Armenian painter of Roumania Hrand Avakian, on the occasion of the 85th anniversary of his birth, 26th March 1985 (page 51).

21. The visit of His Holiness Vasken I, the Catholicos of All Armenians, to Paris, from 22nd February until 9th March 1985 (pages 52—59).

22. The representatives of the Bible Society in the Holy See, from 25th March until 2nd April 1985 (page 54).

23. Deacon Hagop Martirossian—The Holy Week and the feast of the Holy Resurrection of the Saviour in the Mother See, 4—7th April 1985 (pages 55—58).

24. Deacon Hagop Martirossian—The delivery of the special doctoral degree, 1—3rd April 1985 (pages 59—62).

25. Divine liturgy services and sermons delivered in the Holy Cathedral and description of church festivities in the Holy See during the month of April (pages 63—66).

26. Deacon Haig Chooldjian—Essay of preaching (pages 67—68).

27. Necrology of the Metropolitan Zinovy of Majooga (pages 69—70).

28. M. Hagopian—The evolution of the idea of Mother Armenia during the long struggles for the freedom of the fatherland (study)—(pages 71—76).

„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(AVRIL 1985)

1. Homélie de Sa Sainteté Vasken Ier prononcée le 7 avril 1985 dans la cathédrale de Saint-Etchmiadzine à l'occasion de la sainte fête de pâques (pages 3—5).
2. Echange de télégrammes et de lettres de félicitation entre Sa Sainteté et les chefs spirituels des Eglises soeurs à l'occasion de la fête de la sainte Résurrection de notre Seigneur Jésus-Christ (pages 6—8).
3. Lettres de félicitation de Sa Sainteté adressées aux chefs des trois sièges hiérarchiques, aux prélats diocésains et aux communautés religieuses de l'Eglise apostolique arménienne à l'occasion de la fête pascale (page 9).
4. Encyclique No. 1343 de Sa Sainteté publiée le 24 avril 1985 pour commémorer le 70e anniversaire du génocide de 1915 (pages 10—12).
5. Lettre du 18 janvier 1985 de Sa Sainteté adressée au Conseil Oecuménique des Eglises et aux chefs des Eglises soeurs à l'occasion de la commémoration du 70e anniversaire du génocide de 1915 (pages 13—14).
6. Lettre-réponse du 16 mars 1985 de Sa Sainteté le Pape Jean-Paul II, chef de l'Eglise catholique romaine, adressée à Sa Sainteté Vasken Ier (pages 15—16).
7. Lettre-réponse du 10 avril 1985 de Sa Sainteté le Patriarche Pimen, chef de l'Eglise orthodoxe russe, adressée à Sa Sainteté Vasken Ier (pages 17—18).
8. Lettre-réponse de Sa Béatitudo Séraphim, Archevêque d'Athènes et Primat de toute la Grèce, adressée à Sa Sainteté Vasken Ier (page 19).
9. Lettre-réponse du 22 février 1985 de Sa Grâce Robert Runcie, Archevêque de Canterbury et Primat d'Angleterre, adressée à Sa Sainteté Vasken Ier (page 20).
10. Lettre-réponse du 2 mars 1985 de Sa Béatitudo Antoine Pierre Khoratche, Patriarche des Maronites d'Antioche et de tout l'Orient, adressée à Sa Sainteté Vasken Ier (pages 21—22).
11. Communiqué de la Chancellerie du Saint-Siège d'Etchmiadzine concernant les messages du 20 février 1985 de Sa Sainteté Vasken Ier adressés à Sa Majesté le roi Hussein II (Jordanie), à Son Excellence Hafez Assad, président de la République Arabe Syrienne, à Son Excellence Amin Gémael, président de la République Libanaise, à Son Excellence Saddam Hussein, président de la République d'Irak, pour l'attitude humanitaire que ces pays ont manifestée à l'égard du peuple arménien lors du génocide de 1915 (pages 23—24).
12. Editorial: „En dépit des forces du mal“ (à l'occasion du 70e anniversaire du génocide de 1915 (pages 25—26).
13. Diacre Hakob Martirosian—Commémoration du 70e anniversaire du génocide de 1915 au Saint-Siège d'Etchmiadzine (25 avril 1985)—(pages 27—35).
14. Hovhannès Chiraz—„Poème dantesque“ (extrait)—(pages 36—37).
15. V. Davtian—„Requiem“ (extrait du poème) — (pages 38—40).
16. Edouardas Mégélaïdis—Extrait du poème „La pierre“ (du cycle intitulé „En face de l'Ararat“) —(page 41).
17. Babken Simonian—„Devant les ruines d'Ani“ (poème)—(page 42).
18. A. Kerkiacharian—„Avec une volonté invincible et une fermeté d'exister“ (article)—pages 43—48).
19. Par son Encyclique du 29 janvier 1985 Sa Sainteté Vasken Ier a conféré le titre d'archevêque à Mgr. Gnel Djérédjian (pages 49—50).
20. Télégramme de félicitation de Sa Sainteté adressé le 26 mars 1985 à M. Hrant Avakian, peintre arménien de Roumanie, à l'occasion du 80e anniversaire de sa naissance (page 51).
21. Séjour de Sa Sainteté Vasken Ier à Paris du 22 février au 9 mars 1985 (pages 52—53).
22. Visite des représentants de la Société Biblique Universelle au Saint-Siège d'Etchmiadzine du 25 mars au 2 avril 1985 (page 54).
23. Diacre Hakob Martirosian—La semaine sainte et la célébration de la fête de la Résurrection au Saint-Siège d'Etchmiadzine du 4 au 7 avril 1985)— pages 55—58).
24. Diacre Hakob Martirosian—Collation du degré de docteur particulier en théologie (1—3 avril 1985)—(pages 59—62).
25. Brèves informations concernant la célébration des saintes messes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois d'avril 1985 (pages 63—66).
26. Diacre Haïk Tchouldjian—Essai de sermon (pages 67—68).
27. Nécrologie de Mgr. Zinovy, métropolite de Majouga (pages 69—70).
28. M. Hakobian—L'évolution de l'idée de la „Mère-Arménie“ au cours de longues luttes pour la libération de la patrie (étude)—(pages 71—76).

Ամենայն Հայոց կաթողիկոս Ս. Տ. Վազգեն Ա Հայրապետի վատկական քարոզը արտասանուած Սուրբ Էջմիածնի Մայր տաճարում	3
Փրկչի հրաշափառ Սուրբ Հարություն տոնի առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծություն Ս. Տ. Վազգեն Ա Հայրապետի և քույր եկեղեցիների հոգևոր պետերի միջև փոխանակված ողջույնի հեռագրերն ու գրությունները	6
Ամենայն Հայոց Վեհափառ Հայրապետի շնորհավորական գիրը Փրկչի հրաշափառ Սուրբ Հարության տոնի առթիվ՝ ուղղված Հայաստանյայց եկեղեցու նվիրապետական երեք Աթոռներին, թեմակալ բոլոր առաջնորդներին և եկեղեցական համայնքներին	9
ԱՄԵՆԱՅՆ ՀԱՅՈՑ ՎԵՀԱՓԱՐ ՀԱՅՐԱՊԵՏԻ սրբատառ կոնդակը Ապիրյան եղեռնի նահատակների հիշատակը ոգեկոչելու մասին	10
Ամենայն Հայոց Վեհափառ Հայրապետի գիրը եկեղեցիների Համաշխարհային խորհրդին և քույր եկեղեցիներին՝ Մեծ եղեռնի 70-ամյակի ոգեկոչման առթիվ	13
Հռոմեական կաթողիկ եկեղեցու պետ Նորին Սրբություն Հովհաննես-Պողոս Բ-ի նամակը Մոսկվայի և համայն Ռուսաստանի Նորին Սրբություն Պիմեն Պատրիարքի նամակը Աթենքի և համայն Հելլադայի Արքեպիսկոպոս, Նորին Գերաշնորհություն Սերաֆիմի նամակը	19
Քենթրբերիի Արքեպիսկոպոս, համայն Անգլիայի եպիսկոպոսապետ և միտրոպոլիտ, Նորին Գերաշնորհություն Ռոբերտ Ռըսսիի նամակը	20
Անտիոքի և համայն Արևելքի մարտիրոսների Պատրիարք Նորին Ամենապատվություն Աստուան Պիեռ խորեյշի նամակը	21
Հաղորդագրություն	23
ԽՄԲԱԳՐԱԿԱՆ—ի հեռուկա խավարի ուժերի	25
ՀԱԿՈԲ ՍԱՐԿԱՎԱԳ ՄԱՐՏԻՐՈՍՅԱՆ—Մեծ եղեռնի 70-ամյակի հիշատակումը Մայր Աթոռում	27
ՀՈՎՀԱՆՆԵՍ ԸՆԻՐԱԶ—Հայոց դանթեական (հատվածներ)	36
Վ. ԴԱՎԹՅԱՆ—Ռեքվիեմ (հատված)	38
ԷԴՈՒԱՐԴԱՍ ՄԵԺԵԼԱՅՏԻՍ—Քարը (հատված)	41
ԲԱԲԿԵՆ ՍԻՄՈՆՅԱՆ—Անյի ավերակների առջև	42
Ա. ԿՐԿՅԱԾԱՐՅԱՆ—Անպարտելի կամքով և գոյատևելու վճռականությամբ	43
ԱՄԵՆԱՅՆ ՀԱՅՈՑ ՎԵՀԱՓԱՐ ՀԱՅՐԱՊԵՏԻ կոնդակը Գերաշնորհ Ս. Գևել եպիսկոպոս ձերեճյանին արքայության պատիվ շնորհելու մասին	49
Վեհափառ Հայրապետի շնորհավորական հեռագիրը ռումինախյ նկարիչ Հրանդ Ավագյանին՝ ծննդյան ութսունհինգամյակի առթիվ	51
Վեհափառ Հայրապետի ուղևորությունը Փարիզ	52
Աստվածաշնչական Ընկերության ներկայացուցիչները Մայր Աթոռում	54
ՀԱԿՈԲ ՍԱՐԿԱՎԱԳ ՄԱՐՏԻՐՈՍՅԱՆ—Ավագ շաբաթը և Փրկչի հրաշափառ Հարության տոնակատարությունը Մայր Աթոռում	55
ՀԱԿՈԲ ՍԱՐԿԱՎԱԳ ՄԱՐՏԻՐՈՍՅԱՆ—Մասնավոր վարդապետական աստիճանի տրվելություն	59
ՄԱՅՐ ԱԹՈՌՈՒՄ—Եկեղեցական բեմ, լուրեր	63
ՀԱՅԿ ՍԱՐԿԱՎԱԳ ԶՈՒԼՅԱՆ—Քարոզ	67
ԳԵՎՈՐԳ ԵՊԻՍԿՈՊՈՍ ՍԵՐԱՅԴԱՐՅԱՆ—Հանգիստ Ս. Զիլովի միտրոպոլիտ Մաժուկայի Մ. ՀԱԿՈԲՅԱՆ—Մայր Հայաստանի գաղափարը հայ ազատասիրական մտքի ոլորտներում	69
«Эчмиадзин» официальный журнал Эчмиадзинского Католикосата	77
«Etchmiadzine» official journal of Holy Etchmiadzin	78
«Etchmiadzine» organe officiel du Saint-Siege d'Etchmiadzine	79

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ ԷՋՄԻԱԾԻՆ
«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Ս Կ Ա Վ Ե Րédaction de la revue «Etchmiadzine», Etchmiadzine, Arménie, URSS

Համաձևված է արտադրության 8.05.1985 թ.: Ստորագրված է տպագրության 22.05.1985 թ.: Տպագրական 5 մամուլ+8 ներդիր, թուղթ 60×84/4, պատվեր 378

Մայր Աթոռ Ս. Էջմիածնի տպարան, 1985 թ.